



Acerca de este libro

Esta es una copia digital de un libro que, durante generaciones, se ha conservado en las estanterías de una biblioteca, hasta que Google ha decidido escanearlo como parte de un proyecto que pretende que sea posible descubrir en línea libros de todo el mundo.

Ha sobrevivido tantos años como para que los derechos de autor hayan expirado y el libro pase a ser de dominio público. El que un libro sea de dominio público significa que nunca ha estado protegido por derechos de autor, o bien que el período legal de estos derechos ya ha expirado. Es posible que una misma obra sea de dominio público en unos países y, sin embargo, no lo sea en otros. Los libros de dominio público son nuestras puertas hacia el pasado, suponen un patrimonio histórico, cultural y de conocimientos que, a menudo, resulta difícil de descubrir.

Todas las anotaciones, marcas y otras señales en los márgenes que estén presentes en el volumen original aparecerán también en este archivo como testimonio del largo viaje que el libro ha recorrido desde el editor hasta la biblioteca y, finalmente, hasta usted.

Normas de uso

Google se enorgullece de poder colaborar con distintas bibliotecas para digitalizar los materiales de dominio público a fin de hacerlos accesibles a todo el mundo. Los libros de dominio público son patrimonio de todos, nosotros somos sus humildes guardianes. No obstante, se trata de un trabajo caro. Por este motivo, y para poder ofrecer este recurso, hemos tomado medidas para evitar que se produzca un abuso por parte de terceros con fines comerciales, y hemos incluido restricciones técnicas sobre las solicitudes automatizadas.

Asimismo, le pedimos que:

- + *Haga un uso exclusivamente no comercial de estos archivos* Hemos diseñado la Búsqueda de libros de Google para el uso de particulares; como tal, le pedimos que utilice estos archivos con fines personales, y no comerciales.
- + *No envíe solicitudes automatizadas* Por favor, no envíe solicitudes automatizadas de ningún tipo al sistema de Google. Si está llevando a cabo una investigación sobre traducción automática, reconocimiento óptico de caracteres u otros campos para los que resulte útil disfrutar de acceso a una gran cantidad de texto, por favor, envíenos un mensaje. Fomentamos el uso de materiales de dominio público con estos propósitos y seguro que podremos ayudarle.
- + *Conserve la atribución* La filigrana de Google que verá en todos los archivos es fundamental para informar a los usuarios sobre este proyecto y ayudarles a encontrar materiales adicionales en la Búsqueda de libros de Google. Por favor, no la elimine.
- + *Manténgase siempre dentro de la legalidad* Sea cual sea el uso que haga de estos materiales, recuerde que es responsable de asegurarse de que todo lo que hace es legal. No dé por sentado que, por el hecho de que una obra se considere de dominio público para los usuarios de los Estados Unidos, lo será también para los usuarios de otros países. La legislación sobre derechos de autor varía de un país a otro, y no podemos facilitar información sobre si está permitido un uso específico de algún libro. Por favor, no suponga que la aparición de un libro en nuestro programa significa que se puede utilizar de igual manera en todo el mundo. La responsabilidad ante la infracción de los derechos de autor puede ser muy grave.

Acerca de la Búsqueda de libros de Google

El objetivo de Google consiste en organizar información procedente de todo el mundo y hacerla accesible y útil de forma universal. El programa de Búsqueda de libros de Google ayuda a los lectores a descubrir los libros de todo el mundo a la vez que ayuda a autores y editores a llegar a nuevas audiencias. Podrá realizar búsquedas en el texto completo de este libro en la web, en la página <http://books.google.com>

ÖSTERREICHISCHE
NATIONALBIBLIOTHEK

300.560-C

ALT-

Mikroverfilmt
Umsignieren auf

MF 5070

300.560-C.Alt

ÖSTERREICHISCHE
NATIONALBIBLIOTHEK

300.560-C

ALT-

Mikroverfilmt
Umsignieren auf

MF 5070

300.560-C.Alt

JOSEPHI LEONARDI BANNIZÆ,

IVR. VNIV. DOCT. SAC. CÆS. REG. MAEST.

CONSIL. REGIM.

Opposit

D E L I N E A T I O
JVRISPRVDENTIAE
NATVRALIS

DISSERTATIONIBVS,

QVÆ

DE SINGVLIS MATERIIS PRODIERVNT,

ILLVSTRATA.

E D I T I O S E C V N D A .

V I N D O B O N Æ ,

TYPIS GEORGII LVDOVICI SCHVLZII,

ACADEMICI TYPOGRAPHI,

M D C C L X I I .

300.560-C

ZANNIKA (von Bajan), Joseph-Leonhard



2-000 003



SECTIO I. DE JVRE NATVRÆ IN GENERE.

§. I.

Deus T. O. M. quum hominem cre-
verit, eidem certum præfixit fi-
nem, qui sine mediis obtineri ne-
quit: media autem perveniendi ad
finem a supremo Ente in creatione
hominis præfixum nihil aliud sunt
quam *leges*, quæ rectissimam tutissimamque viam
adsequendi finem monstrant. Hæ leges, quum a
Deo tanquam Auctore naturæ procedant, atque
cum ipsa natura humana necessario conjunctæ sint,

A recte

recte *naturales* vocantur. Unde nemo, et si sceleratissimus esset, inficias ire poterit, existere Jvs NATVRALE; cujus existentiam (*) varii Icti argumentis certe evidentissimis demonstrarunt. Sic NICOL. AND. POMPEJVS *peculiari dissertatione existentiam juris naturæ vindicavit.* Altorfii. 1688. MICHAEL. CHRISTOPH. HANOVII *Examen dubiorum contra existentiam juris naturæ motorum.* Lipsiæ. 1720. JOH. GOTTHELFF. ROSÆ *dissertationes sex de existentia juris naturalis.* Rudolstadtii. 1722. JOH. SERLACHIVS *de origine juris naturalis.* Vpsalii. 1728. JOAN. JACH. WEIDNER *jus naturæ omnibus congenitum & insitum.* *Dissert. IV.* Rostogii. 1711. GERARD. VAN DER MVELEN *de origine juris naturalis.* Trajecti. 1684. JOAN. MÜLLER *de jtris naturæ veritate.* Vitebergæ. 1677. VALENT. ALBERTI *de origine juris naturæ.* Lipsiæ. 1668. JOH. CHRIST. HEPLERI *dissert. de divinarum legum existentia, certitudine, immutabilitate, earumque cum humanis consensione.* Witteb. 1732. JOH. HILDEBRAND *de lege Dei æterna.* Helmstadii. 1651.

(*) Jus naturale non modo existit, sed & ejus culturam summopere utilem, necessariamque esse, in dubium nemo vocabit. Suram profecto utilitatem scientia juris

ris naturalis cum in profanis, tum in sacris præstat. Est enim basis ac fundamentum vitæ civilis, omnisque juris fons uberrimus, præcipue jurisprudentia Romanæ, quoniam illa partim ex legibus naturalibus, partim ex præceptis gentium & civilibus collecta est. Accedit, quod & ipsa potestas legalatoria limitibus jurisprudentiae naturalia circumspicit, quin immo controversiæ inter ipsos Imperantes aliasque personas illustres ortæ ex nullo alio quam naturali jure decidi ac determinari possint. Est quoque basis ac fundamentum sanæ Theologie, nec non & religionis revelatae fulcrum immobile. Arctissima namque harmonia religionem revealatam ister & naturalem intercedit. Nihil certe in religione revelata præceptum, quod in naturali esset prohibitum, nihilque prohibitum, quod in naturali esset præceptum, sed quod in religione naturali aut præceptum, aut prohibitum reperitur, id ipsum quoque ut in religione revelata aut prohibitum, aut præceptum sit, necesse est, quoniam utriusque religionis idem est Auctor, quem sibi contradicere posse, nemo sine summa blasphemia afferere potest. Utramque utilitatem fortissimis argumentis comprobant in se suscepérunt JCti in separatis tractatibus. LAVRENT. REINHARD *de insigni utilitate juris naturalis. Vinar. 1739.* Ioh. GOTTHELF ROSA *de utilitate juris naturalis ad Theologiam. Jena. 1720.* Ioh. BALTH. WERNHER *de utilitate juris naturalis in foro. Ioh. CHRIST. SCHROETER de juris naturali & civilis concordia. Jena. 1715.* BARTHOLD. SCHYLTEN *de convenientia legis romanae cum lege naturali. Græningæ. 1747.* Ioh. STRAVCHIVS *de iuris naturalis et civiles*

DELINEATIO

civilis convenientia. *Fene.* 1674. IMM. WEBER de habitu juris naturæ ad disciplinam Christianorum. *Gissæ.* 1699. CHRIST. WILDVOGEL de usu juris naturæ in actionibus Principum perspicuo. *Fene.* 1714. HERM. CARL. LVD. DE NAVENDORFF de usu juris naturalis in actionibus Principum. *Fene,* 1715. HENR. ERNEST. KESTNER de statu jurisprudie, atque necessaria juris civilis & naturalis conjunctione. *Rintelii* 1699. Ill. L. B. de ICKSTATT de necessitate studii juris naturæ & gentium. *Wurceburgi.* 1732. IOH. WILH. ENGELBRECHTI Oratio de jure naturæ & gentium, magno Civilis jurisprudentiae praesidio. *Helmgstadii.* 1705. CHR. LVD. CRELLIUS de adjumentis juris civilis ex jure naturali. *Wittebergæ.* 1730. GEORG. ADOLPH. CARROCIUS de usu juris naturalis in statu civili. *Grypb.* 1708.

§. II.

Jus NATVRALE nobis est *complexus legum a Deo toti generi humano per rectam rationem promulgatarum.* Ex qua definitione quivis colliget, a jure naturæ differre jus divinum positivum universale (*), & quidem non tantum ratione Auctoris, sed & promulgationis, atque mutabilitatis. Illud enim procedit a Deo tanquam Auctore naturæ: hoc vero tanquam libero legislatore; adeoque prius immutabile, posterius econtra mutabile. Illud per rectam rationem tanquam modum uni-

universalem omnibus hominibus proprium promulgatum est: hoc per sacram scripturam atque traditionem nobis innotescit. Discrimen inter utrumque jus erudit ostendit SAM. ANDR. in *Vindiciis juris divini moralis scripti, quatenus a jure naturæ distinquitur.* Marpurgi. 1688. JOH. UPMARCK *discrimen legum divinarum universalium naturalium & positivarum.* Upsalii. 1685.

*) Per jus divinum positivum universale intelligimus verbum divinum revelatum, tam scriptum quam non scriptum, ceu traditum, præter quod & in specie Legem Evangelii nullum aliud jus divinum positivum universale admittimus. Frustra sane adstruuntur ab hebreis septem illa præcepta, quæ Noacho a Deo data esse, sine fundamento jaētant. Nam id destituitur fide historica, nec unquam probari potest, illa vere Noacho data esse, & si quædam eorum, quæ præcepta illa inculcānt, nota sunt Noachidarum posteris, ea illis non ex traditione, sed ex recta ratione innotuerunt, proindeque non sunt leges positivæ, sed per rectam rationem promulgatae. Huc præprimis spectat IOH. ANDR. HANNESONII opusculum de non existentia legum divinarum positivarum universalium, quo argumenta aliunde petita non solum rite examinantur, sed & novæ quædam probationes præfertim in auditorum suorum usum adduntur. Göttingæ. 1744. IOH. SIGISM. VNGEWITTER num jus divinum detur positivum uniuersale. Göttingæ. 1742. HENRIC.

DELINEATIO

KLAWSINGVS *de legibus divinis positivis universalibus.* Vittebergæ. 1711. IMM. WEBER *de legibus divinis positivis universalibus.* Gieffæ. 1705. CHRIST. REITZER *de jure divino positivo universali.* Hafniæ. 1702. ALBERT. RIPPER. *de lege ac legibus divinis positivis universalibus in specie.* Hamburgi. 1722. 8. JOH. AND. GRAMLICHII *vindiciae legum divinarum positivarum universalium..* 1714. MICH. HENRIC. REINHARDVS *de jure positivo universali.* Vittebergæ. 1728. JOH. GOTTL. JACHMANNI *dissert.* *de genuino charactere legum divinarum practicarum universalium.* Lipsiae. 1749. GEORG. GOTHOFR. KEVFFELII *disput.* *de legibus divinis positivis universalibus.* Helmſtadii. 1751.

§. III.

Jus illud, quod Deus sapientissimus naturæ humanæ indidit, inscripsit, atque inculcavit, quum ab eo tanquam Auctore naturæ procedat (§. II.), debet cum ipsa natura necessario coniunctum (§. I.) esse, ab eaque inseparabile. Quare stante hac natura nulli id obnoxium esse mutationi (*), quivis facile intelliget. Hanc immutabilitatem solidè ac nervosè nobis exhibuit IOAN. DAVID SCHWERTNER *in dissertatione de juris naturæ immutabilitate.* Lipsiae. 1680. CASP. a RHEDEN *de immutabilitate juris naturæ.* Bremæ. 1717. IOAN. BERNH.

BERNH. LVHN *de legis naturæ immutabilitate.*
 Witebergæ. 1702. JVST. MAVRIT. WALLENDOR-
 PIVS *de immutabilitate juris naturæ.* Ultrajecti.
 1714. DANIEL. FRIDERIC. HOHEISEL *de immu-
 tabili legis naturæ veritate.* Gedani. 1717. ERH.
 REVSCHIVS *de immutabili lege naturæ.* Helmstadii.
 1739. ERNEST. TENZEL *de juris naturæ immuta-
 bilitate.* Erfordii. 1719. HENRIC. COCCEIVS *de
 immutabilitate juris naturæ.* Ultrajecti. 1696.
 JOAN. CRAMERVS *de immutabilitate & mutabili-
 tate juris naturæ, gentium, & civilis.* Franco-
 furti. 1669. JOAN. CASP. BRENDDEL *de immuta-
 bilitate juris naturæ.* Lipsiæ. 1689. GOD. CROO-
 NENBERGIVS *de juris naturæ constantia & immu-
 tabilitate.* Lugduni Batavorum. 1721. JOH. CHR.
 HEDLER *de divinarum legum existentia, certitu-
 dine, immutabilitate earumque cum humanis con-
 sensione.* Wittebergæ. 1732. JOAN. JOACH. ZEN-
 TERAVIVS *de origine, veritate, & immutabili re-
 titudine juris naturæ & gentium.* Argentorati.
 1678. & 1684.

* Idipsum quoque statuimus de jure gentium, quippe
 quod a jure naturæ indistinctum est, & qui inter utrum-
 que discriminem admittunt, rationem fane fugiunt; nam
 sive homines singulos seorsim, sive in certas societa-
 tes

tes minores aut majores collectos consideramus, semper eadem manent præcepta, eadem leges. Unde jus naturæ a jure gentium (quod obligat per modum legis) nec principio cognoscendi, nec ipsis regulis, sed solo objecto discernitur; prout illud vel versatur circa actiones singulorum hominum, vel integrarum gentium. Si prius, jus illud NATVRALE, si posterius, JVS GENTIVM vocamus, quod nihil aliud est, quam ipsum *jus naturale catus & negotiis integrarum gentium applicatum.* Quod eleganter comprobavit in peculiari dissertatione JOAN. CONRAD. DVRIVS de *juris gentium cum jure naturæ consensu.* Altdorf. 1761. DAVID. FRIESKAPPEINE *an & quatenus jus gentium a jure naturæ differat?* Lugduni Batavorum. 1741. JOAN. DAVID. SCHWERTNER *de discrimine juris gentium a jure naturæ.* Lipsie. 1685. CHR. WILH. LOESCHERVS *de distinctione juris naturæ & gentium.* Wittebergæ. 1699. CAROL. LVNDIVS *de fundamentis juris naturæ & gentium, eorumque discriminibus.* Upsalii. 1700.

§. IV.

Quemadmodum jus naturæ omnem respuit mutabilitatem (§. III.); ita & nec ullam recipit dispensationem; proindeque nec Deum, qui non potest, quod non vult, quidquam contra legem illam æternam indulgere, multoque minus ullum mortalium in illam quidquam sibi imperii adrogare posse, per se patet. Hanc veritatem dilucidarunt

varii

varii Jcti, inter quos eminet HENRIC. GOTTL.
SCHNEIDER *de legis naturæ indispensabilitate. Wit-*
tebergæ. 1705. JVST. CELLARIVS *utrum in jure*
naturæ fieri potest dispensatio? Helmstadii. 1761.
VALENT. ALBERTI *utrum dispensatio circa jus na-*
turæ locum habeat? Lipsiæ. 1685. ERNEST. FRID.
SCHROETER *de legislatoris in jus naturæ potestate.*
Jenæ. 1672. CAROL. GOTTFRID. WINCKLER *de*
potestate legum Civilium in jus naturæ. Lipsiæ.
1713. GEORG. ENGELBRECHT *de potestate Prin-*
cipum in dispensando. Helmstadii. 1695. JOH.
JACOB. BATTIERIVS *de dispensatione & illius jure.*
Basil. 1693. THEOD. BOLTZ *de gratia Principis*
circa delinquentem artificem. Regiom. 1732. PO-
LYCARP. LYSER *de dispensatione legis.* Lipsiæ.
1685. JOH. PHILIP. PALTHENIVS *de jure principis*
dispensandi circa leges, præcipue pœnales. Grypb.
1705. DAVID. STAVINSKIVS *de jure principis pœnas*
lege divina determinatas mitigandi & remittendi.
Halæ. 1695.

§. V.

Quum igitur jus naturale sit immutabile
(§. III.), neque ullam recipiat dispensationem
(§. IV.), necesse est, ut bonitas & malitia actio-

B

num,

num, uti & moralitas, quæ bonitatem vel malitiam speciatim moralem efficit, iis sit intrinseca, siquidem jus naturale versatur circa ea, quæ naturæ humanæ, seu essentiæ convenient, præcipiendo, ea vero, quæ eidem repugnant, prohibendo. Unde ob hanc ipsam causam, propter quam actiones nostræ liberæ bonæ dicuntur vel malæ, bonitas aut malitia ab iis sejungi sine destructione naturæ humanæ, seu essentiæ nequit; proindeque quam parum essentiæ rerum sint mutabiles, tam parum bonitas aut malitia; adeoque illam actionibus humanis intrinsecam esse, unusquisque facili negotio intelliget. Hanc materiam peculiari scripto illustravit HEINR. KLAVSING *de interna bonitate & malitia actuum moralium.* Wittebergæ. 1709. VALENT. VELTHEMIVS *num actus dentur per se honesti aut turpes, qui que adeo in sua natura sunt debiti & illiciti.* Jenæ. 1674. GEORG. THEGEN. *de actionibus in se & sua natura, non ob legis prohibitionem malis.* Regiom. 1701. IOH. THEOPHIL. REVLING *de intentione actionem malam non mutante.* Halæ. 1705. CHRIST. MICH. FISCHBECK *de bona intentione ad actionis bonitatem minime sufficiente.* Wittebergæ. Item *de actus mali causa.* ibid. 1699. CHRIST. FRIED. STIEDLITZ *de inter-*
narum

*narum actionum malarum pœnis. Lipsiae. 1747.
CHRIST. ROEHRENSEE de moralitate actus huma-
ni interioris. Wittebergæ. 1701.*

§. VI.

Eflectus juris naturalis, uti & cujuslibet legis est OBLIGATIO, quæ est *nexus motivorum cum actione libera*. Si illa motiva in ipsa actionum bonitate aut pravitate consistant, obligatio INTERNA: Si vero in entis cujusdam, cuius imperium agnoscimus, voluntate aliquas actiones sub comminatione pœnæ aut prohibendi, aut præcipiendi, EXTERNA appellatur. Utramque obligationem legibus naturalibus inesse haud dubitamus. De hac materia egit JOH. ANDR. FROMMANNVS *de obligatione naturali*. Tubingæ. 1676. ERIC. RVDA *de obligatione juris naturalis*. Aboæ. 1696. JACOB. ADELVNG. *de verae obligationis natura & usu*. Jenæ. 1727. GEORG. ADAM. STRVVIUS *de natura obligationum*. Jenæ. 1659. CONR. GVIL. STRECKER *de vera & genuina indole obligationum in genere*. Erfordii. 1728. CASP. ZIEGLERVVS *de obligatione in genere*. Wittebergæ. 1678. POLYC. WIRTHIVS *de obligationibus in genere*. Lipsiae. 1653. HENR. ERNET. SEEBACH *fontes obligatio-*

num principales. Wittebergæ. 1705. BERNH. SCHVL-
ZIVS de obligationibus in genere. Rintelii. 1661.
ANT. SCHVLTING de naturali obligatione. Lugd.
Batavorum. 1683. HENR. SCHMERHEM de obliga-
tionibus earumque causis in genere. Helmstadii.
1631. JOH. EBERH. RÖSLER de obligatione. Tubin-
gæ: 1717. HENR. NEVENHRN de obligationibus in
genere. Jenæ. 1622. CHRISTOPH. KZEMBERGKIVS de
obligationibus in genere. Wittebergæ. 1620. JOAN.
VOLCK. BECHMANNVS de obligationibus. Jenæ.
1655. JOH. VAN ALPHEN de causis obligationum.
Lugd. Batavorum. 1675. ABRAH. KÆSTNER de le-
gis obligatione in foro conscientiæ. Lipsiæ. 1745.

*) Altera divisio obligationis est in *connatam*, quæ cum
 ipso homine nascitur: & in *adventitiam*, quæ ex facto
 aliquo humano præcedente resultat. Alia dein est
perfecta, quando sub comminatione pœnæ vel propo-
 sito præmio prohibentur, vel præcipiuntur actiones
 quædam, vel *imperfecta*, quando sine coactione ad vir-
 tutem vel honestatem obligamur. Reliquæ obligatio-
 nis divisiones quum non sint magni momenti, hic
 omittimus, sed addimus scriptores huc facientes. SIM.
HENR. MVSÆVS de obligatione perfecta. Kiloni. 1708.
HENR. SARTORIVS de obligationibus imperfectis. Mar-
purgi. 1629. JOH. SAM. STRYCKIVS de obligatione anti-
dozali. Halæ. 1703. SAM. FRID. WILLENBERG de
obligatione alternativa. Gedani. 1731.

§. VII.

§. VII.

Quandoquidem ergo effectus juris naturalis sit obligatio, tam interna, quam externa (§. VI.), quæ in entis cuiusdam, cuius imperium agnoscimus, voluntate & quidem necessaria (§. IV.) consistit, non videtur, ideam legislatoris e definitione legis eliminari posse; ac proinde lex naturalis nobis est *norma actionum humanarum a Deo ut Auctore naturæ præscripta*. Per normam intelligimus *evidens boni malique criterium*, quæ ut officio suo ex aſſe fungatur, debet esse *recta, certa, constans*, & cum obligatione conjuncta, eaque *interna*, siquidem obligatio interna bonitatem cum actione connectit, hominemque ideo ad agendum impellit, eo quod actio bona ipſiſque utilis sit futura, homines autem ſepiſſime bonum adparens pro vero amplectuntur; quin imo propriæ utilitati renunciare poſſunt. Ex quo colligimus, normam cum interna duntaxat obligatione conjunctam esse incertam; adeoque indignam, quæ normæ nomine veniat. Hac de re legi meretur FRID. MENZ *quod norma actionum humanarum in Societate improprie dicatur lex naturæ*. Lipsiæ. 1711. JACOB. FRID. MULLER *an jus naturæ extiturum, homines-*

B 3

que

que obligaturum fuisset, etiamsi Deus non existaret. GIESSÆ. 1739. CASP. A RHEDEN *de causa obligandi primoque modo cognoscendi jus naturæ.* BREMÆ. 1715. JOH. BALTH. WERNHER *de norma actionum humanarum.* LIPSIÆ 1698. IOH. IER. KERN *de norma actionum humanarum.* WITTEBERGÆ. 1686. IOH. FRIDEM. SCHNEIDER *de norma actionum moralium.* HALÆ. 1698.

§. IIX.

Quum lex naturalis nobis sit norma actionum humanarum a Deo ut Auctore naturæ præscripta (§. VII.), res ipsa exigit, ut de natura actionum humanarum paulo accuratius tractemus. ACTIO est motus, cuius ratio sufficiens existit in ipso subjecto agente. Ratio illa sufficiens vel existit in sola anima, vel corpore, vel in anima & corpore simul, unde actio pro ratione circumstantiarum vel INTERNA, vel EXTERNA, vel MIXTA adpellatur. Actiones porro vel sunt BONÆ, vel MALÆ, prout vel convenient fini, vel ab eo recedunt *). Actiones vero, quarum nobis consciî sumus, quæque in nostra potestate ac arbitrio positæ sunt, HUMANÆ vel MORALES: quarum autem nec consciî

conscii sumus, aut quæ nec a nostra potestate dependent, PHISICÆ vel NATVRALES nuncupantur. Quare priores *liberas*, posteriores *necessarias* esse; adeoque humanas, non phisicas actiones a jure naturæ dirigi, facile est ad existimandum. Hanc materiam eleganter exposuerunt varii Icti. DAN. GIHNLEIN *de actionum humanarum natura & divisionibus*. Coburg. 1696. CHRIST. GEORG. SCHVHLER *de natura actionum humanarum*. Hale. 1720. GEORG. ALBERT. HAMBERGER *de natura actionum humanarum*. CHRIST. GOTTWALD *de actionibus hominis naturalibus*. Lipsiæ. 1719. DAN. BEZORINGER *de actionibus humanis earumque differentiis*. Ultrajecti. 1657. SIM. HENR. MVSÆVS *de actionum moralitate, circa quas jus naturæ versatur*. Kiloni. 1690. HENR. GVTBERLETH *de actionum moralium differentiis*. Davent. 1632. IOH. CASPAR. BRENDL *de circumstantiis actus humani moraliter boni*. Witteb. 1689. POLYC. LYSERVVS *unde actionum moralitas dependeat?* Lips. 1678. IOH. BALTH. WERNHER *de actionum moralium materiali & formalis*. Lips. 1697. IOH. EICHELIVS *de humanarum actionum libertate*. Helmstadii. 1652. CHRIST. RÖRENSEE *de actione morali*. Wittebergæ. 1676. Item *de actione majoris mali*. ibid. 1677. Item *de actio-*

actionibus elicitis. ibid. 1694. IOH. MÜLLER *de actionibus elicitis. Witteb. 1672.* HENR. GOTTL. SCHELLHAFER *de indole legis permittentis seu de principio actionum licitarum. Lips. 1729.*

*) Tertiam speciem, quam vocant actiones INDIFFERENTES, quæ nec bonæ, nec malæ essent, non admittimus. Omnis enim actio ab homine peragenda debet suscipi cum certis circumstantiis, quæ vel tendunt ad finem, vel recessuut ab eo: si prius, actio erit bona, si posterius, mala erit. Ex quo ergo evincitur, nullam dari actionem formaliter & in concerto indifferentem, nisi objective & in obstracto: id est præscindendo ab omnibus circumstantiis, quæ alias actionem aut bonam, aut malam efficerent. Huc conferri potest IOH. NICOL. FREY *nullitas actionum bominis indifferentium. Gieffæ. 1700.* IOH. FRID. HENNIGKA *de non existentia actionum indifferentium secundum individua. Lipsiæ. 1680.* IOH. EISENHART **de actionum bominum moralitate & indifferentia. Helmstadii. 1679.* TOB. NADLER *de actionibus indifferentibus per principium rationali explosis. Altorfii. 1750.*

§. IX.

Quumque actiones humanæ, ceu morales in nostra potestate ac arbitrio positæ sint (§. IIX.); adeoque a jure naturæ dirigantur, merito inde colligi-

igitibus, duo esse actionum humanarum, eeu morum principia, INTELLECTVM scilicet & VOLUNTATEM. Hæ duæ animi potentiae ad omnem actionem humanam *) ut concurrant, necesse est; nihil enim (ut verbis Summulistarum utamur) volatum, nisi prius præcognitum. Hujus rei varia extant Jectorum scripta. Sie HENR. SCHEVRL *de principiis actionum humanarum. Helmstadii. 1648.* SCHMVCKER *de principiis actionum humanarum. Tubingæ. 1706.* IOH. EVERH. ROESLER *de principiis actionum humanarum. Tubingæ. 1706.* GEORG. PASCHIVS *de actionum humanarum principio. Kiloni. 1696.* IOH. RICHTER *de principio actionum humanarum. Kilon. 1670.* MATH. PALVMBIVS *de eo, quod primum & ultimum est in actionibus humanis. Jenæ. 1679.* IOH. EUCHELIVS *de principio actionum humanarum. Helmstadti. 1672.* CHRIST. BREITHAVPT *de principiis actionum humanarum. Halæ. 1714.* IOH. CAP. BRENDELII *principium proximum actionum humanarum. Witteb. 1683.* IOH. BOESE *de illustri actionum humanarum principio, præfisi. Regiom. 1705.*

*) Ex quo adparet, jus naturæ non cadere in bruta, quippe quæ actiones mere phisicas edunt, omnique rationis usu destituuntur. Non tamen carpendus est

VLPIANVS, quum jus naturæ definierit, *quod natura omnia animantia docuit.* L. I. §. 3. ff. de just. & jur. Is enim non intellexit jus naturæ proprie tale (cujus nomine venit jus gentium primarium) sed potius quatenus pro instinctu naturali accipitur. Optime sane ejus definitio quadrat principiis philosophiæ stoicæ, cui is addictus fuit, ac proinde qui VLPIANVM carpit, se ipsum ignorantia saltem principiorum stoicæ philosophiæ accusat. Huc spectat ADR. BEJER *an & quatenus jus naturæ cadat in bruta?* Jenæ. 1664. HENR. JENTSCH *de jure naturæ brutis denegato.* Lipsiæ. 1684. CARL. ANDR. REDELIVS *de jure naturæ in bruta non cadente.* Lipsiæ. 1692. GOTTL. SCHELVGIGIVS *de obligatione boni-naturali erga bruta.* Gedani. 1714. JOH. FRIDEM. SCHNEIDER *de brutorum religione.* Halæ. 1702.

§. X.

Quoniam ergo voluntas nihil potest adpetere, aut adversari, nisi id prius in intellectu fuerit (§. IX.), consequens est, ut nec actionem tanquam justam edere, aut tanquam injustam adversari possit, nisi eam intellectus distincte percepit, atque cum lege vel saltem cum idea legis per ratiocinium comparaverit. Ratiocinatio illa, quam homo de justitia aut injustitia actionum suarum instituit, vocatur CONSCIENTIA *). Difficultates circa conscientiam ejusque obligationem varii Jcti eleganter eno-

enodarunt. ROB. SANDERSON *de conscientia ejusque obligatione.* Cothen. 1674. JOH. GOTTH. ROSA *de conscientia.* Jenæ. 1712. GEORG. SCHWARZ *de obligatione conscientiae.* FRED. DE CASTRO-PAOLO *de conscientia.* Lugd. Batav. 1645. MATTH. HOMEN *de conscientia.* Paris. 1653. FRID. JACOB. STRAVBIUS *de conscientia Athei.* Jenæ. 1738. HENR. CHRIST. TIELCKEN *de obligatione conscientiae ex delicto.* Rostochii. 1688. JOH. CYPRIANVS *utrum gentiles conscientiam malam, tranquillam reddere potuerint.* Lipsiæ. 1697.

*) Varias conscientiæ species excogitarunt moralistæ. Ac primo quidem *bonam* vocant eam, a qua quis absolvitur: *malam* vero, a qua condemnatur. Dein *antecedentem*, quæ de actionibus nondum editis rationatur; quæ vero de actionibus jam editis, *consequentem* adpellant. Conscientia *antecedens* vel docet actionem *ex lege faciendam*, vel *omitterendam*, vel esse permissum agere aut non agere, unde prior *instigans*, altera *re-vocans*, tertia *admonens* dicitur. Porro conscientia vel est *recta*, vel *erronea*, prout illa ratiocinatio de bonitate aut malitia actionis ex vera vel falsa lege, falsisque actionis circumstantiis est instituta. Est etiam conscientia vel *certa* vel *probabilis*, siquidem vel ex certa atque indubia lege, vel ex probabili aliorum sententia ratiocinatur. Si vero stante conscientia probabili anxius quis hæreat, ita ut in neutram partem se determinare

minare possit, *dubia*, quæ, quum ex frivolis oriantur, *scrupulosa* adpellari solent. De variis hisce speciebus tractarunt variis Icti CHRIST. SAM. MARTINI de *conscientia dubia*. *Lipsiae*. 1685. FRANC. BARDI *conclusio-*
nes morales de conscientia dubia & scrupulosa. *Francofurti*.
 1653. JOH. MART. LOCHMANNVS de *obligatione conscientia*
erronea. *Lipsiae*. 1687. WOLFG. BALTH. ADOLPH. DE
 STEINWEHR de *obligatione conscientia errantis*. *Lipsiae*.
 1732. HASSLINGER *conscientia discreta*. *Salisburgi*. 1723;

§. XI.

Cum conscientia non est confundenda IMPV-
 TATIO, quæ est *adPLICATIO LEGIS AD FACTUM*, ceu est
 ratiocinatio, qua factum alienum omnesque cir-
 cumstantiæ cum lege comparantur, atque huic
 actioni effectum a lege propositum sive bonum,
 sive malum inesse declaratur. Ex hoc ergo erui-
 tur discrimen inter conscientiam & imputationem.
 Prior ratiocinatio instituitur de justitia vel injustitia,
 actionum propriarum: posterior vero de alie-
 nis eum in finem, ut constet, utrum actio legi con-
 formis aut difformis fuerit: De imputatione ele-
 ganter differit PETRVS MÜLLER in *dissertatione de*
imputatione morali. *Jenæ*. 1704. JOH. JACOB. MÜL-
 LER de *imputatione*. *Jenæ*. 1707. JOH. GOTTFRID.
 FORBINGER de *imputatione*. *Wittenbergæ*. 1701. Ni-
 COL.

COL. CHRIST. REMLING *de imputatione actionum moralium.* Wittebergæ. 1681. NICOL. HIER. GUNDLINGII *observatio von der Imputation und Zurechnung.* JOH. LVZIUS *de harmonia juris naturæ & criminalis in doctrina de imputatione criminum.* Lipsiæ. 1734.

* Fundamentum imputationis actionum moralium est libera voluntas in agendo, ex quo fluit, non posse nobis imputari, quod non est in potestate nostra, quo spectant impossibilia, naturalia, casualia & fortuita. Neque etiam illud imputari potest, quod fit cessante vel deficiente usu rationis, neque, si actio ex ignorantia involuntaria, aut errore invincibili, aut inevitabili quadam necessitate, aut vi scilicet absoluta, & non respectiva, qualis est metus, proficiuntur. Regula itaque universalis est, quod omnis actio sive bona, sive mala sit, imputetur auctori: prior in premium; posterior in peñam, prout actio vel Legi conveniat, vel eidem repugnet. Auctor autem actionis malæ præcipue is dicitur, qui posuit actionem, quam omittere debuit, vel qui omisit actionem, quam ponere debuit. Hac de re legi meretur HENR. LVDW. WERNHER *de fundamento imputationis actionum moralium.* Lipsiæ. 1703. JOH. DOMMERICHII *programma, consensum in imputatione facti alieni verum imputationis fundamentum esse.* Helmstadii. 1748. ANDR. BOEHMI *specimen primum mathematico-philosophicum de quantitate motivorum & imputationis determinanda.* Marpurgi. 1744. JOH.

FRID. KREBSIVS *de imputatione actionum alienarum secundum naturam & principia ex juris naturalis fontibus deducta.* Jenæ. 1675. JOH. ERNEST. SCHVBERT *de imputatione facti alieni universam Theologiam illustrante.* Helmstädti. 1748. SAM. STRYCKIVS *de imputatione facti alieni.* Francofurti. 1688. JVST. HENNING. BOEHMER *de imputatione culpæ propriæ.* Jenæ. 1695. CHRIST. AND. REMER *de imputatione actionum moralium ex melancholia provenientium.* Ultrajecti. 1710. EPHR. GERHARD *de imputatione damni per ignorantiam commissi.* Jenæ. 1714. CHRIST. LOEBER *de imputatione actionum ex ebrietate fluentium.* Jenæ. 1714.

§. XII.

Qui ergo alteri actionem imputare desiderat, debet habere perfectam notitiam legis, factumque cum omnibus circumstantiis accurate considerare, quoniam saepius & minima circumstantia totam rem mutare potest. Ut autem lex rite intelligatur, debemus eam interpretari, mentemque legislatoris in jure naturæ ex propositione aliqua fundamentali tanquam fonte universalí, ex quo omnia reliqua principia fluunt, eruere. Unde sine fundamento doctrina interpretationis in jure naturæ ab aliquibus rejicitur, cuius tamen summa utilitas ratione adplicationis legum naturalium ad facta existit: nam licet jus naturæ tanquam jus clarum de se

se nulla indigeat interpretatione, id tamen de applicatione juris naturæ ad diversos ; imo difficillimos casus obvenientes asseri nequit, cujus rei plurima extiterunt exempla. De interpretatione ejusque regulis scripsit JOH. PAVL. SCHROETER *de vera interpretatione legum. Wittebergæ. 1713.* JOH. ZACH. HARTMANN *de recta & genuina legum interpretatione. Kiloni. 1730.* JOH. VON FELDE *de scientia interpretandi. Helmstadii. 1689.* JOH. LAVR. HOLDERIEDER *de principiis interpretationis legum adæquatis. Lipsiæ. 1736.* JOH. PAPYR. MASSONII *Pbilocalia sive de recta juris interpretandi ratione. Paris. 1605.* JOH. CORN. EWERWEIN *de arte interpretandi leges. Erfordiæ. 1717.* GOTTFR. LANGIVS *de eo, quod observandum est circa interpretationem legum. Erford. 1702.* ANDR. WEISSIVS *de usu æquitatis in interpretatione legum. Basileæ. 1737.*

§. XIII.

Quodsi vero quis leges naturales, dum eas ad casus obvenientes applicat, interpretari cogitat, necesse habet, ut prius in primum juris naturæ principium, in quo ratio sufficiens reliquorum principiorum continetur, inquirat (§. XII.). Ne garunt

garunt quidem nonnulli, dari primum principium, nihilque veritati juris naturæ decedere asseruerunt etiamsi nullum tale principium, quod vulgo doctores jactant, existeret. Verum ipsa juris naturalis prudentia necessitatem primi principii exigit. Ea enim ratiocinii nostri est natura, ut, nisi universales propositiones præcesserint, recta ratio particulares conclusiones deducere non possit. Hæ vero generales veritates, quum non tendant ad repugnantia; ac proinde vel reciprocari, vel vero eodem ordine, aut gradatim, aut simul debeat progredi, facile est ad existimandum, illas semper coagmentari, & tandem in aliquo communi scopo quiescere, sine quo plures difficiles quæstiones haud enodari, nec perfectum veritatum moralium inter se connexarum sistema perfici potest. Ex quo itaque adparer, dari primum juris naturæ principium, falsamque esse opinionem JOAN. ERNEST. PHILIPPI *circa principium juris naturæ, seu primum falsum suppositum communiter hactenus receptum, quasi totum jus naturæ ex una quadam propositione generali omnes reliquas leges naturales sub se comprehendantem sit deductum.* Halæ. 1731. JOACH. HENRIC. SIBRANE problema, an detur principium juris naturæ verum, primum, adæquatum, & evi-

evidens? Rostochii 1703. IMMAN. PROELEVS *de origine diversorum juris naturalis principiorum, quatenus nec unica, nec adæquate vera sunt.* Lipsiæ. 1703. ANDR. SCHOTTI *axiomata, quibus ratio & principium juris naturæ unum, adæquatum, evidens, & indemonstrabile sifstur.* Lipsiæ. 1731.

* Principium in genere est, quod continet rationem alterius. Illud est vel *effendi*, quod consistit in voluntate divina; vel *cognoscendi*, quod continetur in propositione aliqua universalī, ex qua recta ratio divinam voluntatem naturaliter obligatoriam, adeoque omnes ac singulas leges eruere, simulque a positivis discernere potest. Hoc principium, ut nomen veri principii mereatur, debet esse juxta unanimem Naturalistarum consensum primo VERVM, dein EVIDENS, ac tandem ADAEQVATVM. Si enim non esset verum, sed falsum, conclusiones quoque essent falsæ. Si non evidens, nec ab omnibus perciperetur, qui tamen æqualiter, sive sint docti, sive indocti, ad obsequium juri naturali præstandum obstantur. Si non adæquatum, nec officia omnia erga Deum, semetipsum, & alios deduci possent. Reliqua principii requisita (ut sit *domesticum, primum, & universale*) sub hoc generali requisito puta adæquatum comprehenduntur. De principio juris naturæ, ejusque requisitis egit HENRIC COCCEJVS *de principio juris naturæ uno, vero & adæquato.* Francofurti. 1699. JOH. MICH. DAHM *de uno vero & adæquato juris naturæ principio.* Moguntiæ. 1749. JOH.

D

WILH.

WILH. a LITHI *de principio primo legis naturæ.* 1699.
 DERNMAYER *de principio primo juris naturæ.* Halæ. 1707.
 DAN. FRID. HOHEISEL *de principiis juris naturæ.* AL.
 ARN. PACHENSTEGERI *oratio de jure naturali, ejusque
 principio, finibus regundis, utilitate & necessitate. Extat
 in ejusd. Syllog. dissert.* Bremæ. 1713. ARN. ANT. TVL-
 LICKEN *de fonte juris naturalis.* Amstelodami. 1690. BERNH.
 HENR. REINHOLDI *oratio de vero juris naturæ principio.*
Bremæ. 1709. & 1723. JOAN. SCHEFFER *de jure naturæ,
 ejusque fundamento.* Holmia. 1676.

§. XIV.

Maximus sane Doctorum dissensus circa stabili-
 endum primum juris naturæ principium cognoscendi
 extat. Nos cum cel. MARTINI **) professore
 Vindobonensi, aliisque ab eo' allatis pro primo juris
 naturæ principio statuimus *fines rerum a Deo condita-
 rum, quatenus ex ipsa earum essentia atque natura solo
 rectæ rationis lumine intelligi, nostrisque actionibus
 liberis adPLICARI possunt.* In hoc uberrimo totius
 scientiæ naturalis fonte reperiuntur omnia requisita
 primi principii. Est enim *verum*, quoniam fines divi-
 ni creatoris sola rerum natura cognitos nemo ne-
 gare, aut repugnantiae (§. XIII.) arguere potest.
 Est etiam *evidens*, quoniam omnibus in universum ho-
 minibus, licet alias rudissimis, modo recta ratio-
 ne

ne prædicti sint, innotescit, actiones suas liberas hinc finibus adcommendas esse, qui in naturali Dei cultu, & in sui, aliorumque perfectione seu felicitate consistunt. Est denique *adæquatum*, si quidem omnia naturalia officia tam erga Deum, quam seipsum, & alios exinde tanquam ex lympidissimo fonte derivari queunt. Quare tuto concludimus, fundamentalem universi juris naturæ propositionem esse talem: *quidquid finibus rerum a Deo creatarum sola ratione cognitis convenit, illud est faciendum: quidquid autem ab iis recedit, est omittendum.* Hoc cognoscendi principium non modo commendavit HEMMINGIVS, TITIVS, WAHLIVS, HOLLMANNVS, aliquie, sed & quidam Jcti id peculiaribus dissertationibus illustrarunt. Huc spectat JOAN. ANDR. KNOBLACH *de principio juris naturæ. Wittebergæ. 1709.* PRITIVS *de principio juris naturæ. VELTHVYSIVS de principio justi. in dissert. Tom. II. pag. 962.*

* Præcipua causa tot dissensionum, quæ inter plerosque Doctores circa primum juris naturæ principium ortæ sunt, consistit in eo, quod principium possibilitatis, existentiæ, & cognitionis non accurate a se invicem separaverint; quod principia particularia cum universalibus commiscuerint &c. Ex quo factum, ut aliqui

socialitatem, alii utilitatem, alii amorem, alii Dei perfectiones, alii cognitionem sui, alii conservationem sui, alii ipsam naturam humanam, tanquam primum juris naturae principium excogitarunt. Quid vero de hisce doctrinis a Doctoribus & Naturalistis traditis sentiendum sit, cuiusvis judicio relinquimus, sed impræsentiarum nominasse eos sufficiat, qui haec principia specialibus dissertationibus adornarunt. Primum statuit JOAN. NICOL. HERTIVS *de socialitate primo naturalis juris principio.* Gießæ. 1695. Contrarium vero defendit CHRIST. MICH. FISCHBACK *de socialitate baud genuino juris naturæ fundamento.* Wittebergæ. 1703. Secundum CARL. OFF. RECHENBERG *principium cognoscendi justi & æqui, verum, evidens, adæquatum ex utilitate.* Lipsæ. 1746. Tertiū JOH. GVIL. JANI *dissert. judicia eruditorum de principio juris naturalis cum vera sententia comparata.* Wittebergæ. 1711. CHRIST. WOLFII. *obser- vatio de principio juris naturalis juxta doctrinam Cbristi.* Matth. V. Extat in horis subcisiis. Marburgi. 1730. JOH. ARNDII *principium principiorum, quibus leges naturales solent demonstrari.* Rostochii. 1712. Quartum GvSTAV: BERNHARD BECKMANNS, und OTTO DAVID HEINRICH BECKMANNS *Gedanken von den wahren Quellen des Rechts der Natur.* Göttingen. 1754. Quintum JOH. GOTTH. ROSA *de cognitione sui, juris naturæ principio.* Jenæ. 1718. Sextum STEPH. SIG. WLOEMEN *de conservatione sui tanquam primo principio juris.* Gießæ. 1742. AND. JVL. DORNMEYER *de principio primo juris naturæ.* Halæ. 1707. Septimum JOAN. SCHEFFER *de ju- re naturæ, ejusque fundamento.* Holmiae. 1676.

**) To-

**) Totam materiam de principiis juris naturæ solide ac nervosè deduxit Perill. MARTINI prof. Vind. cuius doctrinam fuisus adumbravimus in *Introductione in historiam literariam jurisprudentiae naturalis*, quæ ultimam adhuc exspectat limam. Cæterum addimus scriptores, qui diversorum Jctorum sententias circa prima principia juris naturæ collegerunt, eaque orbi erudito exhibuerunt. JOH. GVIL. JANVS, de quo supra. JACOB. FRID. LVDOVICI *dubia circa hypothesin de principiis ejusdemque vindicias*. Halæ 1703. IMMAN. PROELEVS, de quo (§. XIII.) FRID. ALEXAND. KÜNHOLDI *oratio de logomachiis circa principium juris naturæ*. Lipsæ. 1722. GEORG. WILH. WAGNERI *Epistola de doctorum circa primum juris naturæ principium tollendo diffensu*. Gieffæ. 1746. FAB. TOERNER *de vario variorum juris naturalis fundamento*. Upsalii. 1727.

§. XV.

Quum inter notas characteristicas primi juris naturæ principii etiam referatur, ut illud sit adæquatum; scilicet ut omnia naturalia officia cum erga *Deum*, tum erga *nos & alios* in eo contineantur (§. XIII.*), necessarium ducimus, ipsam officij notionem explicare. OFFICIVM nobis est *actio legi conformis*, seu *actio ex obligatione legi conformanda*. Quumque obligatio alia sit perfecta, alia imperfecta (§. VI.*), officia alia **PERFECTA**, alia

D 3

IM.

IMPERFECTA *) esse oportet. Ad priora quis cogi potest, posteriora vero, quoniam ex obligatione imperfecta, ceu ex virtute proficiscantur, nullam recipiunt coactionem. Perfecta rursus dispescuntur in ABSOLVTA, & HYPOTHETICA, prout vel obligationem producunt ex sua natura nulloposito jure, quod per factum aliquod adquiritur: vel posito demum aliquo jure per factum, aut institutum humanum adquisito exiguntur. Absoluta officia vel respiciunt DEVVM, vel NOSMETIPSOS, vel ALIOS. De singulis separatim agemus, officia in genere pertractarunt JOH. PHIL. SLEVOGTVS *de officiis. Jenæ. 1690.* FRID. CHRIST. BVCHER *de officio hominis morali. Gedani. 1681.* Item *Concensus Dei ad officia moralia. ibid. eod.* ROB. SCHARROCKIVS *de officiis secundum jus naturæ. Goth. 1667.* RODERICVS *de officiis hominum circa jus naturæ. Lugduni Scanorum. 1685.* JOH. BALTH. WERNHER *de principiis officiorum humanorim internis. Lips. 1699.* MAVRVS CORDATVS *de Sarlati Wallacibæ Princeps de officiis: græce & latine. Lipsæ. 1722.* Germanice Onolzburg. 1740.

*) Officia imperfecta non minus ex principio supra (§. XIV.) allato commode deduci possunt, siquidem Deus creando homines voluit, ut illi feliciter existarent;

rent; ac proinde necessario divina voluntas fuit, ut eorum commoda omni, quo possunus modo, promoteamus. Hic vero finis non adsequeretur, nisi aliis officia imperfecta, seu humanitatis præstemus, unde ad ea ex fine divinæ voluntatis obstricti sumus. Officia illa imperfecta alia sunt *indefinita*, quæ promiscue omnibus sine respectu ad certam personam præstantur: alia *definita*, quæ certis tantum personis earumque intuitu præstantur. Illa iterum vel præstantur sine aliquo detimento, vel cum detimento. Priora vocantur *innoxiae utilitatis*; posteriora vero *noxiæ utilitatis*. Priora iterum vel sunt *affirmativa*, quæ consistunt in faciendo, vel *negativa*, quæ in patiendo. Ad hæc præstanta quivis cogi potest, quoniam is, qui officia imperfecta innoxiae utilitatis negativa denegat, hostilem animum induit, hostem vero licet cogere, ut depnatur hostilem animum, quem tamen prius deposuisse non censetur, nisi præstiterit ejusmodi officia. Unde etiam Doctores solent inculcare axioma: quod tibi non nocet, & alteri prodest, ad hoc quis compelli potest. De officiis imperfectis differuit HENR. LVD. WERNHER *de officiis*, quæ imperfecte debentur. Lipsiæ. 1703. EVSTACH. KOETEN *jus innoxiae utilitatis*. Wittebergæ. 1680. AHASV. FRITSCHÆ *de jure hospitalitatis*. HENR. ERNEST. KESTNER *de officio humanitatis obligatorio*. Rintelii. 1713. JOH. CENBERG *de habitudine officiorum humanitatis* Upsaliæ. 1704. JOH. FLACHSENIUS *de ratio aeternitatis seu honestate e suo fonte scilicet jure naturæ emanante*. Aboæ. 1691. JOH. JOACH. ZENTGRAVIVS *de convenientia honesti cum natura humana*. Argent. 1686.

SECTIO

D E L I N E A T I O
SECTIO II.
 D E
JVRE NATVRÆ IN SPECIE,
 SEV DE
OFFICIIS ERGA DEVVM.

§. XVI.



uum Devs nos creaverit (§. 1.), ac proinde ab eo essentialiter dependeamus, nemo sane dubabit, quin prima officia Deo, tanquam nostro creatori sapientissimo præstanda, atque reliqua omnia officia tam erga nos, quam erga alios hisce subordinata sint. Fundamentum itaque officiorum omnium, quæ Deo debemus, est, quod ab eo conditi simus, quod is sit supremus noster dominus, quod omnia bona animi, corporis, fortunæ ei accepta referre debeamus, quod ab eo tantum veram beatitudinem sperare possimus. Officia erga Deum in genere explanarunt AND. AD. HOCHSTETTER *de officio hominis erga Deum. Tubingæ.* 1702. JOH. CHRISTOPH. RUSTEVSCHER *de obligatione*

*tione hominis erga Deum. Gedani. 1688.. Avg.
STÆGMANN de officio hominis erga Deum. Grypb.
DAN. RINGMACHER de officio hominis erga Deum,
in quantum ex lumine naturæ constat. Lipsiae. 1687.
MARCELLVS FORTVNATVS de divinis officiis. GOLD-
HARDI BORGESII enodatio juris naturæ, seu de offi-
ciis uostris erga Deum. 1697.*

§. XVII.

Prima hominis officia erga Deum versantur circa ejus cognitionem, in quam homo omnibus viribus inquirere debet; nimirum, ut intelligat, Deum existere, eumque rerum omnium auctorem ac conditorem esse, omnia sua providentia regere & conservare, nec non eundem esse ens simplicissimum, æternum, independens, incomprehensibile, omnipræsens, unum, omniscium, sapientissimum, præscium, omnipotens, verax, justum ac optimum. Ex his divinis attributis, & perfectiōnibus, præcipue iis, quæ magnam habent relationem cum creaturis rationalibus, varia consectaria practica ad vitæ honestatem & sanctitatem pertinentia consequuntur, ut ita scilicet homo secundum relationes, quas natura nostra cum Deo habet, vivere possit. Sic ex *omniscientia* deducitur

E justus

justus timor & cautio, ne occulte quidem peccandi. Ex *immutabilitate Dei* nascitur in nobis certissima promissorum spes, si ejus legi conformem vitam duxerimus. Ex *incomprehensibilitate* efficitur in nobis timor & reverentia, dum de ejus natura, consiliis, operibus differimus, ut ne ultra fines suos vim nostræ rationis promoteamus. Ex *veracitate* divina cognoscimus, omne mendacium esse prohibitum &c. Spectat huc GEORG HENR. RIBOVIVS *de omnipræsentia Dei, indeque fluentibus officiis moralibus.* Gættingæ. 1741. FRANC. VLR. RIES *de immutabilitate Dei.* Marpurgi. 1727. IOH. BARTH. RVDIGERVIS *de natura Dei perfectissime simplici.* Giessæ. 1706. OTT. MENKENIVS *de absoluta Dei simplicitate.* Lipsiæ. 1665. IOH. CHRIST. HVNDESHAGEN *de summa Dei simplicitate.* Jenæ. 1669. Item *de potentia Dei.* ibid. 1666. CHRIST. HAGMEJER *de unitate Dei ex lumine naturæ contra gentiles Valentinianos, Marcionitas, Manicbæos, Gnosticos, Cerdonianos, Tritheistas, & Arianos.* Tubingæ. 1720. CHRIST. KORTHOLT *de modo, quo divina essentia ab homine cognosci potest.* Kiloni. 1675. JOH. AD. SCHERZERVIS *de potentia Dei absoluta.* Lipsiæ. 1664. GABR. GRODDECK *de spiritualitate Dei ex lumine naturæ asserta.* Gedani. 1708.

*) Ad

* Ad cognitionem Dei, ejusque existentiam demonstrandam duplex nos dicit via, *naturæ scilicet & revelatio-*
nis. Duplicem hanc viam adgrediuntur varii Icti, qui
 operam dederunt præcipue scrutandæ rerum naturæ,
 ejus scilicet investigantes pulchritudinem, magnitudi-
 nem, ordinem, rerum singularum fines & usus, ex
 quibus Dei existentia, sapientia, potentia, præscien-
 tia &c. intelliguntur. Verum horret animus, si in me-
 moriam revocemus, in hoc ipso orbe christiano, at-
 que in hac nostrorum temporum luce clarissima, pro-
 pter dubitantium, immo negantium turbam haud exi-
 guam, in eo demonstrando oportere viros illos erudi-
 tos suam collocare operam, quod extra omne dubium
 ipsa naturalis ratio, & scriptura sacra ponunt. Qui
 autem existentiam Dei demonstrandam in se suscep-
 perunt, inter alios præcipue sunt sequentes: MICH. BOHN de
 existentia Dei ex lumine naturæ cognoscibili. Lipsiæ. 1671.
 GERH. HENR. BRENTHOFF de existentia Dei ex lumine na-
 turæ cognoscenda. Helmstadii. 1681. CHR. DONATI an
 & quomodo existentia Dei ex lumine naturæ invicte proba-
 ri possit? Wittebergæ. 1674. JACOB. WILH. FEVORLIN
 an existentia Dei sit veritas indemonstrabilis? Altendorfū.
 1717. JOH. ADOLPH. HARTMANNI differt. qua existen-
 tia Dei a priori demonstratur. Marpurgi. 1733. JOH.
 CONRAD. KLEMMII existentia a se cognoscibilis naturaliter.
 Tbingæ. 1700. HENR. A LITH de existentia Dei a p-
 steriori ex effectibus demonstrata. Jenæ. 1675. JOH.
 PAVL. HEBENSTREIT de naturali existentia Dei notitia. Je-
 næ. 1685. AVG. MICH. RUCHER demonstratio existentia
 Dei metodo mathematica. Jenæ. 1717. JOH. BARTHOLD.

NIEMEIER *de existentia Dei ex lumine naturae cognoscenda.*
Helmstadii. 1681. MEINH. PLESKEN *de quibusdam pro existentia Dei argumentis frustra sollicitatis.* Stad. 1725.
 BERNH. VON SANDEN *de cognitione Dei naturali.* Regiom. 1700. JOH. CASP. TOR. SPECKEN *utrum de argumentis pro existentia Dei dubitare liceat.* Witteberge. 1729.
 FRANCIS. SAL. DE FEHELON *demonstration de l'existence de Dieu.* Prodeunt etiam germanice sub titulo: *Augenscheinlicher Beweis, das ein Gott sey.* Hamburg. 1714.
 CHR. WEIDLING *de veritate doxoywōicē naturalis.* Lipsiae. 1685. HENR. WEIDEMEIER *γνῶστιν τῷ Θεῷ.* Lipsiae. 1670. CHRIST. TRENTSCHIVS *de inscripta libro naturae Dei existentia.* 1664. PAVL. SCHVTE *de notitia Dei naturali.* Jenae. 1667. AVGUST. GODOFR. KROMAYER *Numen dari sapientissimum, rerum humanaarum providum, ex affectibus hominum probatur.* Jenae. 1725.

§. XVIII.

Cognita Dei existentia ejusque perfectionibus cognoscitur quoque ab omnibus hominibus alterum erga Deum officium, quod in cultu præstando consistere nemo non animadvertis. Quum enim Deus tanquam ens perfectissimum (§. XVII.) nos creaverit, ideoque ab eo omnes creaturæ essentialiter dependeant (§. XVI.), ipsa sane ratio dictat, Deum omnibus animi viribus colendum, ei- que perfectissimum obsequium præstandum esse.

Cultus

Cultus ille & obsequium vocatur **RELIGIO**, ad quam omnes mortales eatenus, quatenus ex recta ratione cognosci potest, obstricti sunt. Quumque hæc religio per solam reclam rationem nobis innotescit, merito **NATVRALIS** appellatur, cui opponitur **REVELATA**, quam ex S. Scriptura & traditione haurimus. Inter utramque religionem, artissimam intercedere harmoniam supra (§. I. *) demonstratum dedimus. De religione naturali sequentes extant scriptores : JOH. LVD. BOYE *de religione naturali*. Durl. 1729. PAVL. JAC. SCHARMOVIVS *de religione naturali*. Wittebergæ. 1686. FRANC VLR. RIES *de religione naturali ejusque attributis*. Marpurgi. 1728. JOH. BALTH. WERNHER *de religione hominis secundum legem naturæ*. Lipsiæ. 1698. GOTTL. SAM. TREVER *de obligatione hominis ad religionem*. Gættingæ. 1737. JOH. HENR. à SEELEN *de obligatione physiologi ad religionem*. Lipsiæ. 1730. IMM. PROELEI *dissert. de religione hominis & boni civis naturali*, Benedicto Spinozæ & Thomæ Hobbesio opposita. Lipsiæ. 1703. CHRIST. GOTTL. PITSCMANNVS *de eo, quod homini de religione constat ex lumine naturæ*. Lipsiæ. 1703. SAM. PARKER *de syncretismo religionum ex jure naturæ*. 1722. *Traité de la religion naturelle*

par Mſr. MARTIN. *Amstelodami.* 1713. BROKESBY
 's *Government of the church.* *Londini.* 1712. JOH.
 FRANC. BVDDEVS *de pietate philosophica seu reli-*
gione naturali. *Halæ.* 1695. MART. HERBSTII
fundamenta religionis naturalis theoretica. *Jenæ.*
1680. AND. AD. HOCHSTETTERVS *de religione na-*
turali *Tubingæ.* 1701. JOH. KEFTELII *usus religio-*
nalis naturalis in societate humana. *Upsaliæ.* 1699.
 JOH. CHRIST. KIRCHMEYERI *brevis religionis na-*
turalis summa. *Herbonæ.* 1701.

§. XIX.

Ex quo facile quis intelligere potest, quid nobis sit CVLTVS Deo debitus. Is enim nihil aliud est, quam *complexus omnium officiorum, quæ homo ex amore, timore & fiducia Deo præstanda esse ductu rectæ rationis agnoscit.* Qui ergo Deum amat, timet, in eumque fiduciam collocat, omnia adimplet officia. Ex amore Dei sequitur, ut de Deo semper honorifice & cum reverentia loquamur, ei hymnos canamus, & alios sermonibus nostris ad eundem amorem accendamus. Ex timore intelligimus, actiones nostras ejus præceptis per ipsam rectam rationem manifestatis esse attemperandas.

das. Timor autem est duplex, *filialis & servilis* Filialis cum amore conjunctus est, & ex amore nascitur; servilis vero ab amore sejunctus, & oritur a poena. Filiali timore Deus timetur, quia amatūr: Servili vero, quia eum formidamus, ut dominum potentissimum, qui nos severissime punire potest. Utroque amore timetur Deus utiliter, sed priori sanctius; qui enim eum posteriori modo timet, pœnam magis timet, quam culpam. Ex *fiducia* adparet, non licere dubitare de ejus promissis, veracitate, aut fidelitate, sed certissimum pōtius haberi id, quod semel Deus docuit, aut promisit, etiamsi illud recta ratio haud adsequitur. Hanc materiam solide excussit CONRADVS HVLSINV^S *de cultu Dei natura cognoscibili.* Lipsiæ. 1682. CHRIST. ROEHRENSEE *de obligatione hominis ad cultum Numinis,* Witteberg. 1695. JOH HENR. SOMMER *de obligatione hominis colendi Deum cultu ab ipso præscripto.* Lipsiæ. 1701. CHRIST. REVTER *de cultu Dei.* Witteberg. 1702. JOH. FRID. HARTENSTEIN *de cultu divino naturali.* ibid. 1704. CHRIST. ROEHRENSEE *Ele* *cta moralia ad cultum Numinis, quatenus naturæ patet, illustrantia.* ibid. 1699. GEORG. BERNH. BVELFINGER *de cultu Dei rationali.* Tubing. 1731.

MART.

MART. OTT. HENRICI *Cultus divini necessitas ratione naturæ demonstrata.* 1685. JOH. RVDOLPH. HARTMANNI *diff. qua Dei T. O. M. colendi obligatio & fluens ex hac ipsa obligatione revelationis divinæ necessitas ex ipsa ratione evincitur.* Marburgi. 1737.

§. XX.

Cultus Deo debitus dispescitur vel in EXTERVM, qui in actionibus externis ex amore, timore, ac fiducia erga Deum profectis consistit; uti sunt complicatio manuum, genuflexio, aliæque ceremoniæ ritus & gestus: vel in INTERNVM per quem intelligimus amorem, timorem, & fiduciam, quibus Deum pura mente prosequimur. Prior dependet a corpore, posterior vero ab anima. Quod ad animam attinet, ea Deum aliter colere non potest, quam ut de Deo rectas habeat sententias, eumque & existere, & omnes res creasse, earumque curam gerere agnoscat (§. XVII.), deinde debemus gloriam Dei, quantum in nobis est, provehere; id quod facimus, si alios Dei existentiæ ejusque perfectionum ignaros instruamus, errantes in rectam reducamus viam, impios

impios ac sceleratos solidis demonstrationibus & cohortationibus ad vitam meliorem majoremque supremi Numinis reverentiam atque timorem excitemus. Porro omnem fiduciam in Deo collocare, in ejusque providentia unice adquiescere, illamque adorare, ipsa recta ratio luculentissimo nobis est testimonio. De omnibus hisce obligationibus erga Deum specialia reperiuntur scripta: MAGN. DAN. OMEISIVS *de fiducia in Deum collocanda. Altorfii. 1703.* Item *de obedientia Deo præstanda. ibid. 1704.* JOH. PHILIPP. PALTHENIVS *de obedientia passiva. Gryphisw. 1709.* JOH. GOTTFRIED. FRIDERICI *de pietate naturali erga Deum. disput. II. Jenæ. 1685.* EBERHARD. SCHWELINGER *de pietatis officio. Bremæ. 1704.* CHRIST. THOMASIVS *de vera pietate juridica. Halæ. 1701.* JOH. ANDR. KNOBLACH *de pietate philosophica. Wittebergæ. 1711.* CHR. AND. BRUNNEMANN *de pietate naturali nunquam molesta. Gryphisw. 1738.* MAG. DAN. OMEISIVS *de precatione seu invocatione Numinis divini. Altedorff. 1704.* JOH. CHRIST. CLAVSIVS *de precibus ex natura cognitis. Lips. 1712.* GOTTL. STOLLE *de necessitate & efficacia precium. Jenæ. 1713.* JOH. AND. KOENIGSMANN *de regno Dei morali in bonines. Kiloni. 1710.* FRID. CHRIST. BYCHEN

*regnum Dei per naturam. Gedani. 1686. CHRIST.
ALBERTI de ortu dominii divini in homines adversus
Hobbesum. Lipsiæ. 1696.*

§. XXI.

Quum ad cultum Deo præstandum obstricti simus jure naturæ (§. XVII.), isque vel internus vel externus sit (§. XX.), consequens est, ut tam externus, quam internus jure naturæ præceptuſ sit. Colere enim Deum ideo tenemur, quoniam ab eo essentialiter dependemus (§. XVI.); corpus autem non minus a Deo dependet, ac anima; proindeque si anima Deum colere debeat, ob eandem quoque rationem & corpus Deum colat, necesse est: corpus vero Deum alio modo quam actionibus externis colere nequit, unde tuto concludimus, cultum Dei externum æque ac internum jure naturæ esse præceptum. Non tamen defuerunt quidam, qui necessitatem cultus istius externi ex ratione posse demonstrari, negaverint; partim quod Deus cultu externo non indigeat, partim quod societas humana ejusque tranquillitas omisso cultu externo nequaquam lädatur. Verum nec primum argumentum subsistit, quoniam Deum neque

que cultu interno indiget, quem tamen necessarium esse, nemo negaverit. Nec alterum argumentum rem omnem absolvit, quoniam illud falso nititur principio, quasi omne & solum id, quod ex socialitate fluit, juris naturæ sit. Accedit quod ad promovendam Divinam gloriam obligati simus (§. XX.), quod sane alio modo fieri nequit, quam actionibus externis. Hanc æternam veritatem argumentis ex ipsa natura humana petitis. orbi literario exposuerunt viri eruditæ, in quorum numerum venit GEORG. BALTH. HEDENIVS *de necessitate cultus divini externi, quatenus ex natura constat, in genere & ejusdem in specie.* Wittebergæ. 1717. NICOL. KOEPPEN *de cultu Dei externo, utrum sit juris naturæ & ex lumine naturæ demonstrari possit?* Grypb. 1700. GOTTFR. POL. MULLERVS *de cultu Dei externo.* Lipsiæ 1713. JOH. GEORG. SCHVLEZE *de cultu Dei externo.* Lipsiæ. 1701. FRID. AND. WALTHER *de cultu Dei orali.* Gættingæ. 1748.

ફોન્ડ ફોન્ડ ફોન્ડ

SECTIO III.

DE

OFFICIIS ERGA SEMETIPSVM.

§. XXII.



rogredimur ad officia NOBIS debita, quæ, quum Deus nos creaverit; adeoque sapientissima ejus voluntas fuerit, ut existamus, in conservatione, nostraque perfectione consistere, quivis recta ratione prædictus haud difficulter agnosceret. Quare ad nos perficiendos conservandosque jure naturæ obstricti sumus; dummodo id sine violatione supremi Numinis fieri possit. Primum itaque officium erga nosmet ipsos est **PERFECTIO** mentis, cuius duæ sunt facultates, *intellectus & voluntas*. De utriusque perfectionibus adsequendis & amplificandis *) solliciti esse debemus, si nostræ obligationi a natura ipsa impositæ satisfacere velimus. Officia erga nosmet ipsos in genere explanarunt **Tob. MULLERVS de officio hominis, quod sibi debet. Lipsæ. 1699.** **JOH. GEORG. ROESER de officio**

officio hominis erga se ipsum. Sedini. 1703. JOH.
GARTMANNVS de obligatione hominis naturali ad-
versus se ipsum. Upsal. 1679. SAM. STRYCK *de*
jure hominis in se ipsum. Francofurti ad Viad. 1675.
JOH. KAHLERI dictamen rectae rationis indeque de-
ductum jus hominis in se ipsum. Rintelii. 1676.
HENR. CONRAD. KOENIGII scbediasma de hominum
inter feras educatorum statu naturali solitario.
Hannover. 1731. CHRIST. GEORG. SCHÜSLER *de*
officiis hominis erga se ipsum. Halæ. 1720.

*) Hoc vero ut adimpleamus, debemus & intellectum, & voluntatem excolere. Ad utramque facultatem perficiendam obligat nos lex naturæ. Deus enim non tantum voluit, ut existamus, sed ut & feliciter existamus; ac proinde voluit, ut omnia ea, quæ ad veram felicitatem consequendam necessaria sunt, faciamus. Ad felicitatem vero consequendam præprimis necessaria est emendatio & perfectio intellectus ac voluntatis, quoniam experientia abunde nos docet, miserrimum eum esse, qui aut stultus, aut sceleratus est. Emendatur autem intellectus, quum ab eo causæ ignorantiae, & errorum removeantur; voluntas, quum ab habitibus malis purgatur. Perficitur vero intellectus scientiis, voluntas habitibus virtutum; unde lex naturæ præcipit, ut & causas ignorantiae & errorum ab animo dipellamus, atque intellectum veris, & ad vitam moralem necessariis scientiis instruamus, & ut vo-

luntatem ab oīnibus malis consuetudinibus revocemus, ac consuetudinibus bonis exornemus. Atque in his consistit tota apimi cultura, quæ vel generalis est, ad quam omnes tenentur, vel *specialis*, ad quam quilibet proratione conditionis ac status sui obligatur. Spectat hoc M. LEOPOLD de animi cultura. Wittebergæ. JOH. BVDDEVVS de cultura ingenii. Habs. 1699. & 1704. ARNOLD. WESENFELD de injuria hominis in se quoad animam & dignitatem. Erancf. 1691.

§. XXIII.

Alterum officium erga nos ipsos est nostra CONSERVATIO, quam jure naturæ præceptam esse, ipsa recta ratio dictat (§. XXII). Quum ergo Deus voluerit finem, etiam media, quæ ad finem consequendum necessaria sunt, voluisse, per se patet. Quare omnia media, quibus vita conservatur, adhibenda, & illa vero, quæ in destructionem vi-
tæ tendunt, omittenda sunt; proindeque corpori nostro debemus nutritionem, abstinentiam est a luxu, quo nos ante tempus destruimus, res insalubres vitandæ, omnesque cavendi affectus vehementiores, qui facillime unionem mentis & animæ divellere queunt. De obligatione naturali se conservandi differuit JACOB. GERINGIUS de obligatio-
*ne hominis naturali conservandi propriam sanita-
tem.*

tem. Lipsiae. 1717. JOH. GEORG. ROESERI *dissert*
quod bonum ad se conservandum obligetur. Witteb.
1685. BENED. GOTTL. CLAVSWIZ de officio cir-
ca sensus externos respectu conservationis corporis.
Lipsiae. 1717. STEPH. SIGISM. WLOEMEN de con-
servatione sicut tanquam primo principio juris. Gies-
sae. 1742. CHRIST. MART. KOLER de vitæ custodia.
Zenæ. 1685. JOH. DAVID. SCHWERTNER quest.
num vitam laboribus inmodicis ceteroquin etiam bo-
nestissimis abbreviare liceat? Lipsiae. 1684.

§. XXIV.

Quum ergo ad conservationem nostram Jure
 naturæ obstricti simus (§. XXIII.), inde collige-
 re licet, contra officium agere, qui sibi ipsi vio-
 lentas manus inferunt. Et licet quidam philoso-
 phorum ~~autoxœgla~~ seu propria*cœpia* esse factum lau-
 de dignum existimarent, tamen eos insaniisse jure
 merito adstruimus; id quod plures viri selectissi-
 mi magno argumentorum adparatu demonstrarunt,
 in quorum numero reperiuntur AD. ERDM. MI-
 RVS de ~~autoxœgla~~. Viteb. 1682. CHRIST. ROEREN-
 SEE ~~autoxœgla~~ Subtili. Viteb. 1702. REINHARD.
 STÜRMER *dissert. II. de Cœde propria. Regiom.* 1702.

DÆ-

DÆGENER *de Autochiria.* Lips. 1715. KVLÉWEIN
de Autochiria. Lips. CHRIST. AUGYST. HEVmann
de autochiria. Jenæ. 1703. SAMUEL. RACHELIVS *de*
morte voluntaria. Helm. 1669. HENR. LVD. WER-
NER de jure sibi nocendi. Lipsiæ. 1706. JOH. SIM.
HOÈ. de autochiria seu propriocidio. Erford. 1688.
JOH. LAVENT. SCHNEEMELCHER de autochiria.
Witt. 1702. JOH. FRID. WITZLEBEN. *de autochi-*
ria. Lips. 1702. JVST. JOH. WRISBERGIVS *de eo*
quod justum est circa autochiriam. Gættingæ. 1740.
JOH. ROBECK de εὐλόγῳ ἐξαγωγῇ *sive morte volunta-*
ria philosophorum & bonorum virorum etiam judæo-
rum & christianorum. Rintelii. 1736.

§. XXV.

Quumque Autochiria Jure naturæ sit prohi-
bita, quoniam quisque ad se conservandum obli-
gatus sit (§. XXIV.), consequens est, ut unicui-
que jus defensionis competit; unde ea omnia pro
defensione sui facienda sunt, sine quibus conser-
vatio haud obtineri potest: dummodo quis limi-
tes justæ defensionis non excedat. Defensio ta-
men subinde est ILLICITA, nimirum contra legiti-
mum Imperantem. JOH. FRIDEM. SCHNEIDER *de*
illi-

cita contra Principem vitæ defensione. Halæ. 1702.
 Subinde PRÆCEPTA contra iustum scilicet vitæ aggressorem. HENRIC. GVIL. FINX *de legitima defensione adversus injustam vim. Witeb. 1702.* JOH. BALTH. WERNHER *de quæst. an violentia defensio adversus aggressorem in casu necessitatis sit admissa? Lipsiæ. 1699.* CARL. AND. REDELIVS *de defensione sui adversus aggressorem. Lipsiæ. 1688.* JOACH. NERGER *de jure periculum vitæ imminens adversarii occisione propulsandi. Witteb. 1668.* ANDR. KOEPFFERV *an defensio vitæ cum internecione alterius sit juris naturæ. Witeb. 1694.* JOH. AVG. OLEARII *quæstio: an liberis contra parentes iustos vitæ eorum aggressores cum parentum morte se defendere liceat? Lipsiæ. 1696.* VAL. RIEMER *de necessaria defensione. Jenæ. 1620.* RICHTER *de necessaria defensione. STRAVCH de defensione necessaria. GE. OBRECHT de defensione necessaria. 1617.* HERM. LEMBKIVS *de necessaria defensione. Rost. 1659.* GVIL. SIMONIVS *de necessaria defensione. Jenæ. 1621.* ARN. de VRIES *de naturali sui defensione. Lugd. Bat. 1723.* JOH. GOTHOFR. FORBIGER *defensio sui. Kiteb. 1703.* SCHVZ *de defensione necessaria. Rostock.* RHETIVS *de jure necessariæ defensionis. Francof. 1671.* MAVRITIVS *de favore defensionis*

fionis uitæ. Kiloni. 1667. GOTTH. EHRENF. BECKER de officio hominis circa aggressorem. Lipsiæ. 1683. Subinde denique PERMISSA, quoties nempe majus bonum ex omissione defensionis eveniret. JOH SPIESMACHER *quod licitum sit, certis in casibus vitam morti exponere pro salute alterius. Lipsiæ. 1686.*

§. XXVI.

Defensio hæc non modo respicit vitam (§. XXV.), sed & ulterius quoque se extendit ad famam, pudicitiam, bona &c. Quum enim Deus voluerit, ut nos conservemus, (§. XXIII.), etiam nobis media, sine quibus finis obtineri nequit, concessisse oportet; quare defensionem famæ, pudicitiae, ac honorum, quin immo & minimorum licitam esse, nemo negabit. De defensione FAMÆ egit GOTTLIEB. SCHELVIGIVS, *quid liceat profama. Disput. II. Gryphisw. 1706.* JANIA W. SLICHERVS *de debita & legitima vindicatione existimationis. Amstelodamii. 1717.* JOH. FRIDRIC. WEISSENBORN *an existimationis ac vite eadem sit habenda existimatio? Jena. 1705.* SAMVEL. PV. FENDORFIVS *de existimatione. THOMASIVS de existimatione fama & infamia. 1709.* De defensio-

ne

ne PUDICITIÆ differuit JOH. BALTH. ELEND *de eo,*
quod pro pudicitia per jus naturæ liceat. Helmst.
1702. CASPAR. JVL. WUNDERLICH. *quest. An*
bonestæ fæminæ ad tuendam pudicitiam violentum
interficere liceat Stupratorem. Viteb. 1627. JOAN.
CHRIST. HENNEBERG de quest. An mulier violen-
tum pudicitiae invasorem salva conscientia possit oc-
cidere. Lipsiæ. 1704. JOACH. HENRIC. SIÖBRAND
quest. An Stupratorum violentum illæsa concien-
tiae occidere liceat. Rost. 1700. JOH. BALTH. JA-
COBI de matre Antiochena se cum duabus filiabus
in fluvium præcipitante servandæ pudicitiae causa.
Erford. 1708. De defensione BONORVM scri-
psit opusculum egregium CARL. ANDR. REDELIVS
de defensione bonorum adversus aggressorem. Lipsiæ.
1689.

§.XXVII.

Attamen, quum defensio *vite, famæ, pu-*
dicitiæ, & bonorum eatenus permissa sit, quatenus illa limites justæ defensionis non excedat (§.
XXV.), per se patet, ei, qui sine adgressoris
læsione, vel leviori malo adgressorri repræsentato
periculum evitare potest, jus non competere, ad
cædem alterius temere provolandi. Ex duobus
G 2 enim

enim malis physicis id, quod minimum est, eligendum esse, vel ipsa recta ratio nos docet. Quare si quis vulneratione adgressoris periculum depellere potest, eum occidere nefas est; quin immo ne vulnerare quidem licet, si pateat perfugium. Hæc, licet in Thesi verissima sint, ad hypothesin tamen ob saepe intervenientem animi perturbacionem difficulter applicari queunt. De limitibus justæ defensionis, nec non moderamine inculpatæ tutelæ extant varia scripta: GASSER *de moderamine inculpatæ tutelæ. Halæ.* JOH. EICHELIVS *de moderamine tutelæ incussatæ. Helmst.* 1665. REBHAN *de inculpata tutela. Cæsor de homicidio necessario. Francof.* 1678. LEDERER *de jure belli privati. Vitteb.* 1668. JOH. JACOB. MULLER *de moralitate tutelæ inculpatæ. Notwehr.* JACOB. FEID. LUDOVICI *de limitibus defensionis in bello defensivo. Halæ.* 1706. JOH. TOLLIVS *de moderamine inculpatæ tutelæ. Lugd. Bat.* 1698. DAN. SIDENIVS ERNEST. FRID. SCHROETER. *de tutela inculpata. Jenæ.* 1667. PHILIP. JOH. SCHIPPERS *de moderamine inculpatæ tutelæ. Ultrajecti.* 1741. AVG. LEYSER. *de inculpata tutela. Witteb.* 1737. JOH. EISENHART. *de moderamine inculpatæ tutelæ. Helmst.* 1692. ABR. BREBERENG VAN DYCK *de*

mo-

*moderamine inculpatæ tutelæ. Ultrajecti. 1727.
JVL. FRID. CARRAY de jure pugnæ & moderami-
ne inculpatæ tutelæ. Basile. 1609.*

§. XXVIII.

Cum defensione legitima non est confundendum DyELLVM. *Prior Jure naturæ licita est, po-
sterius illicitum atque prohibitum. DVELLVM no-
bis nihil aliud est, quam certamen duorum certis so-
lennitatibus suscepimus, quo sibi invicem jus in cor-
pus & vitæ tradunt.* Hic modus, quum nemo
dominus vitæ & necis sit, quumque non ad defen-
sionem, sed potius ad vindictam, iram, cupidita-
tem, odium, sine quibus duellum vix intelligi po-
test, tendat, tanquam justus & legitimus haud vi-
detur. De duello prostant varia scripta. JACOBI
THOMASII *dissert. de duellorum variis generis mora-
litate. Lipsiae. 1671.* PAVL. VOETIVS *de duellis li-
citis ac illicitis. Ultraj. 1646. in 8.* JOH. FRID.
SCHARFF. *de duellis. Witteb. 1620.* MAVRITIVS
de duellis. SAM. RACHELIVS de duellis. Kilon. 1670.
CAR. ANT. REDEL *de duellorum privatorum tur-
pitudine morali. Lipsiae. 1691.* GEORG. CARASTA
de monomachia seu duello. Rom. 1647. BONAV.
GAVER *de duello seu monomachia. Basel. 1609.*

CAJVS RVMOHr *de duello.* Altorff. 1648. JOH.
 GVIL. JANVS *de duellorum origine & progressione.*
Viteb. 1717. JOH. GEORG. SCHERTZ *de duellis*
principum. Argent. 1707. JOH. JACOB. MULLER
de duellis principum. Jenæ. 1702. CHRSIT.
 GOTTF. CHEMNITIVS *de duellis Germanorum.* Wit-
 teb. 1717. AVG. LEYSER *de duellis.* ibid. 1738.
 ANDIGIER *de l'ancien & vrai usage des duels.* Pa-
 ris. 1717. HENR. KLVGKISTIVS *de veris duello-
 rum limitibus.* Ultrajecti. 1727. LVC. FLORONI
de SOLAROLO de prohibitione duelli. Venet. 1610.
 HENR. VFFELMANN *de duellis.* Helmstad. 1676.
 SAM. SCHELGVIGIVS *de duellis.* Gedani. 1679.
 SAM. LANGIVS *de duellis.* Witteb. 1682. HENRIC.
 CHRIST. TIELCKEN *de duellis.* Rostoch. 1704. &c.

§. XXIX.

A duello tamēn discrepat BELLVM, quod,
 quām in statu naturali non dētūr superior, qui
 ambigua causarum fata decidere atque determinare
 queat, justissimum medium esse, jus suum consequen-
 di, nemo non dixerit. Per bellum vero intelligimus,
statum liberarum gentium, vel hominum in statu
naturali viventium juris sui persequendi causa vi
dolore concertantium, propositumve concertandi
reti-

retinentium. De hac materia inveniuntur varia opuscula selectæ, reconditæque doctrinæ plena. ADOLPH. GE. LVNDENIVS *de bello licito, ejusque suscipiendi causis.* Helmst. 1676. ANDR. WESTPHAL *Belli juste & boneſte gerendi modus.* Gryph. 1714. JOH. CHRIST. ROTH *de justis bellorum causis.* Altorff. 1689 GABR. SCHLÖBERG *Bellum, ejusque cauſæ.* Dorpati. 1696. CHRIST. RÖHRENSEE *Cauſa belli justificata.* Witteb. 1703. JOH. GEORG. MEISNER *Bellorum cauſae.* ibid. 1683. JOH. PAVLEN *de bellis, eorumque juribus.* Græn. 1639. MART. CASERIVS *de bello.* Witeb. 1634. DAN. SIGM. WOLF *de ratione belli offensivi & defensivi.* Halae. 1677. ALPH. ALVAREZ *de bello justo & injusto.* Neap. 1543. VAL. ALBERTI *de bello justo.* Lips. 1678. JOH. DAVID. LEHMANNN *de bello.* ibid. 1673. DAVID LINNERN *de bellorum justitia & indicatione* Altorff. 1659. HENRIC. BOCEVS *de bello & duello.* Tübing. 1607. & 1616. JOH. PETR. BANNIZÆ *problemata de jure belli & pacis.* Wirceb. 1746.

§. XXX.

Quum ergo bellum sit status liberarum gentium, vel hominum in statu naturali viventium juris

juris sui persequendi causa vi dolove concertantium (§. XXIX.), consequens est, ut nec inter integras gentes bellum punitivum, neque inter singulos homines in statu naturali viventes pœna locum habeat; quidquid enim juris est inter integras gentes, id ipsum locum habet inter singulos homines in statu naturali viventes. Quare pœna nihil aliud est, quam *malum passionis ob malum actionis a superiore inflictum*; ac proinde illa non nisi a superiori imponi potest, quoniam æqualis in æqualem nullum imperium, nullamque jurisdictionem sibi arrogare valet. Et licet quidam effectus pœnæ in statu naturali extent, ii tamen non ex pœna, sed ex jure connato se defendendi promanant. Hic adduci potest JOH. SCHMIDT *de bello punitivo.* Lips. 1714. VALENT. VELTHENIUS *de Moralitate belli a principe non læso adversus alienum populum.* Jenæ. 1680. JOH. CHRIST. BELOW *de pœnis.* Witeb. 1690. AD. ANDR. HOCHSTETTER *de jure pœnarum.* Tubingæ. 1702. GEORG. HENR. RIBOVIVS *de bello pœnæ.* Götting. 1744. GEORG. AD. REYHERVS *de bello punitivo inter gentes jure gentium necessario lictio.* Halæ. 1744.

SE-

SECTIO IV.

DE

OFFICIIS ERGA ALIOS.

§. XXXI.



roxima nunc sunt officia erga ALIOS, quæ ex lympidissimo fonte (§. XIX.) adducto fluere quivis animadvertiset, quum Deus O. M. non tantum nos creaverit (§. XXII.), sed etiam alios; adeoque voluerit, ut nos omnes existamus, ab eoque æqualiter dependeamus (§. XVI.); prono igitur veluti alveo fluit, ut proximum nobis æqualem agnoscamus, eumque non lædamus. Primum itaque officium erga ALIOS consistit in agnoscenda naturali eorum æqualitate; idque eo magis, quo omnes homines natura æquales sunt, iisdemque partibus essentialibus constant. Officia erga ALIOS in genere explanavit DAN. GOTTL. METZLER *de officio hominis, quod aliis debet, ratione summæ ipsorum felicitatis habita, ex principiis rationis deducta.* Lips. 1713. In specie vero & quidem de agnoscenda

H

na-

naturali hominum æqualitate egit HERM. LVD. WERNHER *de æqualitate hominum in statu naturali.* Lips. 1702. CARL. FR. KRANEWITTER *de æqualitate inter homines servanda.* Viteb. 1715. JOH. GEORG. ROESERI *dissert. de æqualitate & inæqualitate hominum,* Sedin. 1705.

* Non defuerunt etiam quidam Icti, qui etiam de officiis mortuorum exhibendis ex instituto egerunt. Sicuti hanc materiam pertractat GOTTFRID. BÖTTNER *de viventium erga mortuos obligatione.* Lips. 1702. ANDR. HOCHSTETTER *de officio erga mortuos secundum legem naturæ,* Tübing. 1701. CHRIST. WEIDLING *de officio hominis erga defunctos beneficitos,* Leucop. 1711. JOH. BVRCHARD. MENCKEN *de officio humanitatis mortuis exhibendo,* Lips. 1700. ERN. FRID. SCHLEGEL *bonor erga defunctos,* Lips. 1700. CHRISTOPH. HENR. ZEIBICH *quid liceat in hominum demortuorum corpora?* Viteb. 1700. THOM. FORSTMANN *de tributo illo: de mortuis & absentibus non nisi bona,* Jenæ, 1699.

§. XXXII.

Quum omnes homines naturæ æquales sint, quoniam iisdem partibus essentialibus constant (§. XXXI.), non minus colligere licet, inter eos obtinere jus libertatis. Status enim naturalis, est sita.

status libertatis, in quo nec subjectioni politicæ, nec, quæ jure gentium introducta est, servituti, locus esse potest. Jura status naturalis consistunt in jure belli (§. XXIX.), æqualitatis (§. XXXI.) & libertatis. Huc spectat GEORG. SAM. WAGNER *de natura libertatis humanae*, Lips. 1718. FRID. NITSCHIUS *de statu libertatis & servitutis*, Gis. 1683. HENRIC. OELMANN: *non omnes homines esse natura liberos &c.* Regiom. 1718. MICH. SCHREIBER *de concordia imperii libertatis*, &c. ibid. 1701. VALENT. ALBERTI *de servitute naturali*, Lips. 1684. JOH. HENSELIUS *de servitute naturali, num jure naturæ sit licita?* Lips. 1692. JOH. PAVL. FELWIGERI *servus naturalis*, Altorf. 1678. JOH. ALPH. TURRETINVS *de libertate humana juxta lumen naturæ*, Genevæ. 1734. FRID. PHIL. SCHLOSSER *de genuina libertatis notione*, Witteb. 1725. JOH. GOTHOFR. A DIESSELDORF *de jure restringendi naturalem libertatem*, Lips. 1690. JOH. WILH. GADENDAM *de trutina fœderum in statu libertatis naturalis*, Erlang. 1745.

§. XXXII.

Alterum officium erga Alios, est de non læden-dendo proximum. Quum ergo finis divinæ vo-

luntatis fuerit, ut & alii existerent (§. XXXI.), consequens est, ut & nos neminem imperfectio-rem reddamus, proindeque & neminem lædamus. Et quoniam homo non solum ex corpore, sed & ex anima constat, illæ autem partes essentiales æqua-liter a Deo dependent (§. XXI.), omnem damnum (per quod intelligimus quamlibet rei corru-ptionem, ac deminutionem nullo jure factam) sive corpori, sive animæ illatum, Jure naturæ pro-hibitum esse, facile intelligitur. Hanc materiam egregie excussit FRID. WEISEN *de damnis proximo illatis, eorumque variis generibus*, Jenæ. 1680. EPHR. GERHARD. *de imputatione damni per igno-rantiam inficti*, Jenæ. 1705. STRVVIUS *de eo, quod justum est circa damna in vita ex ignorantia*. PETR. MASCOVIVS *de damno voluntario ex impe-ritia*, Tubingæ, 1697. GOTTH. WILDVOGEL *de damno invito*, Francof. ad Viad. 1648. JOH. FRID. RHETIVS *de damnis voluntariis*, Francof. 1673. JOH. EBERH. ROESLER *de damno in fama & honore data*, Tubingæ, 1710. BVRCH. EDE-NVS *de damnorum culpa, casuque factorum, itemque infectorum præstatione*, Argent. 1646.

§. XXXIV.

§. XXXIV.

Quum ergo omne damnum, quod alteri sive quoad corpus, sive quoad animam infligitur, jure naturæ sit prohibitum (§. XXXIII.), non minus ut reparatio damni jam illati jure naturæ præcepta sit, necesse est. Alias sane officium de non lædendo esset frustraneum, nisi restitutio damni esset necessaria, jureque naturæ præcepta. Facta enim restitutione damni, cessat læsio. Obligationem reparandi damnum proximo illatum sive in mente, vita corpore, fama, honore, sive in bonis fortunæ, argumentis certe evidentissimis comprobavit JOH. EBERH. ROESLER *de restitutione damni in mente dati*, Tubingæ 1708. Item *de damni restitu- tione in vita & corpore dati*, ibid. 1708. Item *de re- stitutione damni in bonis fortunæ dati*, ibid. 1710. Item *de restitutione damni ex principiis Philosophiæ moralis*, Tubingæ, 1707. GODOF. FORBIGER *de damno, ejusque ad restitutionem obligatione*, Witeb. 1704. PHIL. LVDW. BÖHMER *de reparatione damni dati*, Helmstadii, 1697.

§. XXXV.

Quumque restitutio damni illati jure naturæ sit præcepta (§. XXXIV.); damnum vero sit, omnis

deminutio rei nullo jure facta (§. XXXIII.), per se patet; cessare obligationem reparandi damnum, si unus jus habeat, malum alteri repræsentandi. Quod ex tunc evenire solet, quando officia nobis debita concurrunt cum officiis erga alios, atque inter se collidunt. De difficulti, ac intricata hac materia solide atque nervose tractat celeb. ADAM. FRIED. *GLAFEVVS de collisione officiorum*, Jenæ, 1713. GEORG. CHRISTOPH. MODEL *de collisione legum naturæ*, Altorff, 1709. PHIL. LVD. BÖHMER *de collisione legum casuali*, Helmst. 1699. JOH. NICOL. HERTIVS *de collisione legum*, Giessæ, 1688. EVCH. GOTTL. RINCK *de collisione legum naturæ*. Altorff, 1709. JOACH. HENR. SANDERI *epistola: non dari collisionem legum naturalium erga nos, & erga alios observandorum*, Rost. 1740. JOH. FRID. SCHNEIDER *de collisione famæ & conscientiæ*, Halæ, 1703. JOH. CHRIST. GöZZIVS *de officiorum & legum exceptionibus in casu collisionis*, Gættingæ, 1741. CAR. GöSSELIVS *de obligationum collisione*. Ultrajecti, 1718. AD. FRID. HOFFMANN *de iurium & obligationum collisione*, Halæ, 1728. HENR. MELCH. SCHÜTTEN *de collisione obligationum*, Erford. 1742. JOH. WOLFG. TRIER *de conflictu obligationum*, Francof. 1739.

§. XXXVI.

§. XXXVI.

Collisio hæc quam maxime se exerit in casu necessitatis, in quo subinde officia Deo debita concurrunt cum officiis nobis debitibus: subinde officia nobis debita cum officiis erga alios. **NECESSITAS** est *status hominis, in quo legi sine periculo vita, aut magni incommodi parere quis non potest.* Prior vocatur necessitas **INCOLVMNITATIS**, seu extrema: posterior **INCOMMODITATIS**, seu quasi extrema. Vulgo Doctores tradunt regulam: *necessitatem non habere legem:* hac regula nihil frequentius in ore hominum est; quin immo nihil turpe ac nefarium esse existimant, quod excuset necessitas. Verum, quum officia non sint æqualia, sed certus eorum ordo observandus (§. XVI.), facile patet, non semper veram esse regulam a doctoribus jactitatam. De necessitate extant varia scripta. THEOD. LAUDIEN *de Canone trito: Necessitas non habet legem. Regiom.* 1713. PAVL. WAGNERI *tractatus Juridicus, quo regula: necessitas non habet legem, ex jure naturali, civili, & canonico accurate explicatur, Lipsiae,* 1725. CARL. de VERDVN *de necessitate legem non habente, Lugd. Bat. 1740.* MATH. GE. SCHRÖDER *de casibus extremæ necessitatis, Lipsiae, 1715.* JOH. MART. LEHMANN *de jure necessitatis, Lips. 1682.*

CASP.

CASP. MATTH. MÜLLR *de necessitate jus in res alienas concedente*. Rost. 1695. JOH. SCHMIDT *de favore necessitatis*, Lips. 1699. JACOB. FRID. BRACHT *de jure paupertatis in casu necessitatis*, Jenæ, 1719. HENR. SIVERTZ *de nonnullis*, quæ ob necessitatem licita falso judicantur, Lips. 1696. JOAN. FRID. NEVMANN *de necessitate, ejusque in jure effectu*. Halæ ad Salam. 1752. AHASV. FRITSCHII *præsidium necessitatis contra legem*, seu. *de jure necessitatis*, Jenæ, 1661. JOH. CONR. van HASSELT *de extrema necessitate*, Lugd. Bat. 1729. PETR. HOMFELD *necessitas exlex*. Jenæ, 1675. CHRIST. GOTTFR. JOHNIVS *de necessitate, vel jure, quod necessitas constituit*, Argentorati, 1673. THEOD. KRAVSSIVS *de necessitate*. Altorff. 1671. JÓH. SAM. STRYCKIVS *de jure necessitatis*, Halæ, 1712. & 1738. SIM. NIC. ORTHIVS *de eo, quod iustum est circa actus quosdam necessitatis*, Giessæ, 1711. Hæc itaque sunt officia erga alios absoluta; nunc sequuntur hypothetica, quæ posito aliquo jure per factum, aut institutum humanum adquisita exiguntur (§. XV.). Ejusmodi instituta sunt quatuor, *imo SERMO: 2do DOMINIVM: 3to RERVVM PRETIVM: 4to IMPERIVM*. De omnibus illis separatim agemus.

SECTIO

SECTIO V.
DE
SERMONE.

§. XXXVII.



rimum ergo institutum humanum,
ex quo officia hypothetica fluunt,
est SERMO, per quem intelligimus
vocem articulatam ex impositione
hominum significantem, qua animi
nostri sensa cum aliis clare & di-
stincte communicamus. Ex qua definitione appa-
ret, finem sermonis in eo possum esse, ut ani-
mi nostri sensa communicemus, adeoque ut ne
alios sermone nostro laedamus, sed nostris alio-
rumque commodis potius sermone nostro pro vi-
rili serviamus. De officiis sermocinantium, obli-
gationeque sermonis variæ extant dissertationes,
in quibus fere omnibus tota materia de sermone
eleganter atque erudite explanatur. Huc spectat
GOTTL. GERH. TITIVS *de officio sermocinantium,*
Lipſ. 1695. SIM. FRID. JÄGER *de officio hominis*

I

cir-

circa sermonem, Viteb. 1691. NICOL. CHRISTOPH. REMLING *de obligatione sermonis*, Viteb. 1694 EBERH. LVD. ROTHIVS *de sermone hominis*, & quæ eundem consequitur, *obligatione*, Ulm. 1679. JOH. ANDR. HARTMANN *de obligatione sermocinantium*, Marpurgi. 1734. JOH EBERH. ROESLER *de sermone indeque orta obligatione*, Tubingæ. 1715. VICT. BENEDICT. HEVBFR *de eo, quod circa sermonem justum est*, Jenæ. 1693. HENRIC. UFFELMANN *de jure, quo homo homini in sermone obligatur*, Helmst. 1667. HENRIC. LVD. WERNHER *de officio hominis circa sermonem*, Lips. 1702. CHRIST. RÖHRENSEES *Triga quæst. vexatarum circa officium sermocinantium*, Witeb. 1691. JOH. SAM. TREVER *de crimine alieni sermonis*, Helmst. 1715. JO. FRIDEM. SCHNEIDER *de moderamine inconsultæ vocis*, Halæ. 1700. CHRIST. WOLFF. *de loquela*, Lips. CHRIST RÖHRENSEE *de regimine linguae*, Viteb. 1703. CHRIST. THOMASIVS *de homicidio linguae*.

§. XXXVIII.

Quum finis sermonis sit, ut alteri animi nostri sensa pandamus (§. XXXVII.), atque ad hunc finem

finem tunc demum obligemur, quando alter jus perfectum aut imperfectum habet, sermonem a nobis exigendi, sequitur fane, ut toties tacere possimus, quoties alteri nec jus perfectum nec imperfectum competit, animi nostri sensa percipiendi. De TACITVRNITATE, per quam nihil aliud intelligimus, quam reticentiam ejus, ad quod aperiendum alteri nec perfecte, neque imperfecte obligamur, scripsérunt singulari cum industria JOH. EBERH. SWELING *de taciturnitate*, Brem. 1702. ANDR. BEJER *de silentio & taciturnitate*, JQH. LVD. SCHMIDT *de silentii moralitate*. Lips. 1701. JOH. CHRISTOPH. ROSTEVSCHER *de silentio*, Ged. 1691. JOH. STEIN *de silentio*, Regio. 1705. JOH. TESCHENMAKER *de jure silentii*, Ultrajecti. 1730. NICOL. CHRPH. SINCKER *de eo, quod justum est circa silentium*. 1693. HENR. PET. BEVMER *de silentio innoxio*, Erford. 1693. HENR. COCCEJVS *de silentio*, Heidelbergæ. 1682.

§. XXXIX.

Præterea quum tacere possimus, quando alteri nec jus perfectum, neque imperfectum competit, sermonem a nobis exigendi (§. XXXVIII),

merito quoque colligimus, & in eodem casu tam simulatione, quam dissimulatione uti licere; præ-
primis, si per hoc alterius utilitatem magis promo-
veamus. Illustrem hanc materiam excusserunt Icti
quidam, qui omni laude dignissimi sunt. GE.
NICOL. OCKEL *quæst. an simulatio & dissimulatio
licitæ sint?* Rost. 1706. JOH. GOTTL. BOHN:
an liceat simulare & dissimulare? Lips. 1714 ANDR.
PEJER *de dissimulatione*, Jenæ. 1676. FR. CHRIST.
BUCHERVS *de simulatione*, Ged. 1683. HENRIC.
UFFELMANN *de simulatione & dissimulatione*,
Helmst. 1671. CONRAD. JVNCKER *de simulatione*,
Altd. 1676. HENR. COCCEJVS *de simulatione*,
Francof. ad viad. 1693. JOH. DIETR. von
GÜLICH *de simulatione & dissimulatione*, Oster.
1688. MARTIN. HASSEN *dissertationes duæ de
moralitate simulationis*, Witteb. 1732. Huc per-
tinet CHRIST. RÖHRENSEE, Viteb. 1699. CARL.
GOTTL. ITTIG. Lips 1709. FR. WILH. FÖR-
STER. Erf. 1694. de materia eadem.

§. XL.

Quanquam & tacere (§. XXXVIII.) & simu-
lare æque ac dissimulare possimus, si alter notitiam
a nobis jure perfecto, imperfecto exigere ne-
queat (§. XXXIX.), tamen si loqui velimus, ita
lo-

loquamur, necesse est, ne alii sermone nostro lædantur (§. XXXVII.) ; ac proinde tuto exinde inferimus, ad veritatem dicendam semper nos obstrictos esse, sive alter ius perfectum vel imperfetum, sive nullum ius, veritatem a nobis exigendi, haberet. De veritate prostant varia scripta: GOTTFR. WILDVOGEL *de obligatione hominis ad veritatem naturali*, Francof. ad Viad 1684. JOH. RUDOLPH. BRACHVOGEL *de moralitate veritatis, ejusque oppositis*, Jenæ. 1717. DAVID. WENDELERI *Veritas moralis*. 1675. SIGM. JANCKIVS *de veracitate*, Lips 1632. JOH EBERH. SCHWELLING *de veracitate & mendaciis*, Brem. 1696. GE. SAM. ESENBECCIVS *de veritatis & charitatis nexu necessario*, Altorf. 1712. JOH JACOB. LEHMANN *de eo, quod justum est circa veritatem custodiendam*, Jenæ. 1717. ANDR. PLOMANN *de aliquid*, Kil. 1676. SIGM. CLEEMANN *disput. II. de occultatione veritatis licita*, Viteb. 1705. BENED. GOTTL. CLAVSWITZ *de officio circa sensus externos ad veritatis cognitionem adhibendos*, Lips. 1717. JOH. GOTTFR. HARTENSTEIN *Rationes, ob quas veritas & fides de homine dici possunt*, Lips. 1718. JOH. DAV. MICHAELIS *von der Verpflichtung der Menschen die Wahrheit zu reden*, Göttingen 1750.

§. LXI.

Porro, quum ad veritatem dicendam toties, quoties loqui velimus, obstricti simus, sive alter jus habeat, veritatem a nobis sciendi, sive non (§. XL.), consequens est, ut mendacium omne, sive sit perniciosum, officiosum, aut jocosum, Jure Naturæ sit prohibitum; adeo quidem, ut ne in extrema necessitate illud, ob periculum commune & universale, licitum esse, statuamus. MENDACIVM nobis est *sermo menti non conveniens*. Qui eum sermonem profert, alterum imperfectiorem reddere intendit, qui alterum imperfectiorem reddit, eum laedit; laedere autem jure naturæ est prohibitum, ergo & mendacium. Hanc materiam excollerunt JOH. LVDW. SCHVMANN *de mendacio officioso, jocoſo, & pernicioſo*. Erf. 1703. JOH GEORG. ABICHT *de mendacii bonitate & malitia*, Lipsiæ, 1699. JACOB. SAVRINI *Ecclesiastæ Hagensis Commentatio de mendacio*. JOH. JOACH. RICHSHOFFER *de mendacio, ejusque pæna*. Argentor. 1669. CONSTANT. MÜLLER *de mendacio*. Ger. 1691. BALTH. CONR. ZAHNIUS *de mendacio*. Colon. 1662. & 1686. JOH. MART. SCHRÖTER *de mendacio & in specie eo, quod in foro punitur*, Lips. 1732. ERN. TENZELIVS *de mendacii electu in jure*, Franc. 1713.

§. XLII.

§. XLII.

Quumque mendacium Jure naturæ ideo sit prohibitum, quoniam is, qui mentitur, alterum imperfectiorem reddere intendit (§. XLI.), ratio facile exinde reddi potest, cur falsiloquium juri naturæ non repugnet, differatque a mendacio. Mendacium enim opponitur veritati morali, falsiloquium veritati logicæ; ac proinde quum veritas moralis sit virtus, mendacium vitium esse oportet: & econtra quum veritas logica nec virtus, nec vitium sit, falsiloquium quoque nec virtus, nec vitium erit. **FALSILQVIVM** itaque nihil aliud est, quam *Sermo non conueniens objecto repræsentando*. Huc referri potest dissertatio NICOL. GRVBB; *de moralitate falsiloquii Grypbisw.* 1709. SAM. PETRI *disputatio philosophica de vera mendacii & falsiloquii differentia. Wittebergæ.* 1745. OTTO MENKEN *de falsiloquio lictio. Lips. 1667.*

§. XLIII.

Et hactenus quidem de sermone & officiis, quæ exinde fluunt, quantum satis est, diximus. Quum vero Jusjurandum sit species sermonis, non in-

incongrue hoc loco de eo agendum est. JVS-JVRANDVM, quod omnes gentes pro sanctissimo fidei pignore habuerunt, recte definitur, quod sit *adseueratio religiosa, qua Deum tanquam vindicem invocamus, si falsum dicamus, aut promissum non servemus.* Et quamvis jusjurandum nullatenus Juri naturæ repugnet, tamen temere & sine necessitate eo uti non possumus, sed tum demum, quando id vel superior, veluti judex, vel alias ex justa ac gravi causa defert, siquidem tunc ipsa æquitas naturalis exigit, ut alterum de veritate asserti vel promissi certiorem reddamus. Materiam jurisjurandi in genere pertractarunt varii Jurisconsulti, in quorum censum venit GE. CALIXTUS *de voto & juramentis in genere.* Helmst. 1621. CORNEL. BECKER *de juramentis.* Lipsiæ. JOH. WEISE *de juramentis.* Jenæ. 1625. JOH. GE. LUDOVICI *de juramento.* Viteb. 1688. GOTTFRID. VICT. MOERINGS *de juramento.* Viteb. 1717. VALENT. WELTHEM *de juramentis divinis & humanis.* Jenæ. 1684. NICOL. GRVBB *de moralitate juramentorum.* Gryphism. 1709. MAGN. DAN. OMEISSIVS *de jurejurando, & speciatim Academico.* Altorf. 1700. AND. AD. HOCHSTETTER *de juramentis & quorundam circa ea solennium mo-*
ra-

ralitate. *Tubingæ. 1702.* EBERH. RVDOLPH. ROTH *de jurejurando, ejusque variis ritibus ac ceremoniis. Ulm. 1681.* VALENT. VELTHEM. *Moralitas juramenti cum reservatione mentali præstiti. Jenæ. 1679.* CHRIST. ROEHRENSEE *de dispensatione circa jusjurandum. Viteb. 1696.* STEPH. HOLZHVSIVS *Manuale juramentorum. Col. Agrip. 1707.* SAM. FRID. WILLEMBERG *de dubiis juramentorum formulis. Ged. 1702.* SIM. HEINR. MVSÆVS *de juramentis in deliberativis. Kil. 1690.* GVIL. HENR. BRVCKNER *Christianis non esse licitum jurare, nisi in casu necessitatis. Jenæ. 1719.* JOH. JACOB. LVDOVICI *de genuino intellectu brocardici vulgaris: omne juramentum servandum esse, quod salva salute æterna servari potest. Halæ. 1705.*

§. XLIV.

Quum per jusjurandum intelligamus adseverationem, Deo tanquam vindice perjurii invocato factam (§. XLIII.), facile exinde apparet, per solum Deum jurandum esse; ac proinde non valere jura-
menta per res, quas quidem admiramur, sed non religiose colimus; uti per cœlum, terram, tem-
plum &c. Nec minus absurdia esse jurajuranda
K per

per res nobis carissimas concepta; veluti per animam, oculos, honorem, per genium & salutem principis &c. Unicus ergo supereft modus jurandi, nimirum per Deum omniscium, & omnipotentem; eum enim solum colimus, veneramur, eumque timemus. Atque hoc jam obſervarunt ethnici, qui per Jovem, quem verum Deum putabant, jurarunt. Huc adduci potest JOH. FRID. HEVNISCHIUS *de juramento per creaturam, Lips.* 1684. DAN. FRID. JANVS *de juramento per genium principis, Lipsiae,* 1708. CASP. MATTH. MÜLLER *de juramento per alterius salutem, Rostochii,* 1693.

§. XLV.

Quumque per solum Deum, quem religioſe colimus, veneramur, & timemus, jurandum fit (§. XLIV.), merito quoque colligimus, jusjurandum cuiusque religioni attēmperandum esse cum quoad formulas, tum quoad ritus (*). Juramenta enim inventa funt, ut homines metu Numinis ad veritatem dicendam, servandumque promissum adigantur. Verum nemo metu Numinis, quod vel non existere, vel falsum esse credit, adgetur ad veritatem dicendam, sed potius eo audacius alterum

rum decipiet, quo minus sibi ab ejusmodi Numine metuit. Quæstiones hic occurrentes solide enodarunt JOACH. HENR. LANGE quæst. num Christianus juramento Iudei rite ipsi delato tuto fidere possit? Viteb. 1702. DAN. GVIL. MOLLER de juramentorum judaicorum a Christianis acceptorum & exactorum fide & moralitate, Altorf. 1698. MATH. HVNOLD quæst. an juramenta per falsos Deos sint vera juramenta? Lips. SCHWERTNER de juramento per falsos Deos, Lips.

(*) Quandoquidem juramenta cuiuslibet religioni attemperanda sunt, atheus vero omnem religionem respuit, consequens est, ut & atheistus, qui dissimulato atheismo per Deum pejeravit, & sic alias decepit, in statu civili puniri, in naturali vero cogi possit, ut damnum illatum resarciat. Fusius, attamen nervose de hac materia egit JOHANN. MICHAEL. HALLWASCHIVS in Biga quæstionum de juramento atbei & religiorum. Febr. 1715. GERH. HERM. MENCKENIVS de juramento atbei. Lipsiae. 1713.

§. XLVI.

Quoniam vero juramenta inventa sunt, ut homines metu Numinis ad veritatem dicendam, servandumque promissum adigantur (§. XLV.), per se patet, juramenta sine nova ac speciali obliga-

K 2 tione

tione concipi non posse. Utrum autem sit obligatio æque principalis, an accessoria? hic decide-re nolumus. De obligatione juramenti scripserunt JOH. EBERH. ROESLER *de obligatione juramentorum.* Tubingæ. 1718. DAVID. WENDELER *de obligatione juramentorum,* Viteb. 1674. GERH. HERM. MENCKENIVS *de Justitia juramentis religionis,* Lips. 1712. AD. ERD. MIRVS *de obligatione juramento-rum,* Viteb. 1684. CAROL. BOSCHAERT *an ex jure jurando nova oriatur obligatio?* Lugd. Bat. 1742. ARWIDVS MOLLER *de obligatione jurisjurandi,* Lund. Scan. 1724. ROBERT. SANDERSON *de juramenti promissorii obligatione,* Cæthen. 1674.


§. XLVII.

Quumque juramenta sine nova ac speciali ob-ligatione concipi nequeant (§ XLVI.), nec obligatio sine consensu, facile quivis exinde colliget, ea omnia, quæ consensum tollunt, tollere quo-que obligationem jurisjurandi. Quam ob rem jus-jurandum dolo malo elicium, vel errore præstitum nullam producit obligationem. Errans enim, dum jurat, ponit obligationem, quæ, dum non adest, nec jusjurandum obligare potest. Eodem modo

ratio-

ratiocinamur de jurejurando circa rem illicitam præstito. Qui enim ad rem turpem, legibusve prohibitam se devinxit, posuit consensum moraliter impossibilem. Et sane contradictionem involveret, vindictam Dei in eum casum, si ab illicito legibusve prohibito factō abstineret, provocare. Male quidem agit, qui de re illicita præstat jusjurandum, ast male non agit, qui illud non servat, sed si servaret, bis peccaret. Huc pertinent sequentes scriptores : JOH. EBERH. ROESLE *jusjurandum de re illicita.*, *Tubingæ.* 1712. HENR. CLAVSING *de juramentis dolo vel errore elicitis,* *Viteb.* 1710. CARL. ANDR. REDEL *de obligatione juramenti dolosi,* *Lips.* 1691. ANDR. RITTER *de juramentis, quæ falso habentur, non obligantibus,* *Lips.* 1701. NICOL. CHRISTOPH. LYNCKER *de jurisjurandi invaliditate,* *Jenæ.* 1688. JOH. FRID. KAYSER *de efficacia jurisjurandi in actibus invalidis & illicitis,* *Giffæ* 1736. CARL FRID. ULR. PESTEL *de relaxatione jurisjurandi dolo malo eliciti,* *Rintelii.* 1734. JOH. CHRIST. RITTER *de jurejurando dolose elicito non servando,* *Jenæ.* 1741. JOH. CHR. FALCKNER *de juramentis illicitis,* *Jenæ.* 1671.

(*) Utrum jusjurandum vi metuve extortum subsistat, dubio non caret. Interim decisio hujus quæstionis dependet ab altera: an pactum metu extortum jure naturæ sit validum? Verum, quum metus nullatenus excludat consensum; ac proinde tale pactum jure naturæ subsistat (de quo infra pluribus), nulli dubitamus, quin jusjurandum vi vel metu extortum jure optimo producat obligationem. De hac specialissima, ac difficillima materia non sine summa diligentia & industria tractavit JOH. JOAH. ZENTGRAV *de juramenti per vim extorti obligatione.* Arg. 1688. JOH. GE. SCHVLTZ *de juramentis vi vel metu extortis.* Viteb. 1710. CHRIST. MICH. FISCHBECK *de promissionibus juratis metu extortis* Viteb. 1701. CARL. AND. REDELIVS *de obligatione juramenti coacti.* Lipsie. 1688.



SECTIO

SECTIO VI.

DE

DOMINIO.

§. XLVIII.



terum institutum humanum, ex quo officia hypothetica fluunt, est DOMINVM, quod in *jure seu facultate* *alios usū rei nostræ excludendi* consistit. Multiplicato genere humano id partim ex necessitate; partim ex utilitate introductum est: ab initio enim omnia fuerunt in COMMVNIONE NEGATIVA, per quam intelligimus *statum, quo res omnes fuerunt nullius quoad proprietatem, quoad jus vero utendi vel occupandi omnibus patebant.* Occupatio autem vel facta est per plures mortales, vel per singulos. Priore casu illa res fuit in COMMVNIONE POSITIVA, quæ nobis est *status, quo multi rem simul communi nomine occupant, ut illa quoad proprietatem ad totam universitatem, quoad usum ad singulos de universitate pertineat.* Posteriori casu statim natum est dominium. De dominio ejusque origine egit JOH.

GEORG.

GEORG. BERGER *de exordio proprietatis, sive origine dominii.* Vtib. 1709. HARFELD *de dominio primævo.* 1674. PETR. HOMFELD *de dominio primævo,* Jenæ, 1674. CHRISTOPH. AVG. HEVMANN *suum cuique, hoc est, disputatio jurisprudentiæ naturalis de origine dominii,* Jenæ, 1709. HENRIC. COCCEJVS *de origine dominiorum.* Heidelb. 1684. Huc quoque commode & non sine utilitate referri possunt illi, qui de dominio eminenti scripserunt, quales sunt CHRISTOPH. de SCHIFFART *de dominio eminenti.* Groning. 1713. GEORG. PAVL. RÖTENBEGCVS *dominii eminentis distinctus conceptus,* Alterff. 1707. CHRIST. BECKMANN *de supereminenti dominio.* BECHMANN *de usu dominii eminentis.* STÖSSER *de dominio eminenti.* 1670. MELCH. LVBECK *de jure dominii eminentis.* JOH. FRID. SCHNEIDER *de dominio eminenti habito respectu ad Jus subditorum,* Hale. JOH. NIC. ERHARD *de eminenti Majestatis dominio.* Argent. 1661. JOH. AD. ICKSTATT *de Majestatico dominii eminentis jure,* Mogunt. 1730.

(*) Ipsa sane recta ratio nos convincit, Deum O. M. jus in res creatas hominibus concessisse. Quum Deus sapientissimus homines creaverit, ejusdem divinam voluntatem fuisse, ut existarent, manifestum est. Quumque

que ejus voluntas æterna finem non consequeretur, nisi & media ad finem obtainendum necessaria nobis dedisset, consequens est, ut mortales rebus omnibus in hoc uniuerso terrarum orbe obviis, atque ad nostram existentiam conservandam necessariis uti frui voluerit. Huc spectat JOH. PHIL. SLEVOGTII dissertatio bonæ frugis plena: *de dominio hominis in res sublunares, ejusque usu.* Fenæ. 1687. JOH. SCHMIDT *de jure hominis in mundum.* Lipsæ. 1688. IOH. WOLFG. JÆGER *jus circa ea, quæ hominibus communiter competit.* Tubing. 1690. HENRIC. COCCEJVS *de dominio seu Imperio orbis.* Francof. ad Viad. 1712. NICOL. CHRIST. REMLING *de dominio hominis in creaturas inferiores.* Witteb. 1687. HENRIC. SIGISM. PLESMANN *de dominio mundi.* Francof. ad Viad. 1700.

§. XLIX.

Res, quas homines adquirunt, vel adhuc extra dominium sunt, vel jam in alterius dominio existunt. Si *prius*; tunc modum illum adquirendi vocamus **ORIGINARIVM.** Sin *posteriorius*; eum jure merito **DERIVATIVVM** adpellamus. Modus itaque adquirendi dominium originarius est **OCCUPATIO**, quæ consistit in *adprehensione possessionis rerum nullius animo sibi babendi.* Quum ergo in rebus nullius nemini competit jus, alios ab usu earum rerum excludendi, non ignotum erit, ut,

L

quæ

quæ nullius sunt, cedant occupanti. De occupatione, modisque adquirendi dominium egregie differuit GOTTFR. WEIGHARD. RING *de originaria dominii acquisitione per occupationem.* Francof. 1740. JOH. ERNEST. GVNNERI *dissert. de modis adquirendi jus in re præsertim dominium secundum principia juris naturæ.* Jenæ. 1747. OBRECHT *de modis adquirendi dominium naturalibus.* MOSIS van den BROECK *de occupatione.* Lugd. Batav. 1696. PAVL. JACOB. MARPERCHER *de acquisitione dominii originaria in statu naturæ.* Lipsiæ. 1741. ERN. FRID. SCHRÖTER *de occupationibus.* Jenæ. 1669. JOH. HENR. FELZ *de occupatione in genere.* Argentorati. 1702. PETR. MÜLLER *de modis acquirendi dominii naturalibus.* Jenæ. 1681. MELCH. LVD. LILIEN *de jure dominii, ejusque naturali acquisitione.* Erf. 1696. JOH. van LANTSCHAT *de acquirendo rerum dominio per occupationem.* Lugd. Bat. 1712. CHR. PHIL. RICHTER *de acquirendo rerum dominio ex jure gentium.* Jenæ. 1652. ANDR. van der GOES *dissert. de acquirendo jure gentium dominio.* Lugd. Bat. 1642. GEB. GARBERI *dissert. de rerum dominio iure gentium adquirendo.* Lugd. Bat. 1722.

*) Nec

(*) Nec defuerunt quidam, qui occupationem bellicam, qua personae aequæ ac res hostium capiuntur, ad modos adquirendi originarios referre non dubitarunt. Enimuero quum occupatio effectum suum duntaxat exerit in rebus nullius, pro quibus hostiles res ne per fictionem quidem haberi possunt, merito inferimus, occupationem bellicam nec ad modos adquirendi dominium originarios, nec ad occupationem referendam, sed potius ex ipso jure belli, tanquam ex lympidissimo fonte esse derivandam. Difficilem hanc materiam Jurisconsulti variij enuclearunt, qui varia scripta circa occupationem bellicam orbi literario communicarunt.
 JOH. ADAM. BRVNNLEGER *de occupatione bellica.* Argent. 1702. NICOL. REVSNER *de occupatione bellica.* Jenæ. 1595. DAVID. STAVINSKY *de jure occupandi res hostiles.* Regiomontani. 1707. MICH. GRASS *de eo, quod justum est circa recuperationem bellicam.* Tübingæ. 1688. & 1715. REINHARDVS. LVGNAN *de occupatione bellica.* JOH. ARNDTIVS *licitam esse medii loci occupationem.* Rostoch. 1712. GOTHOF. KVFENDER *de temperamento vastationis bellicæ.* Viteb. 1677. JOH. ZACH. HARTMANNVS *de occupatione bellica adquirendi dominium non modo.* Kiloni. 1730. JACOB. HYPMANNVS *de praeda bellica.* Stralsundæ. 1640. CARIST. WILDVOGEL *de praeda militari.* Jenæ. 1713.

§. L.

Quum occupatio sit adprehensio possessionis rerum nullius (*) animo sibi retinendi (§. XLIX.),

L 2

hoc-

hocque modo adquiratur dominium (§. XLVIII.), cuius requisita sunt, ut res *rmo* sit exhausti usus, *2do* præstet utilitatem, & *3tio* custodiri possit, non incongrue quidam Icti judicarunt, mare eatenus in dominio existere, quatenus & illa requisita locum habere possunt. Scriptores, qui difficilem hanc, tantoque animorum motu agitatam quæstionem enodarunt, triplicis generis esse deprehendimus. Quidam dominium maris, ejusque defensionem suscepérunt, & quidem ex *Anglis*: JOH. SELDENVS *de mari clauso seu de dominio maris*. London. 1635. GVIL. VELVOODVS *de dominio maris juribusque ad dominum spectantibus*. Hag. 1623. JONSTON *rerum Britannic*. Lib. XIV. ALBERIC. GENTILIS *in libro de jure maris Anglis universum Oceanum vindicavit*. JOH. BOVRAGH. *Imperium maris Britannici ex monumentis historicis legibusque Angliae demonstratum*. Lond. 1688. Ex *Italis* PET. BAPT. BVRGV^S *de dominio Genuensis reipublicæ in mari ligustico*. Rom. 1641. PAVL. SARPPIVS *del dominio del mare Adriatico della Serenissima Republica di Venetia*. ANG. MATHEACIVS *de Jure Venetorum & Jurisdictione maris Adriatici*. Venet. 1617. JOH. PALATII *Leo maritimus seu de dominio maris*. Venet. 1663. JVL. PATIVS *a BERIA*

RIA disceptatio inter Regem Hispaniæ qua Regem Siciliarum, & rempublicam Venetam de dominio maris Adriatici. Lügd. 1619. & Francof. 1669. Ex Germanis JOH. SIBRAND de dominio maris, oder vom Seegelstreichen. CONR. SAM. SCHVRZFLEISCH Maris servitus. Viteb. 1671. & 1683. JOH. AVG. de BERGER de imperio maris Adriatici Cæsari, qua Regi Dalmatarum ac Principi Istriæ, ut & Regi Neapolis atque Siciliæ proprio. Lips. 1713 SERAV. de FREIDAS de iusto imperio Lusitanorum Asiatico adversus Grotii mare liberum. Pinciae, 1625.

(*) Res nullius vel sunt a *natura*, quæ in nullius domino unquam extiterunt, ceu in quibus nemini unquam jus fuit alios usu istarum rerum excludendi. Vel *factio hominis*, quæ pro *derelictis* habitæ dicuntur, si scilicet possessor sese ultro jure alios usu harum rerum excludendi abdicavit. Vel *tempore*, si de illarum rerum domino nihil certi constare potest. Quid juris sit circa res derelictas, ostendit PETR. HOMFELD de *rebus derelis*. Fenæ. 1675. GOTTHARD FONNE, *utrum res aquis submersæ derelictis adscribenda*. Lipsæ. 1689. CASP. ZIEGLER de *rebus pro derelicto habitis*. Witteb. 1686. JOH. HENR. FELZII *Excepta controversiarum illustrium de rebus pro derelicto habitis*. Argentorati. 1708. HENR. ERNEST. KESTNER de *jure rerum casu amissarum*. Pintelii. 1710.

§. L I

Quidam econtra dominium maris impugnabant, ejusque libertatem vindicarunt; & præcipue id egerunt *Belgæ*, quoniam illorum intererat tum propter navigationes Indicas, tum propter halecum capturam. Huc pertinet Hvgo GROTIUS *de mari libero, seu de iure, quod Batavis competit ad Indicana commercia.* *Lugd. Bat. 1609.* & *Franc. 1669.* CORN. van BYNCKERSHÖCK *de dominio maris.* THEOD. GRASWINCKEL *vindiciæ maris liberi contra Seldenum.* Ejusd. *vindiciæ maris liberi adversus Petr. Bapt. Burgum.* Ejusd. *vindiciæ maris liberi contra Velvoodum,* *Hag. 1643.* JOH. ISAAC. PONTANVS *in discussionibus historicis de mari libero adversus Job. Seldeni mare clausum.* Hartewig. 1637. CONR. LERCH *de mari libero,* *Lugd. Bat. 1637.* JOH. GRÖNINGII *navigatio liberæ.* *Lübeck. 1698.*

§. L II.

Quidam denique hanc materiam nullo partium studio addicti elaborarunt, in quorum numero est JACOB. GOTHOFREDVS *de dominio maris.*
Fran-

Francof. 1664. HALOINV. GODOFREDVS GAL-
LVS *de dominio seu imperio maris.* 1637. JOH.
STRAVCHIVS *de dominio maris. Viteb.* & *postea*
Brunschw. 1662. JOH. HENR. BOECLERV^S *Mi-*
nos maris dominus. Arg. 1656. GEORG. PAVL
ROETENBECK *quest. an mare dominii sive imperii sit*
capax? LEICKHERT *de dominio maritimo. Dres-*
dæ. 1683. LOCCNIVES *de jure maritimo. Amste-*
lod. 1669. MART. SCHOCKIVS *de imperio mariti-*
mo. Amstelod. 1654. MICH. HOGNOVIUS *de im-*
perio in mare. disput. II. Regiom. 1686.

§. LIII.

Modus adquirendi dominium derivativus est,
quando res, quæ in alterius dominio jam extitit,
in alterum tranfertur (§ XLIX.) ; eoque, quum
•quilibet dominus voluntatem suam pro libitu &
adjectis quibusvis conditionibus declarare possit,
vel *universitas bonorum*, vel *certa bonorum portio*
in aliud transit. Quodsi vero universitas bono-
rum transferatur, id vel fit per voluntatem domi-
ni vere & expresse declaratam, sine alterius acce-
ptatione, vel colligitur ex fine adquirentis tanquam
signo certissimo. Priore casu illa voluntas testa-
men-

mentum adpellatur: posteriore vero *succesio ab intestato*, cuius genuinum ac solidissimum fundatum consistit in conservatione familiæ & præsumta defuncti voluntate. De testamentis, an sint juris naturæ? subtilis quidem movetur quæstio, quam affirmare non dubitavimus in *Triga disquisitionum I. Ex jure naturæ de testamenti validitate.* Vindobonæ. 1758. & 1759. SIRMAN in *Commentario juris naturæ de testamentis in statu naturali validis.* JOH. CPH. WEINLAND in *dissertatione de testamentorum ex jure naturæ efficacia.* Extat illa in ejusdem *Otio academico byemali.* p. 67-92. JOH. CPH. KLAPROTHS *Abhandlung ob die Testamenta nach dem Rechte der Natur statt haben?* JACOB SAPPIVS *de origine testamenti factionis acti-
væ.* Lugd. Bat. 1742. HENRIC. de COCCEJVS *de testamentis Principum.* Francof. ad Viad. 1699. JOH. FRANC. DVDEVS *de testamentis summorum Imperantium, speciatim CAROLI II.* Halæ. 1718. PETR. MIDDELDORF *de fatis successionis intestatae, testamentariæ, ac paeticiæ.* sect. I. Rintelii. 1740. JOH. GVIL. de GOEBEL *de successione ab intestato ex jure naturali. civili, & statutario.* Helmst. 1737. CARL. FRID. REVTERHIELM *de successione secundum jus naturæ &c.* Erfordii. 1734. RVT-
GER.

GER. JO. KELLINGHVSEN *de acquisitione hereditatis secundum principia juris naturæ & civilis. Francof. 1750.* GVIL. CHRIST. STOCKMANNI *dissertatio juris naturalis de successione legitimorum, eorumque, qui secus pronati sunt. Jenæ 1721.* Contrarium vero defendit GEORG. CHRIST. GEBÄVER *de origine testamentorum minime ex iure naturali repetenda. Göttingæ. 1736.* STEPH. WISCHER. *de testamentis juri naturæ ignotis. Ultr. 1720.*

§. LIV.

Transfertur porro certa bonorum pars, ceu res singularis vel *volente domino*, idque aut titulo lucrativo per *donationem*, aut oneroso per *contratum*. Vel *domino invito*, atque tunc res illa adquiritur aut per occupationem bellicam (§. XLIX.), aut per usucaptionem seu *præscriptionem*, quam statui naturali contrariam esse, non sine fundamento adstrui posse opinamur; præprimis, quum in statu naturali non detur superior, qui tempus, quamdiu quis rem possidere debeat, ut dominium consequatur, definire possit. Nec minus præsumi potest, dominum rem, quam postea vindicat, si occasio vindicandi adest, pro derelicta habuisse.

M.

Et

Et sane, si præsumptio hæc admittatur, non foret usucapio, sed potius occupatio. Res enim pro derelictis habitas nullius esse (§. L.*), nemo negabit. Id singulari dissertatione illustravit PIERRE du PVY sive PETRVS PVTEANVS *si la prescription a lieu entre les Princes Souverains.* Inserta illa est operi *touchant les droits du Roy tres-chretien, Paris, 1655.* & à Rouen. 1670. DAN. FRID. HOTTEISEL *de fundamentis in doctrina de præscriptione & derelictione gentium tacita distinetius ponendis, Halæ, 1723.* Ejusdem *dissertatio de præscriptione immemoriali sane rationi & juri Civili contrariante, Hal. 1724.* JOH. BALTH. WERNHER *terra de præscriptione sententia, Viteb. 1718.* BIRGDEN *de præscriptione prætensionum illustrium.* JOH. WERLHOF *Vindiciae Grotiani dogmatis de præscriptione inter gentes liberas contra Petrum Puteanum, Helmst. 1696.* JOH. ERN. GVNNERI *dissertatio, in qua demonstratur præscriptionem non esse juris naturalis, Jenæ, 1740.* JO. CHRIST. HEDLERI *disquisitio: an præscriptionis & usucapionis origo ex jure naturæ repetenda sit, præceptoque juris naturæ nitatur? Viteb. 1734.* JO. GOTTFR. KRAVSSIVS *num usucapio pariter ac præscriptio in jure naturæ sit fundata, atque adeo inter liberas gen-*

gentes locum babeat, & principi humanam legem non agnoscendi opponi queat? Viteb. 1733. AND. GVIL. PAGENSTECHERV^S de fundamento præscriptionis in jure gentium positivo, non jure naturali quærendo. Marpurgi, 1748. CHRIST. GOD. WEIDL^RV^S de præscriptione in statu naturali considerata. Lips. 1739.

SECTIO VII.

DE

R E R V M P R E T I O.

§. LV.



ertium institutum humanum est R^E-
RVM PRETIVM, cuius originem
debemus dominio. Eo enim in-
troducto homines cœperunt
egere pluribus rebus ad necessita-
tem, vel etiam vitæ commodita-
tem pertinentibus, & aliis econtra rebus abunda-
re; ac proinde opus fuit commerciis, rerum per-

M 2

mu-

mutationibus, ac tandem rerum pretio. PRETIVM nobis est *quantitas rebus operisve attributa, secundum quam illæ inter se comparari possunt.* Illa vero comparatio vel inter res & operas singulas instituitur, vel communis quædam mensura, cum qua reliquæ res omnes aut operæ comparantur, adsumitur. Priori casu pretium hoc vocamus VVLGARE, quod singulis rebus suis, aut operis quisque tribuit. Posteriori vero casu adpellamus EMINENS, quoniam illo omnia, quæ in commercio existunt, tanquam communi quadam mensura æstimantur. Requisita pretii eminentis, quum in eo consistant, ut materia nec nimis rara, nec vulgo obvia sit, nec usu consumptibilis, aut pretio destituta, nec difficulter in quasvis partes divisibilis, nec difficilius custodiri, aut ægre in quemvis locum transferri posset, illa vero requisita in nulla alia materia, quam in metallis pretiosioribus reperiantur, facile ratio reddi potest. cur plerisque gentibus, metalla adhibere, numerosque variæ quantitatis ac ponderis cudere, commodissimum visum fuit. Huc spæctat HENRIC. UFFELMANNI *dissertatio de mensura pretii rerum. Helmst.* 1668. JAC. HINTZELMANNVS *de pretio eminente. Lugd. Bat. 1705.* Jo. GEO. FICHTNERVS *de iustitia*

*stitia pretii. Altd. 1718. HENR. COCCEJVS de pre-
tio affectionis & amoenitatis. Heidelbergæ. 1684.
Item de vero rerum pretio. Franc. ad Viad. 1701.*

(*) Quoniam non omnis profert omnia tellus, ipsa sa-
ne necessitas homines coegit, ut commercia institue-
rent, & ea, quibus abundarent, aut quæ arte sua vel
operis produxerunt, aliis indulgerent, & econtra
alia, quibus ipsi carerent, sibi adquirerent. Ex quo
apparet, quid per commercia intelligamus. COM-
MERCIVM nihil aliud erit, quam *communicatio reram ope-
rarum & necessariarum cum aliis barum rerum indigis ex per-
fecta obligatione potissimum profecta*. De commerciis extant
varia scripta. ENGELBRECHT von der Burg de usu &
abusu commerciorum. Lipsiæ. 1710. ADAM. FRIBBE-
CHOVIVS de commerciis. Kil. 1672. HERM. CONRIN-
GIVS de maritimis commerciis. Helmst. 1683. CASP.
ZIEGLER de jure commerciorum. Witt. 1666. MICH.
GEHRKE de necessitate commerciorum in republica. Regiom.
1712. JOH. STRAVCHIVS de jure singulari commerciorum
navalium. Witt. 1652. JOH. KLEINIVS de maxima
commerciorum utilitate. Rost. 1696. Occasione navi-
gationis & commerciorum agitata fuit controversia,
utrum Imperator jus & privilegia in Indias atque Afri-
cam navigandi, commerciaque ibi instituendi Belgii
Austriae incolis concedere potuisset. Scripsit quidem
contra hocce jus ANONIMVS in dissertatione de jure, quod
competit societati privilegiatae federati Belgii in navigatio-
ne in & commercia Indianorum orientalium adversus incolas
Belgii

Belgii Hispanici bodie Austriae. 1723. *Dissertatio* hu-
jus auctorem esse dominum WESTERWEN Concilia-
rium societatis Indicæ Amstelodamensis. Verum con-
trarium magis juri veritatique convenire non minus
ANONYMVS quidam demonstravit in *Vindiciis juris ac
privilegii in Indias atque Africam navigandi, ibique com-
mercia colendi Belgii Austriae Incolis novissime concessi.*

1724. *Scriptum hoc a nonnullis adscribitur NENNIO*
fiscali Bruxellensi. Præterea eandem veritatem nobis
exhibit FRIED. LVDW. VON GERGER gründliche Er-
weisung dass Ibro K. K. Maj. in dero Österreichischen Nie-
derlanden Commercia zu stabdiren und auf Zurichtung einer
Ost- und West-Indischen Compagnie Privilegia zu erthei-
len berechtiget. Porro huc pertinet Ausführliche Be-
baupitung des denen Inwohnern der Österreichischen Nie-
derlande zustehenden Gerechtsamen und Privilegii nach In-
diens, auch Africa zu schiffen, und daselbst freye Hand-
lung zu treiben. Leipzig. 1724.

§. LVI.

Introductio rerum pretio contractus inter ho-
mines fuerunt frequentiores, a quibus jure natu-
ræ non differunt pacta, quoniam utrumque nego-
tium utriusque consensu suam capit substantiam. *)
Per PACTA, uti & CONTRACTVS, intelligimus
*Consensum duorum pluriumve in idem placitum de
dando aliquo vel faciendo, ad quod alter vel plane
non*

non, vel saltem ex lege humanitatis aut beneficentiae obligatus fuit. Isque consensus in duarum pluriumve voluntatum in eandem rem, easdemque circumstantias conspiratione ac unione consistens, quum vel verbis ore prolatis, aut literis consignatis, vel factis exprimi possit, alias EXPRES-
SVS, alias TACITVS merito dicendus est. Inter utrumque tamen quantum ad obligationem nihil est discriminis. Pertinet huc opusculum insigne LAVTENSACK de *discrimine inter consensum expre-
sum, tacitum, & præsumptum.* Erford. 1610. Nec non HEINRICI de *consensu ad validitatem actus
necessario.* GEORG. ENGELBRECHT de *consensu ta-
cito.* Helmst. ANDR. BEJER de *consensu tacito.* Je-
næ. STRUVIVS de *consensu.* Jenæ. 1666. CHRIST.
WERTHER MVHLPFORT de *pacto tacito.* Jenæ.
1692. HE NR. THEOD. PAGENSTECHERVS de *pa-
ctis tacitis.* Hammon. 1726. JOH. EBERH RÖS-
LER de *natura pactorum.* Tubingæ. 1713. JVST.
SINOLD de *materia pactorum.* Giessæ. 1637.

(*) Ex quo apparet, eosdem scriptores, qui materiam contractuum pertractarunt, ob eandem rationem jure merito hic adduci posse. De contractibus in genere & in specie scripsierunt EICHEL de *contractuum origine,
natura & divisione.* Helmstad. JOH. PHILIP. SCHLE-
VO-

VOGTIVS de contractibus, quantum sunt Philosophiæ considerationis. Jenæ. 1687. CASPAR. CALVOER decas quæstionum concernentium contractus & promissa secundum principia Philosophiæ moralis. Helmstad. 1675. HENRIC. BODINVS de contractibus summarum potestatum. Halæ. 1696. GEORG. ADAM. STRVVIVS de contractibus principum. Jenæ. 1688. MAGN. DAN. OMESIVS de contractibus, qui aleam continent. Altorf. 1698. HENRIG. ERNEST. KESTNER de contractibus summarum potestatum. JOH. WERLHOFF de pactis liberarum gentium. GABRIEL. GRODDECK de pactis conuentis. Ged. 1709.

§. LVII.

Pacta, quum ineantur de dando aliquo vel faciendo, ad quod alter vel plane non, vel saltem lege humanitatis; aut beneficentiæ, quæ non admittit coactionem, obligatus fuit (§. LVI.), charitas autem inter homines jam diu ita refrixerit, ut de eorum humanitate atque beneficentia confidere haud possimus, inter homines sumopere necessaria esse, quivis facile animadvertiset. Nec minus quis dubitabit, quin pacta serio ac delibera-to animo inita jure naturæ servanda sint, atque perfectam producant obligationem (*). Qui enim alteri quid promittit, mentem suam de dando aliquo

quo aut faciendo satis declarat, jusque exigendi promissum in alterum transfert; adeoque qui promissis pactisque non stat, alterum lædit. Lædere autem, quum jure naturæ sit prohibitum (§. XXXIII.), merito concludimus, pacta propter fidem datam, qua nihil sanctius, nihilque perfidia detestabilius esse debet, omnino servanda esse. Hanc immutabilem fane veritatem comprobavit variis, iisque evidentissimis argumentis CHRIST. RÖHRENSEE *de fide servanda*, Viteb. 1675. EBERH. RVDOLPH. ROTH *de fide servanda*, Ulm. GOTTF. GLEITSMANN *de fide servanda*, Lips. 1687. JOH. JAC. MULLER *de fide Principum, jurejurando pari*, Jenæ. 1704. SLEVOIGT *de servanda fide a Principe*. ANT. WILH. SCHOWART *an pacta ob necessitatem publicam inita sint servanda?* Francof. ad viad. 1689. FAB. TOERNER *de sanctitate pactorum* Lips. 1709.

(*) Fides deliberato animo data jure naturæ adeo servanda est, ut sub nullo prætextu frangi queat. Quare errarunt ii, qui fidem hosti, aut ethnico, aut hæretico datam, non esse servandam, opinarunt. Hac de re extant varia scripta, in quibus omnibus id fusius demonstratum reperitur. ROBERT. SCHWERDT *de fide bæreticis servanda*. Antw. 1611. GRASWINCKEL *de fide bæreticis servanda*. 1660. JACOB. SCHVLTES
N de

de fide bæreticis servanda. FRANCOF. 1652. ELIE
ELINGHERI *quaestiones, an fides bæreticis servanda?*
JVL. FERRETVS *de fide hosti servanda.* JO. GE. HEP-
PIVS, *num hosti fides servanda?* Viteb. 1702. *Apologia*
ZARNI *contra ECKIVM de fide hosti non servanda.* CHRIST.
WILDVOGEL *de fide hosti a privata data non servanda.*
Fenæ. 1705. JOH. VOLCKM. BECKMANNVS, *ubi*
fides non servandæ. JOH. GEORG. SIMON *de fide mino-*
rum potestatum in bello &c. Fenæ. 1675.

§. LVIII.

Quum ergo pacta serio ac deliberato animo
inita jure naturæ servanda sint (§. LV.), & con-
sensus consistat in duarum voluntatum in eandem
rem, easdemque circumstantias conspiratione
(§. LVI.); voluntas vero nihil adpetat aut adver-
setur, nisi id prius ab intellectu præcognitum fue-
rit (§. IX. & X.), facile ratio reddi potest, cur pa-
cisci nequeant ii, qui usū rectæ rationis destitutiun-
tur *); ac proinde non subsistant pacta furioso-
rum, nisi dilucida habeant intervalla, nec non
infantum, & omnium eorum, qui ob lubricum æ-
tatis rem aut negotium, circa quod paciscuntur,
haud intelligunt. Multo minus valide pactum in-
eant ebrii; nec ii, qui ex joco aliquid promiserunt.
Hanc materiam speciali dissertatione illustravit JOH.

REB-

REBHAN *de personis, quæ consensum præstare nequeunt.* Argent. 1666. Nec immixto huc referri possunt Scriptores, quos (§. LVI.) attulimus. Porro dissertatio SIRICII, *quatenus furiosi ex contractu, vel delictis obligentur?* Giessæ. TAVBER *de jure circa furiosos obtinente.* JOH. AD. FROMMANN *de jure furiosorum singulari.* Argent. 1655. JOH. VOLCKM. BECKMANN *de jure ebriorum.* CHRIST. LÖBER *de imputatione actionum ex ebrietate fluentium.* Jenæ. 1714.

(*) Ob eandem rationem ulterius inferimus, ea omnia, quæ impediunt atque tollunt consensum, pactum reddere inutile, adeoque non subsistere pactum ex ignorantia vel errore initum: multo minus valere pactum, ad quod dolo alterius quis inductus, & læsus fuit; quoniam consentite non videtur is, cuius menti res aut persona, de qua pactus est, aliter proponitur, ac reipsa est. Huc spectat JOH. ELIE WEISII *dissert. de errore non nocivo.* Erfordiæ. 1704. MEVIVS *de errore.* STRAVCHIVS *de errore.* WERNHER *de errore non faciente.* STRVBE *de ignorantia.* Jenæ. KOCH *de ignorantia.* Helmst. GERHARD. *de imputatione damni per ignorantiam commissi.* GEORG. STRVVIVS *de errore.* Jenæ, 1654. JOH. HENR. FELZII *dissert. II. de errore incontractibus.* Argent. 1713. & 1719.

§. LIX.

Quandoquidem porro pacta ineuntur de danno aliquo, aut praestando, ad quod alter vel plane non, vel faltem ex lege humanitatis atque beneficentiae obligatus est (§. LVII), ea vero, quae impossibilia sunt, neque dari, neque praestari queant; facile colligere licet, omnia pacta de rebus absolute impossibilibus inutilia esse, nullamque exinde nasci obligationem. Præterea, quum impossibile sit non tantum illud, quod per rerum naturam fieri nequit; sed & quod legibus bonisque moribus adversatur; merito quoque inferimus, irrita esse pacta, quae legibus justitiae, aut charitatis repugnant, aut quae decorum, pietatem, verecundiam laedunt, quæque in genere pacta de re turpi & illicita esse dicuntur. Nullitatem horum pactorum egregie ostendit JOACH. WEICKHMANN *promissionem ob turpem causam non esse obligatoriam.* Viteb. 1678. NICOL. PANCCIVS *de promissione vitiosa irrita.* Viteb. 1692. GEORG. HENR. LINCKIVS *de pactis vitiosis.* Altd. 1717.

§. LX.

Cæterum ex iisdem principiis concludimus a contrario, pacta vi metuve extorta jure naturæ validi-

valida esse. Quum enim pactum sit consensus duorum in idem placitum de dando aliquo aut præstando (§. LVIII.), vis vero (puta respectiva) & metus nullatenus tollant consensum, quoniam metum passo competit electio, unum ex duobus malis eligendi; nemo non intelliget, ejusmodi pacta jure naturæ subsistere. Accedit & altera ratio, quod actio illicita, quam quis coactus fecit, ei imputetur. Quod sane, si actio illa non procederet a principiis actionis humanæ, scilicet ab intellectu & voluntate (§. IX.), nequaquam fieri potest. Et quis neget, pacificationes, quæ ut plurimum metu ineuntur, inter gentes subsistere, & tamen sat expeditum est, quidquid juris sit inter gentes, idem & esse inter singulos homines in statu naturali viventes (§. IV. *). Validitatem pactorum vi meture extortorum præter Scriptores supra (§. XLVII. *) allatos nobis luculentissime exhibet JOH WILH. FEVERLIN *de obligatione pactorum metu injusto extortorum.* Altd. 1718. BRVCKNER *de promissione per vim extorta.* Jenæ. 1690. MARTIN. HERBST *Moralitas eius, quod metus causa factum est.* Jenæ. 1678. NIC. HENR. GVNDLING *de efficacia metus tum in promissionibus integrarum gentium, tum etiam bominum privatorum,*

rum, auxiliisque contra metum, Halæ. 1711.
JVST. HENING. BÖHMER. de exceptione metus injus-
ti in statu naturali &c. Halæ. 1720. & 1730.
GOTTFR. OHM de culpa agentium ex metu, Lips.
JOH. FRID. RHETIUS de metu, Francof. 1673.
JOH. FRID. SCHROETER de metu, Jenæ. 1654.
JOH MICH. HALLWACHSII pactorum, quibus vis
metusve ansam præbuit, sanctitas & firmitas. Tub.
1738. PHIL. PETR. LILIENTHAL principium ob-
ligationis & non obligationis pacti per metum extor-
ti, Gryph. 1736. JOHANN. JVST. SCHMIDT de pa-
ceto metu extorto justo vel injusto, methodo naturali
evoluto, Halæ. 1733.

LXI.

A pactis non nisi objecto differunt fœdera.
Quare omnia illa, quæ hactenus de pactis differui-
mus, ad fœdera non incongrue applicari queunt;
principue, quum idem jus, quod inter integras ob-
tinet gentes, inter singulos quoque homines in sta-
tu naturali viventes locum habeat (§. LX.).
Per FOEDERA intelligimus *conventiones gentium li-*
berarum de rebus ad utriusque, vel alterius rei-
publicæ utilitatem pertinentibus. De fœderibus
in

in genere egit CONR. SCHVCKMANN *de fæderibus*.
Rostoch. 1654. VALENT. FRIDERICI *de fæderibus*, *Lips.* 1667. GOTTF. ZAPFE *de fæderibus*. *Jenæ.* 1660. DAV. JON. SCHARFF *de fæderibus*, *Gieffæ.*
1683. JOH. SCHMIDDELIVS *de fæderibus*, *Jenæ.*
1661. JOH. CPH. WAGENSEIL *de jure fæderum*,
Altorf. 1701. ULRIC. HVBERVS *de fæderibus*.
1688. ARNOLD GOTTF. EVERIS *de jure fæderum*.
Francof. 1714. VALENT. RIEMENSCHNEIDER *quod circa fædera & ligas justum est*, *Marp.* 1694. GE.
SCHVBART *de moribus gentium circa fæderu*. *Jenæ.*
1689.

* Utrum fidelis liceat fœdus inire cum infideli contra fidem, non satis expeditum est, sed doctores in diversas sententias: alii id affirmant, alii negant, nos vero hanc quæstionem decidere nolumus, sed solummodo scriptores, a quibus allata quæstio in utramque partem ventilata fuit, in medium proferemus, eum in finem, ut quivis horum argumenta & rationes inspicere, easque inter se comparare queat. Huc spectat MARTIN. HASSEN *An princeps Christianus cum non Christiano aduersus Christianum fœdas inire possit?* *Viteb.* 1711. JOH. GBORG. RÖSER *de fæderibus fidelium cum infidelibus*. *Sedini* 1713. POLYCARP. LYSERVVS *de fæderibus cum infidelibus*. *Lips.* 1676. JVST. CHRISTOPH. DIETMAR *de fæderibus cum diversæ atque nullius religiōnis populis*. *Francof.* ad viad. 1716. ANONYMVS *in einer Schrift*,

Schrift, darinnen erwiesen wird, das ein Christlicher Potentat mit Unglaubigen eine Alliance schließen könne. 1711.
 JOAN. ADAM. OSIANDER *de moralitate fœderum cum infidelibus initorum. Tubing.* 1737.

§. LXII.

Quum fœdera sint conventiones liberarum gentium de rebus ad unius, vel utriusque reipublicæ utilitatem pertinentibus (§. LXI.), facile colligere licet, fœdera alia esse *ÆQVALIA*, in quibus omnium fœderatorum æqualis conditio est: alia *INÆQVALIA*, in quibus non æquale jus omnibus competit, sed alii aut melioris, alii deterioris conditionis sunt; id quod evenire potest tum ratione præstandorum, tum ratione modi præstandi. Hujusmodi exempla quam plurima extant, quæ nos docent, sæpius fœderatum potentiores minus potenti promittere subsidia pecuniaria, certum copiarum, aut navium & classiariorum numerum, & sibi vel nihil, vel parum restipulari. De fœderibus æqualibus & inæqualibus legi meretur FELZIVS *de fœdere mutuo.* GE. ADOLPH. SCHVBERT *de fœderibus inæqualibus.* Lipsiae, 1705. WAHREMUNDVS ab EHRENBERG *Meditamentum pro fœderibus de regni subsidiis & oneribus subditorum.*

§ LXIII.

§. LXIII.

Quumque gentes liberæ de rebus ad utilitatem reipublicæ pertinentibus paciscantur (§. LXII.); utilitas autem se exserere possit vel pacis, vel belli tempore, non immērito colligimus, fœdera alia ad PACEM, alia ad BELLVM pertinere. Quæ vero ad pacem pertinent, in eo quam maxime consistunt, ut pax stabilis ac diurna sit, utque subditi fructibus pacis quiete frui possint. Ad hæc referimus potissimum fœdera fidejussoria, per quæ sponsores pacis promittunt, leges pacis sancte servatum iri, partique læsæ auxilium præbitum. Porro ineuntur fœdera tempore pacis de præsidiis nostris in munimenta quædam tuendorum finium causa recipiendis, quæ adpellantur *Barriere tractaten*: de munimentis novis sine consensu vicini non exstruendis: de receptu hostibus non dando: de militibus aut subditis fugitivis non admittendis, &c. De his omnibus extant variæ dissertationes: ULR. OBRECHT *de sponsore pacis*, quæ inter academicas septimā est. HENR. COCEJVVS *de garantia pacis*, *Francof. ad viad. 1702.* SAM. STRYCKIVS *de jure prohibendi exstructionem fortalitorum*, *Halæ. 1703.* CPH. RÖHRENSEE *O ju-*

jure muniendi, *Viteb.* 1670. *PAHASV.* *FRITSCH de jure præsidii*, *Jenæ.* 1672. *Item de jure fortalitii*, *Jenæ.* 1672. *CASP. ZIEGLER de jure fortalitiorum*, *AMAD. ERHOLD de jure fortalitiorum*, *Lips.* 1666.


§. LXIV.

Nec minus tempore belli varia foedera a gentibus liberis ob utilitatem reipublicæ ineuntur cum exteris *), quālia sunt: de jungendis viribus adversus hostem communem, quæ vocantur *of- und defensiv-allianzen*: vel de se bello non immiscendo, quæ adpellantur *Neutralitäts-tractaten*: de libero per territorium transitu, vel commeatu concedendo, &c. De singulis hisce materiis varia periuntur opūscula. *JAC. AVG. FRANCKENSTEIN de neutralitate*, *Lips.* *JOH. WILH. NEUMEYER von der Neutralität und Assistenz*, *Francof.* 1620. *JOH. HENR. BOECKLER de quiete in turbis seu Neutralitate*, quæ adjecta est ipsius Commentario ad Grotium. *D. PARENS de Neutralitate*, *Vircebourgi.* 1752. *JOAN. GOTTL. GONNE de jure neutralitatis statuum, circulorumque Imperii. Erlangæ.* 1746. *JOH. JACOB. MÜLLER de jure transitus per alterius territorium*, *Jenæ.* 1697. *STREIT de*

de transitu innoxio & noxio per territorium alienum, Altorff. 1715. CHRIST. SAM. ZIGRA *de jure belli ob transitum per alienas ditiones exercitui denegatum*, Viteb. 1686. CHRIST. LUDOVICI *de transitu Copiarum per territorium nostrum*, Lips. 1693. ANDR. BEJER *de transitu & receptu*, Jenæ. 1675. SAM. STRYCK *de transitu militum*, Francof. ad viad. 1675. JACOB. RÖSER *de transitu exercitui denegato*, Viteb. 1666. FELTMANN *de transitu exercitus*, Græning. 1673. ACHASV. FRITSCHE *de transitu militari sine noxa instituendo*, Jenæ. 1674. PETR. MULLER *de officiis transcurrentium cum exercitu per aliorum territoria*, Jenæ. 1682. & 1744. JACOB RÖHLER *de justitia bellorum ob denegatum commeatum susceptorum*, Viteb. 1667. JOH. JOACH. SCHOEPFER *an commeatu falso uti liceat ad fallen-dum hostem?* Rostoch. 1713.

*) Sæpius fædera pangimus non modo cum amicis, sed & cum ipsis hostibus; prout negotia, quæ in bello incidere solent, id exigunt. Sic sæpe convenimus mox de urbibus dedendis, mox de captivis redimendis aut permutandis, quæ fædera vocantur CARTELS; mox de induciis per aliquot horas aut dies, aut menses concedendis, &c. Singulæ materiæ a Scriptoribus opusculis specialibus illustratæ sunt. De urbibus dedendis scripsit JOH. CHRIST. MEIS *de civitatis deditio-ne.*

ne. *Lipsiae*. 1689. DAV. SCHEINEMANN de deditio*n*e
sub clausula Clementia*&* discretionis. *Altiorff.* 1721.
VLRICVS OBRECHT bo*s*tis deditus. Argent. 1677. JA-
COB. FRID. LVDOVICI de deditio*n*e personarum noxiarum.
JOH. a SCHVLZ SCHVLTEZKI de nocentis & innocentis
deditio*n*e. *Francof.* ad viad. 1702. De captivis redi-
mendis, atque permutandis, egit PETR. MÜLLER de
eo, quod justum est circa captivorum redemptions. *Fene-*
1690. AND. AD. HOCHSTETER de pre*ter*io redemptions.
Tubing. 1704. JOH. FRIEDEM. SCHNEIDER de permu-
tatione captivorum. *Hale.* 1713. BARTH. THILESIUS
de redemtione militum captivorum. *Region.* 1706. JOH.
NICOL. HERTIVS de *Lytro*. *Gieffæ.* 1686. FRANC.
ERNEST. VOGT de *lytro incendiario*. *Kil.* 1703. &
Lipsia. 1719. De induciis tractat JOH. STRAVCH
de induciis. *Videb.* 1668. JACOB. LE BLEV de induciis.
Gif. 1660. BERNH. SCHVLTEZ de induciis belli. *Kil.*
1683. CONRAD. SAM. SCHVRZFLEISH de induciis. *Li-*
pſia. 1668.



SECTIO

SECTIO VIII.

DE

IMPERIO, SEV SOCIETATE.

§. LXV.



ransimus denique ad quartum institutum humanum, ceu IMPERIVM. Consideravimus hactenus officia hominis, tanquam hominis, seu in statu naturali viventis ; oportet nunc hominem in statu adventitio sociali contemplari, atque in eo ad officia formare. Societatum vulgo tria statuuntur genera; *minimarum* ac simplicium, *mediarum* ac paulo compositorum, & *magnarum*, ceu Civitatum ac Regnorum. MINIMA Societas consistit in unione maris & fœminæ, ceu in matrimonio, quod Jure naturæ nihil aliud est, quam *pactum personarum diversi sexus* procreandæ educandæque sobilis causa initum. Ex quo ergo apparet, genuinum conjugii finem esse procreationem, commodamque sobolis educationem, quæ duo a se invicem separari nequeunt. Deus enim tanquam auctor generis humani non solum voluit, ut homines existant,

O 3

sed

sed & ut feliciter existant, proinde ut liberi non modo procreentur, sed & ita edacentur, ut in utilia humani generis membra adolescent. De hac materia legi merentur JOH. WOLFF *de sociate matrimoniali. Viteb.* JOH. BALTH. WERNHER *de obligatione matrimoniali secundum legem naturae. Lipsiae. 1698.* JOH. GERARDVS *de conjugio. Moy-*
ses AMYRALDI de jure naturae, quod connubia di-
rigit, disquisitiones VI. Stad. 1712. HENNING.
ARNISAEVS àe jure connubiorum, Argent. 1636.
JOH. JAC. BVRLEMAQVVS de matrimonio. Genev.
1731. SERVAAS van de COPPELLO *de conjugio in*
statu naturali. Lugd. Bat. 1743. CHR. GOTTL.
EHRENHAVS de matrimonio duarum feminarum, se-
xu masculino simulato, inito. Erford. 1729. JOH.
WILH. LANGIVS *de obligatione utriusque sexus*
ad matrimonium. Halæ. 1736. PETRVS SCHWEN-
NER *de matrimonio senum. Regiom. 1703.* JOH.
SAM. STRYCKIVS *de matrimonii jure & institutione.*
Halæ. 1707. Item *de fine matrimonii. Halæ. 1708.*
& 1739. L. B. de WOLZOGEN *de connubiis infan-*
tum. Jenæ. 1724.

§. LVI.

§. LVI.

Quum ergo finis matrimonii sit procreatio, commodaque Sobolis educatio (§. LXV.), consequens est, ut omne id, quod repugnat fini matrimonii, Jure naturæ sit prohibitum. Quare nemo non intelliget, omnem nefandam venerem, quæ potius tendit ad explendam libidinem, adeoque adulteria, & stupra, quæ cum summa aliorum injuria conjuncta sunt, omne lenocinium, nefandumque corporis quæstum juti naturæ adversari. Omnes enim hæ impurissimæ commixtiones procreationem sobilis pro scopo non habent, sed potius libidinem; quin immo sæpius ii, qui his libidinibus indulgent, hunc finem, quantum in ipsis est, impedire intendunt. Et licet finis ille subinde invitis parentibus obtineretur, tamèn alter finis, puta educatio, ob incertitudinem prolis certo certius negilitur. Huc spectat JOH. GOTTL.
a DVSSELDORF de adulterio legibus divinis & humaniis coercendo. JOH ANDR. GRAMLICHIVS *de moralitate concubitus.* Francof. 1716. JOH. GOTTL.
STOLTZE an concubitus sit tolerabilior polygamia. Lub. 1713. CHRIST. THOMASIVS *de concubinatu.* 1713. JOH. WOLF. JÆGER *Examen dissertationis cuius-*

*cujusdam Hallensis de concubinatu. Tubingæ. 1713.
HENR. BODINVS de conjugio illicito. Halæ. 1703.*

§. LXVII.

Quumque Πολυανδρία, quæ est *coniunctio unius fæminæ cum pluribus viris*, non minus fini matrimonii repugnet, nemo dubitabit, quin illa jure naturæ sit prohibita. Per hanc enim incerta redditur paterna prolis origo, eaque incertitudo commodam liberorum educationem quam maxime impedit. Verum major difficultas oritur circa Πολυγυνία (quæ est *coniunctio unius mariti cum pluribus uxoribus*), utrum illa jure naturæ sit licita? Hanc quæstionem, si accuratius perpendamus, eam affirmare nulli hæsitamus; præcipue quum ejusmodi conjugium nec procreationem sobolis impedit, nec prolem incertam reddat; quin immo ipse Dei populus hanc societatem cum pluribus uxoribus probavit; quod sane fieri non potuisset, si Societas illa juri naturæ repugnasset, quoniam jus naturæ immutabile esse (§. IV.), nec ullam recipere dispensationem (§. V.), jam demonstratum dedimus. Neque consensus uxoris necessarius est; hæc enim jus quæsitus habet

habet in corpus mariti , aliis tamen communi-
cabile. Circa hanc materiam varios enixi sunt
doctores partus ; præprimis tempore reforma-
tionis , quo magna animorum contentione hæc
controversia agitata fuit, ob PHILIPPI *Land-*
gravii Hassiae Πολυγαμίας prodibat HVLD. NEO-
BVLI *liber de digamia* , qui factum illud de-
fendebat , paullo post BERNARD. OCHINV , cui
se opposuit THEOD. BEZA *libro de polygamia* , &
Jo. GERADRVS *de conjugio (a)*, de quo videndus
PETR. BÆLIVS (b). Post bellum tricennale re-
cruduit quoque bellum hoc literarium, occasione
facti CAROLI LVDOVICI *Electoris Palatini* , qua
DAPHNÆVS ARCVARIVS in vulgus sparsit libellum
Germanice scriptum : *Betrachtung vom beil. Ehe-*
stand, Ehebrüch, Ehescheidung, und Vielweiber-
nebmung. Deinde polygamiæ patrocinium suscep-
pit WILLENBERGIVS *in dissertatione, de finibus Po-*
lygamiæ, habita Gedani. STRVVIUS (c) ait , disser-
tationem hanc esse prohibitam a senatu Gedanensi
& auctorem pariter ac respondentes a tribunali Pe-
tricoviensi fuisse ad rogum damnatos, quæ senten-
tia tamen executioni mandata non fuit. Tandem
causam hanc peroravit SINCERVS WAHRENBERGIVS
*) *in discursu politico de Polygamia* ; cui se op-
po-

posuit CHRIST. VIGILIS Germanus, *in dissertatione super polygamia simultanea. Germanopoli. 1673.*
 AVG. LEYSERVVS *in dissertatione de polygamia, quæ extat in meditationibus ad pandectas, specimine 587. GOTTL. GERH. TITIVS de polygamia, incestu, & divortio jure naturæ prohibitis. recus. Lipsiæ. 1720.* MELCH. ZEIDLERI *disquisitio de polygamia &c. Helmst. 1698.*

*) Quis vero sub nomine SINCERI WAHRENBERGH latitet, non satis expeditum est: GESENIVS existimat, PVFFENDORFIVM auctorem discursus politici de polygamia esse (d): SCHLVTERVS opinatur, Secretarium quendam comitis a KÖNIGSMARK fuisse (e); PVFFENDORFFIVS sub hoc nomine quendam Holmiæ doctorem medicum latere putat (f). Alii, & quidem vulgo hunc fœtum tribuant JOH. LYSERO (g). Verum & de hoc non satis constat. Certum quidem est, LYSERVM duplicum *de polygamia discursum* edidisse. Primum latine, sub nomine THEOPH. ALETHÆI. 1674, & *re-cusum Friburgi. 1676.* Alterum Germanice, sub nomine J. L. in forma colloquii inter Monogamum & Polygamum. 1676., quorum prior refutatus fuit a Jo. MVSÆO Theologo Jenensi, peculiari dissertatione. 1675. & a SEVER. WALTHERO SCHLVTERO Theologo Rostochiensi, postea concionatore aulico Danico in *Theologischen Gedancken von der Polygynie. Rostock. 1677.* Posterior sub examen vocatus fuit a GERH. FELTMANNO Juris-

Jurisconsulto Græningensi in tractatu Germanico de polygamia. Lipsiæ. 1677. Plures LYSERI adversarios recenset STRVVIVS (h), qui tandem publice e Suecia fuit expulsus, ejusque scripta a carnifice combusta sunt. Ast nihilo tamen secius aliud sparsit scriptum sub nomine *Polygamiæ triumphantis THEOPHILI ALETHÆI. Londini scanorum. 1682.*

- (a) §. CCVII. (b) Dicit. bift. & Critic. voc. OCHINVS. (c) Biblioth. Jurid. Cap. 13. §. 45. p. 584. confer. supplem. ad Biblioth. Lipenio Jenich. p. 326. voce polygamia. (d) Anonym. in Biblioth. Jur. Imp. Quadrip. cap. 1. pos. V. §. 6. (e) in Theologischen Gedancken von der Polygynie. pag. 63. (f) In dissert. epistolica, quam sub nom. Iosuæ Schuwartzii ad Sever. Wildschyffum 1688. script. (g) VINCENT. PLACCIVS Theatr. pseudonym. n. 97. 277. 2867. (h) In Biblioth. Jurid. c. 13. §. 45. p. 582.

§. LXVIII.

Præterea nec minoris difficultatis est & altera quæstio : an matrimonium jure naturæ *) sit indissoluble ? Enim vero, quum matrimonium sit pactum personarum diversi sexus procreandæ, educandæque sibolis causa initum (§. LXV.) ; adeoque mutuo consensu ineatur ; natura autem partii exigat, ut, sicuti illud mutuo consensu constituitur, ita & mutuo dissensu dissolvatur, nullum superesse potest dubium, quin dissolubilitas matrimoniī

monii juri naturæ non aduersetur, dummodo non tendat contra finem matrimonii (§. LXVI.) ; id quod tunc contigere potest, quando liberi nec-dum sunt plene educati; quin immo subinde ipsa æquitas suadet, ut matrimonium, licet liberi nec-dum sint educati, etiam dissensu unius dissolva-tur ; veluti, si intolerabiles alterutrius conjugis mores hunc finem magis impedirent, vel aliæ ju-stæ ac sufficietes causæ adessent ; quales sunt adulterium ab uxore commissum, aut malitiosa de-sertio , aut in genere omnes , quæ impedimento sunt, quo minus finis matrimonii obtineri possit. De divortio & repudio egit WERNHER *de repu-diorum causis, præsertim dubiis secundum jus natu-ræ.* Lips. 1693. GOTTF. LVDW. MENCKEN *sana de jure Principis Evangelici circa divortia doctrina.* Viteb. 1719. JOAN. FRID. KAYSER *fundamenta do-trinæ de divortiis, opposita dissertationi Vitenber-genſi, sub titulo, sana de jure principis Evangelici circa divortia doctrina.* Halæ. 1721. Ejusd. *de jure Principis Evangelici circa divortia, sub præsidio,* J. H. Bæbmeri Halæ. 1715. & 1720. Huic se se op-posituit JOH. MICH. LANGIVS *gründlicher Beweis,* das Divortia jure naturæ verbotten sind, und nur erst nach dem Sünden - Fall im Kläglichen sta-

statu legali ibren Platz bekommen haben, entgegen gesetzt der sub-præsidio J. H. BÖHMERI gebaltenen dissertation de jure principis Evangelici circa divortia. Berlin. JOAN. FRIDERIC. KAYSERS abgenötigter gegen Beweis, das die Ehescheidung in den Natürlichen und geoffenbarten göttlichen Recht nicht gänzlich verbotten &c. wider Herrn LANGEN so genannten gründlichen Beweis &c. Halæ. JOAN. MICH. LANGIVS Göttlich triumphirende Wahrheit seines gründlichen Beweises, das die divortia jure naturæ verbotten sind &c. wider Herrn Kaysers so genannten abgenötigten Gegenbeweis, das die Ehescheidungen in dem Natürlichen und geoffenbarten göttlichen Rechte nicht gänzlich verboten sind &c. Berl. Idem defendit G. G. TITIVS de polygamia, incestu & divortio jure naturæ prohibitis. recus. Lips. 1720. Varia quoque scripta edidit Jo. MILTONVS circa divortia, & ni fallor eum in finem, ut proprium defenderet factum, sex enim repudiavit uxores (a). Scripsit is Tetrachordon or an exposition of the 4. Chief places of scripture concerning Marriage and divorce. London. 1645. Of the doctrine and discipline of divorce in 2. Books. London. 1644. cui quum opponeretur ANSWER to Milton's doctrine and discipline of divorce. London. 1644., re-

posuit MILTONVS *Colasterion, or a Reply to a nameless ANSWER against the doctrine and discipline of divorce.* London. 1645.

*). Quemadmodum divortium jure naturæ permisum esse asseruimus, ita & Jure divino positivo prohibitum, sacrae paginae clare indicant (b). Nec hoc involvit contradictionem, quoniam id, quod jure divino naturali permisum est, jure divino positivo aut præceptum, aut prohibitum esse potest. Unde errat HEINECCIVS (c) una cum reliquis Scriptoribus Protestanticis, qui divortium jure divino positivo ob adulterium & malitiosam desertionem justum esse existimant. Hoc defendit JACOB. VAN DER VELDEN *de divortiis secundum sententiam protestantium.* Heid. 1719. JO. BALTH. WERNHER *de divortio ex nulla alia causa,* quam adulterii, concedendo. Vitеб. 1719. AND. DE BYE *de divortiis & repudiis.* Lugd. Bat. 1720. JOH. JACOB. a RVSSEL *de nullis aliis divortii causis,* præter illas in sacris literis indicatas, in republica christiana admittendis. Lipsiæ. 1682. JOH. WOLFG. TRIERI *dissertatio ad legem Evangelicam de divortiis.* Francof. 1738. Opusculum paradoxarum opinionum plenissimum (d) JOH. FRID. KAYSER *de divortio totali, seu quoad vinculum lege Evangelii licito.* Gieffæ. 1740. DAN. THEOD. VAN STAMEL *de justis divortiorum causis.* Ultr. 1741. JO. SCHILTERI *bistoria juris circa dogma Ecclesiae Christianæ de dissolutione matrimonii quoad vinculum.* Argent. 1687. *Anonymi cuiusdam gründliches Bedencken von Ehescheidungen, deren Art und Unterschied, auch denen Ursachen*

sachen, um welcher willen die Ebescheidung von der hohen Obrigkeit und denen Rechts-Collegiis verstatteet und erkandt werden könne. JOH. LAUR. HOLDERRIEDER, *an judaica infidelitas post conversionem alterutrius conjugum ad fidem christianam in republica christianorum sit justa causa divorcii. Lipsia. 1740.*

- (a) *Anonymus in Biblioteca Jur. imper. quadripart. Cap. II. pof. IV. §. 13. n.* (b) *Math. XIX. Corinth. VII. 2.* (c) *Element. Jur. nat. & gent. Lib. II. cap. II. §. XLIX.* (d) *confer. supplem. ad bilioth. Lipenio-Jenich. pag. 109.*

§. LXIX.

Cöterum ex his jam allatis facile licet judicare de quæstione: utrum jure naturæ & cognatio & adfinitas matrimonium impedit? Nam, cum jure naturæ omne id permissum est, quod fini matrimonii non repugnat, merito colligimus, has conjunctiones juri naturæ haud adversari. Et quidem quod attinet linea collateralem, eo minus dubii habet, quoniam alias totum genus humanum ex incestu natum fuisset. Ex eodem principio sequitur, ut nec in linea recta (nisi in primo gradu, ceu inter parentes & liberos) matrimonium sit prohibitum. Nam licet matrimonium parentes inter & liberos non repugnet fini matrimonii, tamen certo certius adverfatur alteri obligacioni

ni

ni naturali, scilicet reverentiæ parentibus ab ipsa natura debitæ. Crebra enim ac continua familiaritas, quæ inter conjuges intercedit, præbet præsentissimum periculum violandi obligationem naturalem, quæ in reverentia, obedientia, & obsequio consistit. Accedit & altera ratio in unitate carnis fundata, quæ inter reliquos ascendentes & descendentes cessare, unusquisque intelliget. Hanc materiam solide excusſit CHRIST. LÖBER *de legibus naturæ secundariis ad leges matrimoniales de incestu, commentatio, Jenæ. 1702.* GOTTL. GERH. TITIVS (§: LXVII.) AVG. LEYSERVUS *in meditationibus ad pandectas, specimine DLXXXVI.* JOH. SCHVLTZ *de eo, quod non vetat lex, vetat fieri pudor in matrimonio constituendo, Gedani. 1690.* JOH. WOLFG. TRIER *de pudore naturali in contrahendis matrimoniis inspiciendo. Francof. 1737.* *De incestu juris gentium, ad cap. 18. Levit. auctore T. H. C. A. D. GOTHOF. VOLARD leges connubii, Levit. 18. ex jure Gentium. Lipsiæ. 1705.* ERN. AVG. BERTLINGIVS *de gradibus prohibitis secundum jus naturæ. Jenæ. 1743.* JOH. MICH. LANGIVS *de nuptiis per jus naturæ divinum, Ecclesiasticumve prohibitis. Altd. 1709.* Item *de nuptiis ob affinitatem in linea recta controversis. ibid. 1709.*

ELIE

ELIÆ SCHNEEGASSII *Diatriba de conjugio jure naturæ, & lege divina probibito privigni cum privigna, duorum fratrum cum duabus sororibus, patris & filii cum matre & filia inter vitricum & viduam a privigno relictam, inter viduum relictum a defuncta privigna & defunctæ privignæ novercam.*
Rost. 1693.

§. LXX.

Denique officia conjugum alia sunt vel COMMUNIA, quæ partim ex natura pacti, partim ex ipso matrimonii fine fluunt. Alia vel PROPRIA, & quidem *mariti* sunt, diligere uxorem, hoc enim requirit arcta societas: eandem nutrire, regere, ac defendere. Officia vero *uxoris* sunt, maritum amare, eumque honorare, nec non prærogativam quandam concedere, sine qua finis matrimonii, puta: procreatio commodaque sobolis educatio obtineri nequit, quoniam sæpius contingere potest, ut in eligendis mediis quam maxime dissentirent. Quum enim immemoriali experientia constat, sexum masculinum plerumque constantiorem prudentioremque esse, recta sane ratio dictat, huic prærogativam non esse denegandam. Quia vero hæc

Q

Præ-

prærogativa marito ob præstantiam sexus competens jure naturæ non est præcepta, non dubitamus, quin fieri possit, ut uxor societatem matrimonialem ineuns sibi ob justas causas hanc prærogativam reservaret, veluti si regina privato nubaret. Omnia illa solidissime fusiusque deduxit doctissimus Jo. PHIL. PALTHENIVS *singulari dissertatione de Reginæ marito. Gryphsw.* 1707. JOH. DAV. SCHWERTNER *de marito fæminæ imperantis cum subdito. Lipsiæ.* 1686. GERH. FELDMANN *de impari matrimonio, Brem.* 1691. HENRIC. COCCEJVS *de conjugio inæquali personarum illustrium. Heidelbergæ.* 1681. & 1704. GOTTFR. VID. MÖHRING *de commubiis principum. Viteb.* 1702.

*) Officia, quæ ex natura pacti fluunt, consistunt in eo, ut conjuges communem fortunam participant, communèque infortunium æque animo ferant, tanquam socii omnis vitæ; ut rem familiarem communi consilio administrant, omniaque bona, & jura, quæ ad societatem pertinent, communia habeant; ut alter alteri mutuum adjutorium præstet. Officia vero, quæ ex fine matrimonii resultant, sunt, ut conjuges liberos æquali amore prosequantur; ut æqualem liberorum curam ac sollicitudinem habeant, & ne unius utilitatem, quam alterius magis promoteant; ut invicem cohabitent, quia æqualiter ad procreationem educationemque

que obstricti sunt; ut mutuam castitatem obseruent, quæ non minus ab uxore, quam a marito violari potest: licet non negamus, violationem castitatis ob prolis incertitudinem esse detestabiliorem in uxore, quam in viro, magisque fini matrimonii repugnare. Quare recte ait CHRYSOSTOMVS (a): „in aliis sit præ-, „rogativa viri, non in pudicitia: „Et GREGORIVS NAZIANZENVS (b): „quo jure exigis, quod non re-, „pendis? Hanc materiam speciali dissertatione illustravit HIERON. GVNDLING, *an major a feminis, quam a viris, castitas requiratur?* Halæ. 1717. JACOB. ANT. JACOBI *diss. de fide uxoris erga maritum.* Lipsæ. 1715.

(a) bomil. XIX. in 1. Cor. VII. (b) LACTANTIVS *Inst. div. VI.* 3.
HIERONYMVS ad Ocean. & can. 20. Caus. XXXII. quest. X.

§. LXXI.

Progredimur nunc ad societatem MEDIAM, tenu compositam, quæ consistit ex Patre & Matre-familias, liberis atque servis. Quum ergo ex coniunctione maris & fœminæ plerumque nascantur liberi; nascitur quoque & nova societas parentes inter & liberos, cuius finis alius non est, quam commoda liberorum educatio. Quoniam vero liberi adhuc infantes a natura iis viribus nondum prædicti sunt; ut sibi ipsis de alimentis prospicere, aut actiones suas ad normam rectæ rationis dirige-

Q 2

re

re queant, ipsa sane natura nulli alii magis, quam parentibus, cum quibus unam carnem constituunt (§. LXIX.), curam liberorum demandavit, (a) quæ, quum sine directione, directione sine potestate, consistere non possit; consequitur, ut parentibus, quippe qui æqualiter ad educationem concurrere debent, competit POTESTAS in liberos, per quam nihil aliud intelligimus, quam *jus dirigendi actiones liberorum* (*). Ex hoc itaque appareat, originem potestatis parentum, qua jure naturæ in liberos utuntur, male ab HOBBE-SIO (b) ex occupatione, & a PVFFENDORFIO (c) ex præsumpto liberorum consensu derivari. Hanc materiam fusius deduxit JOH. JOACH. ZENTGRAVIUS *de parentum imperio, ejusque juribus, Argent.* 1695. JOH. EB. ROESLER *de imperio parentum in liberos, Tubingæ. 1718.* JOH. BALTH. WERNHER *de jure parentum & liberorum secundum legem naturæ. Lips. 1698.* NIC. CHR. LYNCKERI *disput. de potestate matris in liberos. Jenæ. 1688.* FRID. LVD. HÜNEFELD *de potestate parentum circa religionem liberorum. Jenæ. LVD. CHRIST. CREILL de libero- rum proprietate e causis naturalibus & moralibus dijudicanda. Lips. 1706.* EMAN. BRANDMULLER *de patricæ potestatis origine, progressu, & meta,*
Ba-

Basil. 1973. CARL. ANDR. CHRISTIANI Gedanken von dem Unterschied des Natürlichen und Römischen Bürgerrechts in Ansehung des Väterlichen Gewalts. Königsbürg. 1740. ANDR. van SWIETEN de patria potestate. Lugd. Bat 1737. NIC. EINERT de Imperio uxoris in familia. Lipsiæ. 1684. GOTTH. EHRENR. BECKERVS de fundamento juris patrii. Lips. 1686. JOH. MATTH. de CRANE de jure parentum in liberos. Lugd. Bat. 1732. JOH. DAV. ELLRODIVS de imperio parentum in liberos. Erlang. 1730. GOTTFR. REIN. KOESELIVS de iis, quæ patriam potestatem fundant. Lips. 1732.

*) Quemadmodum parentum potestas est jus dirigendi actiones liberorum , ita facile patet, parentibus ea omnia competere, sine quibus liberorum actiones, ad finem hujus societatis obtinendum, dirigere nequeunt ; ac proinde quivis parentibus tribuet jus præscribendi liberis, quæ fini hujus societatis conveniunt, prohibendi, quæ eidem adversantur ; nec non liberos immorigeros puniendi, castigandi , & ad meliorem vitam cogendi , quod tamen jus pro ratione status, dignitatis , familie, & præcipue ætatis, teste celeb. GROOTIO (d) & PVENDORFIO (e) decrescit. Præterea quum finis hujus societatis non exigat jus viræ & necis in liberos, nec jus liberos venumdandi, aut noxæ dandi, facile est ad existimandum, parentibus hæc jura esse deneganda. De hac quæstione egit JOH. SCHMIDT , an parentibus liberos

Q 3

suos

suos vendere liceat? Lipsiae. 1698. AHASV. FRITSCHÉ
de peccatis parentum & liberorum. JOH. DAVID.
 SCHWERTNER, *utrum parentes liberos suos efficaciter de-*
stinare possint ad certum vitæ genus? Lipsiae. 1686. AL.
 GOTVS a SCARIN *de terminis patriæ potestatis.* Aboæ. 1732.
 ERNEST. AVG. BERTLINGIUS *de jure parentum in liberis*
secundum leges cogentes. Göttingæ. 1744.

(a) *Nostr. disquisit. II. ex J. P. U. de Majest. temp. interreg.*,
 §. 5. *Nostr. disquisit. I. de Analog. Jur. Germ. Civ. Comm.*
cum jure provincial. Aust. Hung. Bohemic. Morav. & Tirol.
quoad tutelam. (b) *de cive IX. 3:* (c) *de jur. nat. & gent.*
Lib. VI. cap. II. §. 4. (d) *De Jur. bell. & pac. Lib. II.*
cap. 11. §. 2. (e) *Jur. nat. & gent. Lib. VI. cap. 11. §. 7.*
 & seq.

§. LXXII.

Atque hæc de parentum in liberos potestate
 sufficient. Consideramus porro officia parentum
 erga liberos, & liberorum erga parentes, quæ
 itidem ex fine hujus societatis, scilicet ex commo-
 da liberorum procreatorum educatione promana-
 re, nemo non animadvertis. Ex quo colligi-
 mus, officia parentum erga liberos, non modo
 consistere in conservatione liberorum, sed & in
 promovenda eorum utilitate atque felicitate (a).
 Id enim exigit ipsa educatio, quæ nihil aliud est,
 quam *cura parentum, qua liberos procreatōs & con-*
servare, & eorum felicitatem perfectionemque omni,

qno

quò possunt, modo augere oportet. Quare ergo parentes liberis alimenta (*), victum & amictum pro conditione sua præstare, eorumque sanitatem curare, integritatem corporis ac membrorum conservare, illosque a luxu, lascivia, omnibusque aliis vitiis, quæ vires corporis animique ante tempus destruunt, coercere tenentur. Nec minus parentes vi educationis obstricti sunt, ad perficiendum liberorum intellectum, ut boni verique cognitionem accipient: ad præcepta sapientiæ rerumque divinarum ac humanarum scientiam a primis incunabulis instillanda, vel ad præficiendos idoneos instructores, qui hoc officium sibi delegatum suscipiunt, quo tamen casu suprema cura ac inspectio a parentibus est inseparabilis. Præterea necesse habent parentes, liberorum voluntates ita emendare, ut, quantum possibile est, adipent bonum vere tale, oppositumque adversentur: adeoque omnia vitia, omnesque irrationabiles voluptates, ambitionem, calliditatem, avaritiam &c. summo persequantur odio. Extat hanc in rem incomparabilis dissertatio FRID. KETELSON *de officio parentum in liberos.* JOH. PHILIP. WANKEL *de officio parentum in liberos.* Lipsiæ. 1689. JOH. EVCHELIVS *de jure naturæ, quo pater*

pater filiis est obligatus. Helmst. 1655. Graviter quoque hæc præcepta parentibus inculcat PLVTARCHVS aureo illo libello *de institutione liborum.* JOH. JAC. KOLBIUS *de idea boni parentis,* seu *obligatione parentum erga liberos.* Marp. 1698. CARL. MATTH. DÆGENER *de æquali parentum auxilio.* Lipsiæ. 1723. WILH. CRAS *de alendis liberis.* Lugd. Batav. 1735. JOH. WILH. LANGIVS *de obligatione educandi sobolem.* Halæ. 1736.

*) Quum parentes ad alimenta liberis præstanta jure naturæ obstricti sint, prima autem alimenta consistant in lactis instillatione, merito concludimus, ad hanc jure naturæ matrem obligatam esse. Ipsa enim natura, quæ uberrimum illum fontem tam diu suppeditat, donec infans solidiorem cibum sumere possit, matrem hoc officium admonet. Quare matres contra officium tam proprium, quam commune agere, nulli dubitamus, si vel commoditatis suæ, aut formæ servandæ causa infantibus hoc nectar denegant; id quod ipſi pagani (b) ductu folius rationis agnoverunt, varisque argumentis comprobarunt. Neque suo officio ab ipsa natura imposito satisfacit mater, quæ hanc operam nutriculis delegant, quoniam teste experientia særifissime mores, morbi, omniaque nutriculæ vitia una cum lacte instillantur, atque ab infantulis imbibuntur. Hanc obligationem ex professo ostendit JOH. FRID. COLLING *de obligatione matrum proprio lacte alendi liberos.*

Lipsiæ.

Lipsiae. 1709. De Aliud opusculum extat sub titulo: *de indecoro virorum obſtetricandi officio, & de obligatione matrum lactandi infantes proprios, qua occaſione per ratio-nes physiscas morales & medicas demonstratur, nec propriam matrum, nec infantum vitam periclitari, si puerperæ vi-rorum obſtetricantium & fæminarum nutritum auxilio vale-dicant. Paris. 1708.*

(a) SENECA de benefic. III. 31. (b) PLVTARCHVS de educat. Lib-ber. p. 3. GELLIVS Noſt. Att. XII. 1.

§. LXXIII.

Hisce officiis e diametro oppositum est omne id, quod educationi liberorum repugnat, quæ cum consistat in eorum conservatione perfectio-neque (§ LXXII), facile ratio reddi potest, cur contra officia, quæ a parentibus ipsa natura exigit, non solum peccent illi, qui omni humanitate exuti abortum procurant, aut qui parentum nomine indigi-ni infantulos exponunt, aut alimenta iis neceſſaria denegant, aut iis bona paterna, sine justa cauſa exheredando, auferunt: Verum etiam ii, qui culturam animi, id est, intellectus & voluntatis ne-gligunt, aut liberis scandalum præbent, aut quod magis abominandum est, eis quid mali præcipiunt, ad scelera invitant, aut quæstum cum illis exer-cent

R

cent

cent &c. Huc summa cum utilitate conferri possunt sequentes dissertationes: JOH. FRID. WVCHE-RER *de moralitate abortus*. Jenæ. 1712. JOH. CPH. FRAVENDORF *de iniqua liberorum expositione*. Lips. 1692. DIET. GOTTH. ECKART *an & in quantum jure naturæ parentes obligentur ad bæreditatem liberis post obitum relinquendum?* Lips. 1710. *Untersuchung nach dem Rechte der Natur, wie weit ein Fürst Macbt habe, seinen erstgeborenen Prinzen von der Nachfolge in der Regierung auszuschließen.* Jen. 1718. AHASV. FRITSCHE *de peccatis parentum & liberorum.* 1685. JOH. CPH. FALCKNER *de injuria parentum erga liberos*, Jenæ. 1680.

§. LXXIV.

Quod vero ad officia liberorum erga parentes attinet, ea facile ex ipsa societatis hujus indole ac natura intelligi possunt. Etenim quum societas illa sit inæqualis, parentibusque competit jus dirigendi actiones liberorum (§. LXXI.), consequens est, ut liberi parentes tanquam superiores agnoscere debeant; ac proinde liberi jure naturæ obstricti sint ad omnia reverentiæ officia parentibus, factis, verbis, gestibus exhibenda, non solum

lum tanquam vitæ nostræ auctoribus, sed & ut ætate majoribus; quin imo ut superioribus, a quibus necessario dependent vinculo ab ipsa natura contracto. Porro liberi tenentur parentibus in omnibus, quæ Dei legibus non sunt contraria (*a*), obedire: id enim exigit jus dirigendi, quoniam directio actionum & obsequium sunt duo correlata, quo uno posito & alterum ponatur, necesse est. Nec non eorum nævos tolerare, vitiadissimulare, aut si quid durius in liberos sœvirent, æquo animo perferre, nam & mali parentes, parentes tamen sunt, & uti SIMPLICIVS (*b*) dicit: existentia nostræ post Deum auctores. Nullum negotium alicujus momenti aggredi sine consensu eorum, præcipue nuptias contrahere. Parentum famam, quam fieri potest, tueri, eorum curam præsertim in decrepita ætate sollicite fuscipere; id quod tot tantaque beneficia in liberos collata exposcunt. De officiis liberorum erga parentes agit DAN. FRID. GERDESEN *de naturali obligatioue liborum erga parentes*. Altorff. 1710. CHRIST DONAT *de jure naturæ, quod obtinet inter parentes & liberos*. Viteb. 1672. GE PAVL. ROETENBECCIVS, *an aliquando liberi majora beneficia dare parentibus suis possint, quam acceperint?* Altorff. 1690. HEN.

OELMANN *de necessitate & honestate consensus parentum ad nuptias a liberis contrabendas Regiom.*
 1710. JOH. AVG. OLEARIVS *an liberis extra periculum constitutis pro vita parentum mortem oppetere liceat?* Lips. 1695. AVG. LEYSER *de reverentia parentibus debita.* Helmst. 1713. JOH. GOTTL. de HACKEMANN *Antipelargia, seu perfecta parentes conservandi obligatio.* Helmst. 1739.

*) Præter officia parentum erga liberos, & liberorum erga parentes, dantur quoque mutua officia, ad quæ tam parentes, quam liberi æqualiter adstriguntur. Ad hæc officia pertinet *mutuus amor*, qui inter parentes & liberos intercedit, puta *naturalis*, a quo differt amor devotionis. *Mutua successio*, quam natura non modo liberis largitur, sed & parentibus, si liberi turbato mortalitatis ordine ante eos deceserint. *Mutua alimentorum præstatio*, quæ, quum parentes liberis a primis incunabilis usque dum sibi ipsis de alimentis prospicere potuerint, suppeditaverint, non sine summa injuria parentibus denegari possunt. *Mutua cura*, præsertim si parentes essent ægroti, aut ejus statis, ut nec sibi, nec suis rebus præesse possent. De mutuis parentum & liberorum officiis tractavit CONRAD. BOETNER *de mutuo parentum & liberorum affectu.* Lipsia. 1709. CAR. GOTTFR. IRTIG *de obligatione reciproca parentum & liberorum ad alimenta præstanda.* Lipsia. 1709. LVDER. SCHLEE-

PIVS

PIVS de præstationibus parentum & liberorum ex officia &
affetu pietatis. Trajectis 1701. CAROL. LVNDIVS de
jure parentum & liberorum, officiisque mutuis. Upsalice.
1704. GABR. HARTMANN libra æquitatis ad pendenda
parentum & liberorum officia. Aboæ. 1703.

§. LXXV.

Ad societatem medium, seu compositam ultimato spectat societas HERILIS, que est *conventio inter dominum dominante & servos ac ancillas, vi cuius bi ad domini utilitatem operis suis promovendam, illi ad bos alendos, immo & aliquando ad certam mercedem præstandam obligantur.* Ex hac definitione adparet, servos alios esse MERCENARIOS, quando dominus non tantum alimenta, sed insuper certam mercedem pro operis præstat: alios OBNOXIOS (*), quando tantum alimenta a domino eis præbentur. Inter utrosque magnum intercedit discriben: a servo mercenario enim dominus plus exigere non potest, quam is promisit, adeoque norma est ipse contractus locationis conductionis. In servos vero obnoxios Domino competit omnimoda & absoluta potestas. His igitur positis, facile intelligitur, quænam sint in

hac societate dominorum & servorum officia? quod enim ad servos mercenarios attinet, quum illi ex locato obligentur, facile est colligendum, domino in hos majorem potestatem non competere; quam ut operas sibi locatas accurate præstet, ad eoque non habet jus puniendi; sed si valde negligens foret, potest illum dimittere vel mulctare. De super legi metentur FERD. HARPRECHT *de jure domesticis, Tubingæ.* SAM. STRYCK. *de jure domesticorum. Francof.* 1672.

*) Servitutem juri naturali repugnare , varii opinarunt. Verum , si rem penitus consideremus , eam juri naturæ nullatenus refragari , existimamus , quin immo ipsa natura nos sæpius cogit ad serviendum , si v. g. quis nihil haberet ad vivendum , aut a natura adeo stupidus esset, ut propriis viribus panem sibi adquirere non posset , aut si quis in bælo esset captus &c. Servitutem jure naturæ licitam esse ex industria ostendit JOH. HENSELIUS *de servitute naturali, num jure natura sit licita?* Lipsæ. 1692. JOH. MICH. TEVTSCHER *de statu servorum jure naturæ lictio.* Lipsæ. 1722. JOH. PAVL. FELWINGER *de servo naturali.* Altorf. 1678. VALENT. ALBERTI *de servitute naturali.* Lipsæ. 1684.

§. LXXVI.

§. LXXVI.

Quum Dominus in servos obnoxios omnimodam & absolutam exerceat potestatem (§. LXXV.), facile est ad intelligendum, cur dominus ab eis quascunque operas exigere possit, easque etiam aliis pro libitu locare. Nec minus exinde Domino competit potestas, tales servos alienandi, vendendi, donandi, aut quocunque modo in alium transferendi, eosque castigandi tanquam immorigeros, quin immo, si necessitas exigeret, morte puniendi. Dominus tamen debet illos tractare ut homines, adeoque summam committeret injuriam, si sine ulla justa causa vellet in corpus servorum fævire; quum sint æque homines ac dominus, iisdemque partibus essentialibus constent. Obligatio domini consistit in eo, ut servo præstet alimenta; servi vero obligatio, ut non tantum operas præstet, sed & domino reverentiam, honorem, & obsequium exhibeat; est enim societas *inæqualis & rectoria*. Potestatem domini in servos obnoxios solide nobis exhibit VESAL. MOBACHIVS *in dissert. de dominica potestate. Lugd. Bat. 1720.* GOEHVSII *disput. de modis dominicam potestatem constituendi & dissolvendi. Jenæ. JACOB. HENRIC.*

OHLII

OHLII *dissert. de patriæ & dominicæ potestatis differentiis, observationes Viro clariss.* GEORG. D'ARNAUD *imprimis oppositæ Regiom.* 1740. TITI a POPMA *de operis servorum librorum. Coloniae* 1608.

§. LXXVII.

Restat denique MAGNA Societas, quæ consistit in civitate (§. LXV.), cuius contemplatio quam pertineat ad jus publicum universale, eam in præsentiarum non attingemus, sed coronidis loco addimus scriptores, qui singula fere capita aurei GROTIANI operis *de jure belli & pacis* dissertationibus illustrarunt. Ad prolegomena Grotiani operis JAC. SCHATTERVS *de natura virtutis. Argentor.* 1649. *Ad lib. I. cap. I.* §. 12. BERN. WAGNERVS *de consensu gentium, ejusque usu in cognoscendo jure Naturæ. Viteb.* 1680. *Ad lib. I. cap. III.* BERNH. SCHVLTZEN *de summo Imperio. Rintelii.* 1654. *Ad lib. I. cap. IV.* §. 3. ERN. SAM. CYPRIAN *de jure regio. Helmst.* 1699. *Ad lib. III. cap. I.* JOH. JACOB. MULLER *de occisione furis nocturni. Jenæ.* 1697. *Ad lib. II. cap. II.* §. 13. Idem MULLERVS *de jure transitus per alterius territorium. Jenæ.* 1697. *Ad lib. II. cap. IV.* JOH. WERL-

WERLHOF *Vindiciæ dogmatis Grotiani de præscriptione inter gentes liberas contra PETRVM PVTEANVM* 1696. *Ad lib. II. cap. V. §. 1.* JOH. JOACH. ZENTGRAV *de Imperio parentum in liberos ejusque juribus. Argentorati.* 1695. *Ad lib. II. cap. VIII.* JOH. GEORG. SIMON *Collatio Justinianni cum Grotio supra acquirendo rerum dominio. Hale.* 1695. *Ad lib. II. cap. X.* NIC. CHRISTOPH. LYNCKER *Lapsuum Grotianorum specimen. Jenæ.* 1688. *Ad lib. II. cap. XII. §. 26.* JOH. GEORG. KVLPIS *de circumventione in contractibus licita. Swobaci.* 1688. *Ad lib. II. cap. XV. §. 8.* JOH. AD. OSIANDER *de moralitate fœderum cum infidelibus initorum. Tubingæ.* 1737. *Ad lib. II. cap. XV. §. 16.* CHRIST. THOMASIVS *de sponsione Caudina atque Numantina. Lipsiæ.* 1684. *Ad lib. II. cap. XVII. §. 21.* JOH AVG. von dem BVSCHE *Dominum ex facto animalis præter culpam non obligari. Lipsiæ.* 1739. *Ad lib. II. cap. XVIII. §. 3. n. 2.* JOAN. CHPH. DQRN *de ea, quod justum est circa legationes assiduas. Jenæ.* 1716. *Ad lib. II. cap. XXI.* JOH. JAC. MULLER *de obligatione subditorum ex delicto summae potestatis. Jenæ.* 1689. *Ad lib. III. cap. III. §. 3.* EJUSD. *de jure faciali. Jenæ.* 1693. *Ad lib. III. cap. IV. §. 10. & cap. XI.*

XI. §. 13. JOH. JOACH. ZENTGRAV *de cæde hostiis
um captivorum. Argentorati.* 1693. *Ad lib. III.
cap. IV.* §. 15. JOH. JAC. MULLER *de armis in
bello illicitis. Item Ad lib. III. cap. XX. §. 31. quid
in hostem aqua liceat. Argentorati.* 1657. *Ad lib.
III. cap. XXII.* JOH. GEORG. SIMON *de fide mi-
norum potestatum in bello. Jenæ.* 1675.

ERRATA EXTANTIORA.

Pag.	Linea.	Loco.	Lege.
In præfat. 3.	II	commendati.	commentati.
4	2	Singulos.	Singulas.
13	12	interna	externa.
28	4	excogitarunt	excogitarint.
36	7	FEHELON	FENELON.
47	11	<i>avtakapia</i>	<i>avtakapia</i>
51	10	conscientiæ	conscientia.
53	5	Dyellum	Duellum.
58	7	mor-	mortuis.
58	19	naturæ	natura.
79	1	Aterum	Alterum.
86	17	nullo.	nulli.
88	21	pacticiæ	pactitiae.
98	6	privata	privato.
99	16	consentite	consentire.
101	17	meture	metuve.
109	10	compositorum	compositorum.
109	14	sobilis	sobolis.
122	17	æque	æquo.



LECTORI S. P. D.

JOSEPHVS LEONARDVS BANNIZA,
JVRIS VNIVERSI DOCTOR.



ausam, hoc opusculum in
publicam emitendi lu-
cem, Tibi Benevole Le-
ctor! paucis exponam.
Non equidem negamus,
infinita propemodum extare juris Na-
turalis Systemata, ut cuique, aut su-

2) per-

pervacaneum in nos suscepisse laborem,
aut aliorum expilasse libros, videamur.
Verum enim vero, ubi opusculum no-
strum inspexeris, de illo, & navata
nostra opera benigniore feres senten-
tiam. Nemo certe exhibebit nobis ju-
risprudentiam Naturalem quoad sin-
gulas materias dissertationibus illustra-
tam. Atque in eo potissimum se osten-
dit utilitas hujus libelli, quod in prom-
ptu quis habeat eorum scriptorum no-
titiam, in quibus materia quæcunque
peculiariter pertractatur. Scripta a
nobis allegata non sine labore ex variis
libris conquisivimus; præcipue ex Bi-
bliotheca LIPIENIO-JENICHIANA, STRY-
VIANA, GLAFEYANA, MEISTERIANA aliis-
que. Evolvimus quoque acta erudi-
torum Lipsiensia, nova literaria maris
Balthici, acta Juris-Consultorum, Ju-
ristischen Bücher-Saal, allerneuesten Nach-
rich-

*richten von Juristischen Büchern, & dia-
ria litteraria plura.*

Authores dissertationum, quas ad-
duximus, plurimi sunt Protestantici;
non sumus tamen adeo peregrini & ho-
spites in historia literaria, ut nesciamus,
quantum a SS. Patribus, nec non a
scholaisticis Doctoribus hac in materia
præstitum fuerit, aut quot insignes viri
ex Catholice integra Juris Naturæ &
Gentium Systemata commendati sint,
quide libris edendis fueremagis solliciti,
quam de specialibus quæstionibus, aut
particularibus materiis sigillatim dedu-
cendis.

Coeterum non sistimus hic Juris
prudentiæ Naturalis omnibus numeris
absolutum Systema; sed scopus nobis
præfixus eo unice collineat, ut libelli

X 3 no-

nostri singulos Paragraphos, notasque
singulos dissertationibus, & opusculis
haec tenus evulgatis illustremus. Vale,
mihi que fave.

*Dabam Vindobonæ
ipsis Idibus Septembris
CICLOCCCLXII.*

DELINEATIO
JVRISPRVDENTIAE
NATVRALIS,
DISSERTATIONIBVS,

QVÆ
DE SINGVLIS MATERIIS PRODIERE,

ILLVSTRATA:
CVI SVBJVNCTÆ SVNT

POSITIONES

EX

VNIVERSIS PARTIBVS PANDECTARVM
POSTERIORIBVS,

QVAS

PRAENOBILIS DOMINVS

JOSEPHVS SENSEL,

AVSTRIACVS VIENNENSIS

PUBLICE PROPVGNABIT

IN AVDITORIO JVRIDICO.

Ad diem 7^{em} Septembris Hora 4^a.

Anno M. DCC. LXII.

VINDOBONÆ,

TYPIS GEORGII LVDOVICI SCHVLZII, Typographi
Academici.

DISPUTATIO FINALIS
EX
PARTIBVS PANDECTARVM,
POSTERIORIBVS.

I.

De Adventitio peculio filius fam. ne quidem eo casu testari potest, quando plenum ejus habet dominium; quamvis de iis inter vivos disponendi libera filio fam. majori XXV. annis facultas concessa sit.

II.

Ut Testamentum solenne Nuncupativum rete fiat, requiritur, ut testator coram septem testibus idoneis, specialiter rogatis, simul praesentibus, ac testatorem videntibus, atque intelligentibus, unico contextu, voluntatem viva voce declaret.

III.

Quod si vero vel una dictarum solennitatum omissa sit, Testamentum (ut pote non jure factum)

ctum) in utroque foro nullum producit effectum.
L. 21. C. qui test. facere poss.

IV.

Mater, vel Avus maternus necesse non ha-
bent liberos suos heredes instituere, vel exhere-
dere, sed possunt eos silentio omittere; nam silen-
tium Matris, & Avi Materni tantum facit, quan-
tum exhereditatio patris. Quod per *Nov. 115. c. 3.*
mutatum non videtur.

V.

In institutione *pura duo tantum* sunt *tempora extrema*, quibus heres capax esse debet, facti
scil. testamenti, & mortis testatoris; & *unum me- dium*, quo mutatio juris non nocet; Tempus
enim *aditæ hereditatis*, hic diversum a tempore
mortis concipi nequit; quia si vel uno momento
post mortem testatoris incapax fuerit, heres here-
ditatem acquirere nequit.

VI.

Quod si heres ex *re certa* institutus cohere-
dem habeat, Legatarii loco habetur. *L. 13. C. de*
Her. Inst.

VII.

VII.

Hæc verba: *Si heres non erit*, casum continent & *Noluntatis*, si heres esse nolit; & *Impotentiae*, si heres esse non possit. Adeo, ut unus casus expressus tacite contineat alterum, licet non expressum.

VIII.

Pupillariter substituere non potest mater, sed pater; & quidem liberis non tantum heredibus institutis, sed etiam exheredatis.

IX.

Cum pater impuberi filio in alterum casum substituit, in utrumque casum substituisse intelligitur, i. e. siue *filius heres non existiterit*, siue *existiterit & impubes decesserit*.

X.

Quod si itaque *Casus Pupillaris* eveniat, & filius intra pubertatem decesserit, Substitutus filio fit heres, exclusis filii legitimis heredibus, ipsa etiam Matre quoad *Portionem legitimam*.

XI.

Casus Pupillaris autem propter pupilli utilitatem

tatem, non tantum extitisse intelligitur, si filius paternæ hereditati se immiscuerit, sed & si bonis paternis se abstinuerit. Ut recte dicatur, per *nudam sui heredis existentiam confirmari tabulas pupillares.*

XII.

Per *Beneficium Inventarii* non est abrogatum *Jus deliberandi*; Unde si heres neglecto *Inventarii beneficio*, *Jus deliberandi* petere maluerit, non solum creditoribus in solidum tenetur, sed & integra legata & fideicomissa præstare debet, neque beneficio L. Falcidiæ, vel SCti Trebelliani uti potest. Quod vero ad detractionem *Portionis Legitimæ* non recte extenditur.

XIII.

Additionis hereditatis effectus est, quod, qui adiit, vel in totum, vel pro parte fiat heres, & in universum *Jus defuncti succedat*; Licet aliud sit in *Possessione*, quæ nisi, naturaliter apprehensa sit, in heredem non transit.

XIV.

Quod si una eademque res duobus coniunctim relinquatur, & ambo perveniant ad legatum, scindi-

scinditur inter eos legatum, seu concursu partes faciunt; sed si alter deficiat, totum ad collegatum pertinet *Jure scil. Accrescendi*, quod inter omnes conjunctos, etiam eos, qui *verbis tantum conjuncti* dicuntur, locum habet.

XV.

Annui legati non semel, sed s^epius dies cedit; *primi* scil. anni ex die mortis testatoris, *sequentium* vero ex initio singulorum annorum; Hinc etiam non finitur una Præscriptione XXX. annorum, sed singulorum annorum legatum tanto tempore præscribi debet.

XVI.

In *Quartam Falcidiam* tantum imputantur res, quas heres Jure hereditario capit, non quas jure legati vel fideicommisi, vel implendæ conditionis causa accepit; licet in *Quarta Trebelliana* fecus sit.

XVII.

Si Ascendentes eundem gradum habent, ex æquo inter eos dividitur hereditas: ut medietatem quidem accipiant omnes a patre Ascendentes, quanticunque fuerint; medietatem vero relinquam

a ma-

a matre Ascendentes , quantoscunque eos inveniri contigerit; ut adeo bona paterna inter & materna non sit distinguendum.

XVIII.

Cumulatio Actionum est plurium actionum, sive unius, sive plurium rerum nomine competentium, in uno libello coacervatio. Hæc illicita est ; neutiquam tamen cum actionum concursu confundenda.

XIX.

Si quis interroganti *Decem*, promiserit *Quinque*, non in totum inutilis est Stipulatio : Sicut & Fidejussor in majorem summam datus, ad concurrentem obligatur.

XX.

Omnis Appellatio *effectum* habet non tantum *Devolutivum*, sed & *suspensivum*.





+Z181871302

Österreichische Nationalbibliothek



+Z181871302

